

新淦縣志卷之八

人物志

忠義 殉義殉難附

至大至剛之氣塞於兩間天柱尊而地維立惟忠義  
爲最忠義豈易言哉淦邑如陳尙書之死於國事練  
中丞之闔門荼毒暨徐主政涂侍御等輝煌史冊其  
氣之浩然千載凜凜猶生焉後人抗懷曩哲宜聞風  
而起矣因編忠義

五代

新淦縣志

卷八人物志

忠義

一

陳喬字子喬廬陵玉笥人

時新淦屬廬陵

父濬事吳爲翰林學

士烈祖時以兵部尙書卒喬幼穎悟文詞清麗事親以  
孝聞濬死撫恤族黨均財給乏親疏無間起家爲大常  
寺奉禮郎歷屯田員外郎中書舍人淮南兵興元宗憂  
蹙不知所爲陳覺李徵古請以宋齊邱攝政元宗怒度  
羣臣必持不可促乃召喬草詔如覺徵古言喬請對未  
報排宮門入頓首曰陛下旣署此則百官朝請皆歸齊  
邱尺地一民非陛下有陛下縱脫屣萬乘獨不念先帝  
中興大業之艱難乎讓皇幽囚丹陽宮陛下所親見也



他日垂涕求爲田舍翁不可得矣元宗笑而止引喬入見后及諸子曰此忠臣也及齊邱黨與皆斥喬與齊邱尤親厚獨得不坐遷都豫章以喬輔太子畱金陵後主嗣位歷吏部侍郎翰林學士承旨樞密副使遂以門下侍郎兼樞密使貶制度改右內史侍郎兼光政院使轉政喬風度淹雅小心守法度然短於才畧吏胥多交通權倖侮文法不能察也大祖遣使召後主入朝後主欲往以喬爲介喬曰往必見畱如社稷何後主懼見討喬曰陛下不得已當以臣爲解及兵圍金陵大祖又遣進

新淦縣志

卷八人物志

忠義

一

奉使江國公從鎰諭指欲後主自歸且命曹彬緩攻以俟之而喬堅持不可劉澄以潤州降後主方惶惑欲置其家不問喬憤切曰人臣受重寄一旦開門迎敵此豈可容悉取其父母妻子斬之於是人皆知喬必死國事矣及城將陷後主自爲降欵命喬與清源郡公仲寓詣曹彬喬持欵歸府投承霽中復入見云自古無不亡之國降亦無由得全徒取辱耳請背城一戰而死後主握喬手涕泣不能從喬曰如此則不如誅臣歸臣以拒命之罪後主又不從乃掣手而去至政事堂召二親吏解

所服金帶與之曰善藏吾骨遂自縊二吏撤榻瘞之金陵平家人謀改葬求尸不獲或見一丈夫衣黃半臂舉手障面及發瘞如所見云

南唐書

元

孔會心武仲八世孫至元間由經明行修授安慶教授元末守城不屈赴蓮池死贈參軍都錄事

明

練子寧名安以字行新淦人父伯尙工詩洪武初官起居注以直言謫外任終鎮安通判子寧英邁不羣十八

新淦縣志

卷八人物志

忠義

三

年以貢士廷試對策力言天之生材有限陛下忍以區區小故縱無窮之誅何以爲治太祖善其意擢一甲第二授翰林修撰丁母艱力行古禮服闋復官歷遷工部侍郎建文初與方孝孺並見信用改吏部左侍郎以賢否進退爲己任多所建白未幾拜御史大夫燕師起李景隆北征屢敗召還子寧從朝中執數其罪請誅之不能聽憤激叩首大呼曰壞陛下事者此賊也臣備員執法不能爲朝廷除賣國奸死有餘罪卽陛下赦景隆必無赦臣因大哭求死帝爲罷朝宗人府經歷宋徵御史葉

希賢皆抗疏言景隆失律喪師懷二心宜誅並不納燕師既度淮靖江府長史蕭用道衡府紀善周是修上書論大計指斥用事者書下廷臣議用事者盛氣以詬二人子寧曰國事至此尙不能容言者耶詬者愧而止燕王卽位縛子寧至語不遜磔死族其家媼戚俱戍邊子寧善文章孝孺稱其多學而文宏治中王佐刻其遺文曰金川玉屑集提學副使李夢陽立金川書院祀子寧名其堂曰浩然

明史

徐子權洪武十八年進士授刑部主事與練子寧同榜

新淦縣志

卷八人物志

忠義

四

友善每花底朝回輒相倡和子寧詩所云霧靄爐煙當鳳宸風傳臚唱肅鷓班是也靖難師起聞子寧死從容賦詩曰翹首謝京國飛魂歸故鄉遂自縊以死

明史

練大亨新淦人子寧從子官嘉靖知縣靖難兵入大亨聞變同妻子沉於劉家河方黃齊練受禍之毒載奉天刑賞錄史稱其百世而下凜凜猶生蓋非不恤國事而以一死自謝者可同日語也

明史

涂正字賓賢宏治十二年進士爲諸生時其弟每縱酒悖慢輒優容以禮遣之分產聽其自擇有女心許友人

子未納采而友卒貧不能以自存竟以女歸之授江陰知縣政績卓異有循良十詠錢福爲之記治行第一擢河南道御史巡長蘆鹽課時逆瑾罔利不從憾之會將代瑾遣人令上羨餘不應入朝遇瑾惟長揖瑾益怒矯詔下獄廷杖三十謫戍肅州江陰民欲代金活之正不聽斃於獄瑾伏誅後詔復其官賜祭士大夫悼之作哀忠錄

附御史唐龍奏疏

巡按江西監察御史唐龍等謹題爲開續事臣查得河

新淦縣志

卷八人物志

忠義

五

南道監察御史涂正由進士授江陰縣知縣政績顯著宏治十八年朝覲吏部奏正天下治行第一特降敕褒獎擢授河南監察御史正德丁卯差巡長蘆鹽課劉瑾用事縱容牙爪中賣官鹽阻壞鹽法又差門下大監畢貞以取海鱸爲名擅立批驗衙門侵奪商利正執法禁止暨正巡鹽將滿瑾豫令逆黨張冕沙復明轄要將該年餘鹽銀兩割送私家正弗從悉上於公帑瑾深啣之後復命俟於朝門適遇瑾又怪不行跪禮遂於差官本下捏寫武宗皇帝旨意著錦衣衛將涂正拏送鎮撫司

打三十棍送刑部問罪該本部審正並無過失議復原職復捏旨意著錦衣衛將正拏去午門外著實打三十棍發肅州衛永遠充軍家小隨往遇赦不宥正傷重死於獄又令兵部行文原籍查收伊男涂朴起解補伍瑾敗始釋放寧家臣伏讀詔書內一欵宏治十年五月十八日以後正德十六年四月二十二日以前內外大小官員人等有因忠直諫諍及守正被害去任降調陞改充軍及言事忤旨自陳致仕養病等項各該衙門備查明白開具事情奏請定奪死忠者諭祭修墳蔭敍加贈

新淦縣志

卷八人物志

忠義

六

欽此欽遵已經備行去後□據前因查訪相同爲照監察御史涂正守正被害屍不得殮生前之節固深足嘉死後之情尤深可痛伏望陛下查議事情是實照例修墳諭祭贈官各蔭一子入監讀書則闡幽之典舉而忠魂亦於是乎慰矣緣開讀事理未敢擅便爲此具本順差舍人賚捧瀆題請旨

忠惠紀實時未分縣應入淦志

挽涂侍御正

明高貫

山茶本多棘有實亦見採芝蘭徒自驚鋤艾誰憐愛自出閨門來貞潔誓不改糟糠絕甘美荆布棄華彩夫君

索資裝貧窶無以解媵婢恃權寵逼迫日譖毀廢置覆盆下豈復勝楚箏舉頭訴彼蒼聽高如耳聵含淚下泉扃獨畱名節在未知董狐筆肯以公道載

郭裕崇正庚年科舉人二都香埠人知棗陽時楚氛甚惡流寇無寧日裕始至寇已破襄陽軍實府矣游騎薄城下總兵左良玉見賊勢甚盛按兵近邑索餉甚急裕單騎入良玉營與以誓盟良玉始督戰賊遁壬午復合兵八十萬襲襄陽至將裕邑裕集精銳死守賊知有備解去十二月賊將劉福悉精兵萬人攻之裕登埤以死

新淦縣志

卷八人物志

忠義

七

自誓士皆垂泣殺賊七百人福益治火器盡銳攻之癸未元日城陷裕身被數槍猶麾將士曰死內舍十餘人皆死次日福縛裕送闖賊營曰不降寸磔汝裕罵曰堂堂縣令豈從逆哉賊怒支解之裕以孤城抗賊經年無援沒陷闔門盡義楚人哀之

棗陽志

國朝

劉芳槐字植軒號綬堂城內人道光壬午科舉人大挑二等工制藝有自課文稿教授生徒多方誘掖時稱名師爲人忠直廉介不可干以私與人落落難合署鄱陽

縣教諭有賢聲補德安訓導委查水災無侵隱癸丑髮  
逆竄擾省垣芳槐上攻守策均關切要當道多見採納  
甲寅七月賊攻德安芳槐督團勇出禦受傷死節陳撫  
軍題奏奉

旨議卹

兵部議給卹賞銀壹百兩

禮部議祭葬銀壹百八十兩入祀建坊

吏部議襲雲騎尉世職襲次完時給予 恩騎尉世襲

罔替省垣忠義局有傳殿撰劉繹書後

新淦縣志

卷八人物志

忠義

八

劉芳槐傳

忠義局稿

芳槐號綬堂新淦人道光壬午舉人嘗纂修縣志主講  
樂平翥山及新淦金川書院署鄱陽教諭有富室訟一  
生於學使尋要芳槐先除生籍並許之賄芳槐怒絕之  
曰吾豈以秀才賣錢耶卒雪其事補德安訓導查水災  
親歷各鄉紳董無侵隱者會大府檄彙報節孝建總坊  
芳槐悉汰去報費冊費印禮名目不數月而事葺咸豐  
三年賊自湖北陷九江芳槐倡行團練未幾賊圍南昌  
以策干當事者不果行南昌圍解賊退踞九江而德安

爲九江入省要衝復上書巡撫請集團練以扼之有以  
餉爲慮者芳槐著募勇籌餉議大畧謂徵客兵不如募  
土兵而土兵餉減客兵半足以集事且使家自爲戰人  
自爲守則富者必能出財以資貧貧者必能出力以衛  
富亦足以佐官糈之乏而省轉運之煩因欲仿古者司  
馬乘車之法管子軌里連鄉之制以部勒之凡數千言  
雖不可盡用而聞者壯之七月賊自武甯陷建昌將由  
德安入九江時知縣劉希洛以乞餉赴省芳槐與守備  
朱發魁典史王廷瑞分扼各要隘鄉團敗南路賊乘勝

新淦縣志

卷八人物志

忠義

九

斬獲甚夥賊自西北襲其後團勇潰芳槐遇害於縣學  
之博文齋會丁祭齋宿正衣冠受刃死

書劉芳槐忠義傳後

國朝 劉 繹

世嘗謂廣文官多腐儒以其年老而氣漸衰也於虜明  
倫堂上世傳忠節之名不遇歲寒誰知松栢之後彫哉  
廣文師儒官耳天下之膺爵祿事事權者所在皆是平  
日視廣文不足爲輕重一旦臨危遇難束手無策甚者  
棄而託逃苟免偷生孰知一冷官乃能遠慮深憂先事  
則思患預防臨事則同仇敵愾從容就義以成其志此

眞不愧儒官歟觀其上張撫軍書及倡團議非僅以一死見節者已君司訓德安十餘年正士習表節烈賑水災功績甚多卒以督團死難今讀忠義錄爲廣文先生一吐氣焉君名芳槐號綬堂壬午科舉人

盧懷源邑西金灘人咸豐乙卯髮逆逼境次年官軍進剿懷源力籌團練沿河防堵截賊援路丁巳冬官軍克復臨郡撫憲耆獎給六品辛酉秋賊復由瑞擾臨懷源籌團如前力單出仗受傷死同治七年撫憲劉彙奏

部議廬懷源照四品以下陣亡例議卹給以雲騎尉世

新淦縣志

卷八人物志

忠義

十

職襲次完時給以 恩騎尉世襲罔替

廖懌曾世居邑西九年里邑廩生道光丙午科舉人畱京數載補授正白旗覺羅宗學教習以母憂回籍咸豐乙卯冬髮逆石達開踞臨郡羅織文學士懌曾居較近恐不免欲挈眷北行不果旋被石逆逼脅於丙辰元宵手披明史靖難諸臣傳投繯而絕同治二年採訪忠義案內奏

准照新章賜旌仍入縣祠總坊並附入省垣忠義祠

楊雲笙邑西坑口人郡廩生道光癸卯科亞魁生平介

介不苟咸豐乙卯冬賊踞淦城雲笙以母老未獲遠逃  
僞監軍潘賊暨敖賊拘至拔刃叱之雲笙瞋目曰殺便  
殺我我豈畏死者賊壯其語竟釋之未幾嘔血數升猶  
力疾倡舉團練耆中丞保授六品旋以團務勞瘁卒  
軍功六品廖賜黻邑西廖坊人山東候補縣丞廖際泰  
之父咸豐十一年秋調團擊賊被執罵賊死義時年六  
十有五並團丁百一十二人俱被殺經御史曾協均片  
奏江西忠義局第十二次採訪案內續經撫憲劉以陣  
亡請卹彙奏

新淦縣志

卷八人物志

一義

十一

黃炳邑西侯府人有才畧嘗著治平策欲獻無由悒悒  
不樂其族姪維誥在浙署温州府篆心善炳才聘掌文  
案會髮逆竄擾淞江維誥奉委帶勇赴瑞安剿賊而溫  
屬金錢會匪乘虛闖入溫城炳與在事文武紳董員弁  
齊出捍禦身受鱗傷罵賊遇害當經收復州城員弁以  
文生黃炳忠義可嘉彙詳旋奉制督奏請

部議照

賜卹

劉紱邑西龍窩人原名祖培供事議叙甘肅禮縣典史

陞綏定城巡檢候補縣丞撥平涼府差委同治癸亥年  
春委守城八月十二日遇匪破城殉難繼配李氏妾王  
氏長子從九職銜永泰次永晉永豐女一同日殉難  
贊曰千秋正氣異代相望喬公節義練媿方黃涂徐踵  
武裕死危疆還觀繼起克振綱常

殉難紳民附

縣丞 劉泉明

增生 鄧啟昀

監生 劉仕修

武生 羅興梓

職員 楊嘉壽

從九 楊長仁

武生 張仕德

從九 方映漢

員口 易日傳

新淦縣志

卷八人物志

殉難附 十二

監生 曾邦彥

監生 鄒在泮

武生 鄧嘉碧  
從軍陣亡

從九 聶仁質

同州 曹維核

議八品 張登鈺

從九 周秉竒

同州 傅錫朋  
叔弟同殉

職員 聶爲盛

軍功六品 吳芳竒

從九 劉祖學

監生 劉鳳姿

生員 陳文銳

職員 劉光銀

從九 陳順言

議八品 楊相周

軍功九品 蔣鍾輔

已上紳士共二十六名

耆民 楊利川

耆民 陳道隆

童生 蕭漢儀

耆民 陳開貴

耆民 陳景運

耆民 劉光梓

耆民 鄧興茂

耆民 周則名

姚化甫 鄧耀思 習富周 姚振春

姚慶貴 李高盛 習道修 姚和新

姚果才 曾發元 李高照 姚魏求

劉佳吉 鄒如霓 廖昌言 曾善貴

宋周學 周仙昇 鄧雲佐 楊壽榮

曾義能 曾實修 楊財珍 楊發賢

曾經世 習普珍 鄒昇二 鄧昇裕

曾立貴 楊啟茂 鄒廣興 張彩元

劉持才 劉有烈 聶福慶 黃藻彩

新淦縣志 卷八人物志 殉難附 十三

黃雲飛 劉清喜 聶義仔 袁喜保

楊盛秀 劉清鑑 洪朝乾 宋仁有

聶耀富 陳大任 洪鉏一 宋榮姿

聶交勤 郭周仁 洪富安 劉雅能

楊嘉和 謝敬德 彭世尾 劉喜能

楊才修 李倫增 彭廷堂 劉盛華

楊義和 李倫茂 張承棟 楊時奉

楊發修 楊紹林 劉三賤 楊時來

李愛羣 蔣高才 皮輝和 楊時泰

唐盛遠

蔣喜贊

李信輝

楊開有

唐高業

周高明

楊堅美

楊貴彩

劉發星

周階紹

周全昌

楊明輝

謝慶孚

彭常成

楊祥興

楊繼勝

聶益生

周晉卿

妻傅氏同殉

張琮德

傅瓊芳

曾有道

聶文會

杜秀珍

傅上高

劉雲明

聶文渭

杜敬武

周梅芳

周美秀

張朝清

杜啟珍

周東芳

周美璜

李元和

杜克榮

新淦縣志

卷八人物志

殉難附

十四

周永成

周美琨

妻龔氏及二子同投河

杜壽清

傅光耀

周仰秀

李富基

杜旺作

傅錫圭

劉降言

李志拔

吳品蘭

子魁才同殉

傅文孫

劉發言

李華林

陳盛茂

鄧貴順

曾其瑞

陳華章

彭應亨

鄧昌發

洪梓雲

劉富英

徐令德

楊明玉

徐地榮

徐功三

鄧萬邦

陳洪亮

楊建波

郭賢芳

鄧立華

楊彥八

妻劉氏同殉

鄧景興

鄧顯揚

鄧相萬

鄧裕波

鄧餘禧

鄧喜才

鄧保華

李賢望

鄧顯采

李湧修

鄧順昌

陳時顯

鄧洪八

陳珈貴

鄧起四

郭光輝

黃士顯

殷靈華

湯隆昌

彭雲發

李應交

李進才

謝秀可

彭懷四

周明若

李再興

李德美

妻范氏及一子二女同投河

李寶廷

劉新贊

李細牙

楊慶發

唐省然

劉泰昌

謝洪芳

鄒計三

新淦縣志

卷八人物志

殉難附

李集成

劉泰源

李攀元

鄒裕光

劉克章

劉享仁

李龍德

彭承祥

謝廷可

劉恒交

彭宜四

張宗盛

謝財元

劉喜之

彭聰五

李仲修

李生財

劉毓之

李福興

周福元

劉貞吉

蕭永祥

李月松

楊福再

劉朝鉅

杜在遠

李坤云

楊連再

劉朝旌

吳明滿

周秀德

周榮奇

杜雷興

母邱氏同投河

劉富榮

吳瑄松

周維藩 曾鍾才 劉君顧 朱玉瑞

周學華 周望道 劉發元 傅錦宏

周有典 劉九孫 杜長孫祖母周氏同投河

傅君儀 周梅階 曾先烈 劉貴才

劉乾元 蕭興高 周雲瑞 劉節才

劉孝才 廖麟才 饒俊保 楊仁棠

劉星榮 廖陟興 蕭喜貴 劉應崧

周勤勉妻黃氏及二子同投河 蕭立新 黃祥品

廖賜欽 蕭立梓 饒俊升 皮體梅

新淦縣志 卷八人物志 殉難附 十六

彭天遠 蕭立知 聶非蕩 廖祿聞

廖峻奎 蕭金聲 聶恒遠 廖向夏

廖康才 龔德盛 聶心用 廖慎祿

蕭為仁 楊以業 聶輝元 廖成發

饒蓮生 楊壽松 李颺斌 曾燦安

盧為蘭 朱世效 彭祥明 楊維縉

盧殿榮 朱發泰 鄒長茂 劉登峯

盧殿開 朱發倫 廖有好 劉明春

盧庭思 朱發華 劉秉濫 廖興悌

劉思孟

盧玉章

朱發梅

廖廣周

曾興輝

盧碧禮

朱興之

廖賜綱

黃有若

盧玉璣

朱興能

廖賜緝

程其能

盧殿遜

朱長保

廖奠棟

朱祥壽

朱高宰

彭祥見

廖奠梁

廖奠材

張似玥

曾其儉

曾其松

廖奠椿

張似琦

曾世勁

曾其貴

廖士愼

張似班

曾勸文

曾法知

傅鎮德

張殿梁

曾賜光

張理朝

新淦縣志

卷八人物志

殉難附

十七

傅振江

張殿森

曾迎祥

張照

傅元文

張開遊

曾世璣

張相壽

傅日盛

張馨蓀

曾訓曲

張積華

張殿林

盧學金

曾其言

張積興

張似瑄

朱佑隆

曾久也

張興學

張如榮

劉鳳錦

陳瑞隆

龍立愛

蔣仕汀

胡達凡

劉佳錫

方義魁

蔣仕淘

胡秀振

劉細牙

曾南品

蔣仕和

楊連發

劉正保

周冬保

生童

曾蘭品

生童

曹日椽

生童

姚振玉

生童

張敦信

生童

周詠臨

生童

張成德

生童

姚振岡

孫學澍

楊上吉

魏大心

姚華甫

孫汶之

李才興

饒顯七

姚高運

帥潛言

傅燦謨

姚惠春

姚周運

李子九

余剛德

姚作求

姚理運

鄒得招

陳元杰

劉元端

姚東貴

鄒生和

陳善慶

妻同  
殉

陳興善

姚位甫

胡發珍

習德甫

姚崑圖

蔣元樾

鄧洪本

新淦縣志

卷八人物志

殉難附

十八

劉連泰

傅冬生

蔣鍾定

劉五仔

陳仁安

周昇揚

蔣思坻

劉興川

陳海慶

蔣鍾本

鄭文昭

劉長福

鍾吉廣

胡超裕

范其茂

毛茂生

浙江陣亡

謝尙齡

謝松齡

謝週齡

劉有朋

母同妻

劉有慶

劉添孫

劉十仔

劉有幹

妻同殉

劉茂修

劉春祥

劉鮑才

廖景雲

黃聚懷

符養德

投克開化營勇在漂子山陣亡

已上民人團丁共四百二十五名

新淦縣志卷之八

人物志

孝友

庭有懿行人無間言豈一朝一夕之故哉毋忝所生而兄弟既翕非第供甘旨無私蓄也誠以天性之肫摯卽風教所維持日積月累臻於昇平皆由此基之故禮讓素敦躬行孝弟紀之邑乘者芳躅昭然實足風勵羣倫也因編孝友

晉

新淦縣志

卷八人物志

孝友

一

畱京市南人孝行推於鄉里時江水暴漲居民皆遭漂溺京負其母號泣忽有大龜至其前舉家七口俱上龜背行十里許及一高岸遂失龜

九江記

通志跋云晉時未有臨江郡名畱京事林志不載然豫章書引九江記以畱京爲晉人必有所據今時代旣不可詳姑仍豫章書補入之

南唐

周斗南字彥強少俊邁屢舉不第中年讀內經有得遂無意仕進家貧教學以供甘旨有餘則以給其弟或勸

之仕乃勉赴廷試得大庾簿奉母就養至顛以疾卒人咸惜之

宋

張仲友元祐間人父業醫早卒仲友世其業事母至孝人稱張孝子鄉先生宋玘爲之作傳劉仲叟書於戲魚堂

郭抃幼失怙建炎間寇賊四起所至焚殺獲女婦輒拷掠索窖藏否則殺之抃母爲盜所執抃泣哀求以身代賊憐而釋之部使者請旌於朝會中原多故未報後每

新淦縣志

卷八人物志

孝友

二

遇大禮賜赦郡縣舉舊典封護其墓尙書張穎爲作孝子傳

江偉字彥明

舊志偉新淦人永新志偉作偉

喜作詩事母盡孝母疾進

藥之餘攜筆硯坐床下吟詩自遣與俞師郝處俊友善崇寧大觀間吉守嘗以八行薦於朝不報自號轅陽居士處俊登建炎乙科而彥明晚春詩有云鬪草事空猶昨日惜花心在又明年其詞意亦婉美江俞兩人酬唱甚多新淦永新志並載其事殆以爲廬陵新淦耶

獨醒

雜志

張文字堯冕事母孝所著有易經五贊解四書發明西洲稿

李仲發新淦人幼孤事二母俱孝紹興甲寅生母侯氏  
病革割股肉手熟以進母啜之愈有橘產於庭二木合  
幹人謂孝感所致誠齋楊萬里爲匾其堂曰橘瑞良齋  
謝諤記之侯氏歿誠齋題其墓曰李孝子生母侯孺人  
墓

馮宸郎新淦人年十四割股救其父彭細孔割股救其  
母悉聞於朝二人皆淳祐初事

新淦縣志

卷八人物志

孝友

三

蕭大臨大受兄弟幼失怙躬行孝弟事大父慈母色養  
家事大臨獨任不私蓄者三十年大受受室始終不析  
爨楊文節公萬里題蕭端虛和樂堂詩云玉笥風回峽  
山雨兩公對牀方軟語少公一生吟樣癯長公半醉少  
公扶白頭兄弟不多有面如橘紅不關酒紫荆花開連  
理枝孝友未要時人知至今里人尤談其事

楊誠齋集

元

何祐新淦橫溪人兄弟四人翕然和樂孝於父母祐自  
少不羣力學好遊覽竒勝自江涉淮歷齊魯以達遼海

若有所得祐父士端工於醫敬賢尙義教諸子以學文  
存心澤物人以爲積善之報

金文靖集

蕭伯原性至孝守父喪盡禮以蔭授宣義郎爲泰和縣  
丞時金兵壓境官屬解散獨伯原不懼郡守嘉其忠命  
署縣事旣得代因過泰和桃源愛其勝家焉後子仲倫  
舉於鄉四世孫漢卿膺薦爲寧州學正以謙謹簡默率  
諸生鄧侍郎光薦稱之其裔在泰和多顯者

盧勝字紹先新淦殷山人資稟敦實讀書通大義元末  
兵擾間關養親時遠近方事焚劫盜感其孝戒勿犯其

新淦縣志

卷八人物志

孝友

四

廬隣里亦賴以粗安兄弟三人怡然友愛伯兄歿於外  
事寡嫂以禮爲擇後承祭開塾延師訓子弟僮僕皆有  
方法口不言人過人有爭溫言解慰或加以非禮笑不  
答有急難假貸不能償者無所較鄉里咸以長者目之  
子滋字玉潤以薦授吏部主事歷官杭州知府以廉勤

稱

金文靖集

明

宋貴祥字惟學新淦柘鄉人先世出自丹陽有名詢者  
爲袁州刺史秩滿道經新淦遂家柘鄉貴祥幼孤性謙

謹篤學好義家庭之間藹然禮讓之風好遊覽常買舟  
泝大江逾淮泗以至齊魯南涉衡湘西抵隴蜀洪武中  
以耆年舉遂至京面謁太祖錫以宴勞遣還貴祥事母  
王氏至孝元季兵興父客死於外貴祥日夜哀號卒獲  
父骨歸葬每與人言輒嗚咽不禁見者爲之感慟孫常  
以易經登永樂戊戌進士

金文靖集

袁辛字煥南新淦沙坊人美姿容幼敏力學家居父子  
兄弟自爲師友父以仁高年爲鄉里推重辛朝夕侍婉  
愉承顏得其歡心季父克己以才薦仕爲河間府稅使

新淦縣志

卷八人物志

孝友

五

改臨安宰靖州南北遷調辛扶持之勞爲多時朝廷方  
營建北都詔取大木邑大夫檄賢豪任其役辛率千人  
入險阻冒風濤以進舟至新淦白馬灘疾忽作子吉祥  
侍側呼之曰疾弗起矣宜自立毋忝所生

金文靖集

袁吉祥新淦玉峽人父辛弟吉榮吉華吉信吉瑞妙年  
美質卓有立志弟兄優游究心六藝勤於揖讓肅教敦  
禮宗族享祀必謹必恤忿疾之言不出於戶鬪訁之聲  
不聞於室與金幼孜爲婣連稱其居有華屋衣有美服  
有僮僕給使令有田園供伏腊有煙霞泉石供嘯傲所

以適心情快耳目者無一不得而勉以君子所性修之於己爲仁義禮智行之於家爲孝弟忠信致謹於日用常行之間防慎於幾微幽獨之際不可使須臾以乖於道此則士君子所當致力而不敢忽者既協之琴瑟填箎以重倫而厚誼益進以日積月累以承先而啟後吉祥兄弟安享悠久之福以瀟灑太平之澤者非無所自而然也

金文靖集

黃賢字仁律德淵孫正統間貢士教授荊州端己率物課士先實行而後文藝學侶嚮風在官踰年以母老乞

新淦縣志

卷八人物志

孝友

六

歸孝友廉潔表正率鄉閭迹其恬淡殆善承祖武云

胡進用新淦中洲人父懋功祖厚德俱蚤逝祖母曾母聶矢志撫孤進用鞠於曾事母盡孝每念及二親淚則涔涔下見者悲之進用有才而賢與邑先達周虛白訂忘年之交情孚意合稱其德義之全不獨文章之俊搆聳翠樓環攬中洲之勝其所著篇什冲澹清妍日進於善

東臯集

干顯偲有至性甫六歲父柔敷卒事母陳氏孝養若成人母病籲天以祈身代湯藥必親頃不離側母卒哀毀

幾滅性朔望時祭必至墓拜哭雖疾弗輟提學邵寶特  
加存問且歎其能盡養盡哀宏治間旌表舉入江右名  
賢

黃流新淦人早喪父其母患噎疾醫弗効日夜禱於神  
求以身代一日母思米果卽有隣人餽之者食之遂愈  
流往稱謝鄰言初無是餽人以爲孝感所致淦之言孝  
行者以干黃竝稱云

林志

于鳳字宣治性至孝父母卒哀毀廬墓三年宏治甲子  
舉於鄉登正德戊辰進士乙榜授高淳諭誨諸生以行

新淦縣志

卷八人物志

孝友

七

業名節相砥礪出俸錢以供祭器尋以憂歸服闋補合  
淝清白自矢病危大守廉其貧遺之金使治後事不受  
尋擢桃源令命下而卒合淝諸生爲立遺德碑祀於學  
宮正德嘉靖中祀鄉賢督學使邵銳乃命建坊表其宅  
鄒深字維淵新淦塔峯里人宋銀青光祿大夫望龍之  
後父廷偉深生而剛直治詩遊邑庠後之安成卽吉水受  
春秋於趙司空窮探苦索卒領其旨督學范公試士首  
列深召之坐講經義欲奪一生廩餼與之深以義辭五  
試不第杜門不復干進正德辛未流寇壓境深侍父避

山中賊得其父刃加其頸深大哀號願以身代懷金求贖賊義而釋歸督學李夢陽聞之大加嘆賞士大夫咸詠歌其事父歿事母益謹與弟維源共理家政出納公謹友愛不替當時謂深績學不第安於義命完親以歸誠能動物可云有道之士矣

秉器集

胡堅號南汀幼失怙奉二母以孝聞

萬曆中由貢監

授山東濟

寧衛經歷所至軍民懷之以內艱歸鼎修宗祠重刻先集與同邑朱連劉正亨爲觴咏友因題其諸祖塋墓卜厝於武溪之傍年八十二卒二人爲之豎立枋表撰文

新淦縣志

卷八人物志

孝友

八

勒石以彰厥德焉

饒思鄒字克紹邑西湖田人幼孤奉母守節寄居外家孝弟力學伯舅識爲館甥家人避季舅疫思鄒獨躬親殯事而均植其後嗣應隆慶丁卯選貢就南平訓導却金不事請托諭羅田雪士冤其人遂獲僑選令湖廣新寧擬調大邑百姓保畱乃止復徭徭侵田數千畝立新法汰浮廩得序餼者七人出死刑講軍實甦困民清丈冊詳載旌賢祠記畱任七載致政歸屬其後曰畱餘彭錫命字君寵淦北甘泉人中萬曆壬午鄉薦丙戌登

進士家貧嗜學少有才藻尙大節誘進後學以成名賢事二親尤以孝聞外祖官學博舉嗣最晚先遺母田數十畝學博殂子甫半暮亟請於母以田還之撫植過於己子讀書清江山寺中見枯骨及塚崩者捐貲爲之蓋藏旣鄉舉益杜門讀書謝絕干謁修葺宗祠旋登科甲內閣許國獨器重之稱爲榜中杰士爲具疏爭儲位許閱其稿益歎不已值暴疾未上館選卒

吳龍字永卿邑庠生父早卒事母張氏以孝聞母常危疾不療籲天祈代夜夢神告醫姓名求得之果效後數

新淦縣志

卷八人物志

孝友

九

年母卒結廬塋側感蛇虎之應大史羅洪先作原孝嘉之事聞旌其閭

鄧桂性篤孝嘗廬墓山中墓側有山叟慕其孝挈子往候道值虎攫叟子於山巔鄧聞籲天曰若衰年僅一子以我故而罹虎傷是我之罪也虎遽搖尾馴服遂釋之

鄧孝子傳

國朝

陳希獻

邑有孝子垂暮而始知之又數年而後傳之其人則宣城鄧氏是也孝子名桂痛父歿號哭幾殞不內入不肉食三載如初其居恒蓋篤行君子也母歿亦如喪父時

家貧爲父母營葬負土爲墳結廬墓側晨昏哭哀感行人從山下來者往往彳亍揮淚而不忍過其所距墓半里許有叟家焉叟哀憐之一日攜子往見老林深箐忽風生谷應虎伺其中突攫其子以去置之山椒叟大呼聲徹墓廬孝子聞而奔救仰天號曰叟年高僅一子以我故罹虎害我實不德以禍此叟虎舍諸虎曳尾垂首若喪氣然遂闐寂以遁乃奔抱其子與叟提攜哭叟忽破涕爲笑喜其無傷也一時名人達士咨嗟而咏歌之余聞是事爲之詩曰白額恐傷純孝性也知愛屋及烏

新淦縣志

卷八人物志

孝友

十

情殆紀實也孝子廬墓歸益讀書樂道見重士林不屑爲進取計時人咸稱曰孝子於是有司循例以表其堂惜無有大力者聞於

朝如南宋時潘綜事旌之爲純孝里云

次沙文集

王舜道力學甘貧親終廬墓適天旱山澗絕流病不能汲因掘地泉應手而湧人以爲孝感事聞旌其閭王秉節幼孤力孝母病籲天請代割股肉和藥以進母旋瘳邑令曾聞之學使給衣巾歲賜粟帛

鄧國材邑庠生父病將革遂剗肝和粥以進秘不言忽

有道者持藥造門曰以療孝子隨去不知所之事聞有司召詣府驗視咸大嗟異後廬墓復有馴虎守其旁山無居鄰一日爲盜所縛忽山谷響應縛盡釋兄國正亦嘗割股愈父疾兄弟雍睦無間有司顏其門曰力行篤孝

### 二孝子傳

國朝 陳希獻

二孝子同懷兄弟也兄國楨一作正天性純樸綽有古風常割股愈父疾國材博學能文爲黌宮領袖兄弟友恭俱以孝聞後國材值父病又篤遂割肝和藥以進初國

### 新淦縣志

### 卷八人物志

孝友

十一

材之肝割也家人無知者忽有叩門人布衣草履探囊出丸曰金鎗藥療孝子苦言訖不見咸疑異亦莫測所由來察國材色甚慘皆私謂得無繼兄所爲耶國材秘不言強起進湯藥父覺藥有異不數日俱平善如初後父歿國材廬墓三年馴虎爲守今室廬故址尙存鄉父老往往指目之曰此兩孝子鄧氏廬也嗟乎世有謂其兄弟爲愚孝者吾不知其爲何說殆不過慮其毀體以傷親耳不知孝之大可以動天地格鬼神積誠所感危而能全不然則送藥之道人胡爲乎來抑何神也謂之

曰愚豈可及哉野史氏曰天性之汨沒也可勝慨哉孰不愛吾身而惟知吾有父如鄧氏兩孝子者今有幾人哉雖然有曾閔之行而困於單寒能自達於上者鮮矣維持風教者於此可忽乎哉

次沙文集

鄧榮綬從九品東郭人承懽色養友愛情怡父在母亡兄終弟歿成兩嫠之節修橋道以利人出行積穀以資歎助貧婚掩遺骼

習開泰鄉飲習坊人一歲而孤稍長爲人食牛母疾嘗痰施塑金神獲佑表率刑于妻沈氏同心克孝

新淦縣志

卷八人物志

孝友

十二

楊烈生員水口人重念同胞讓名讓財謹遵遺命孝友足爲里黨式

彭澤增廣生五都人九齡無母生忌必祭居喪瘠毀嘔血絕而復蘇繼母哀兒硯作田耕以共甘旨舌舐母瞽目復明召弟嚙指爲書勵貞完弟婦節妻周氏觀刑孝

養克謹

周家梁贈修職郎吉水縣教諭梅溪人幼年失恃哀苦成人孝事繼母誠心感召化虐爲慈育兩弱弟三十年同居一家三世教養弗衰修城建學捐金三百餘

王維倫增生大車里人九齡無父哭泣躄踊如成人事  
母卽知溫清定省之節受室以後導婦偕行孝敬跬步  
頃刻不忘稟承訓徒負米念切瞻雲賓筵宴會舍肉懷  
橘綽有古風中年失偶母每歲製二履遺之維倫跪拜  
著履拂塵雅步俯視歛歔年雖衰老三年大比猶應鄉  
試以冀顯揚篤行可風

朱尙禮四都人六歲喪父時順治元年鄉里未靖隨母  
避寇比就塾師講弟子入孝出弟章歸而爲母解說自  
云人皆有父我乃獨無輒爲涕出母子感傷母病瀕危

新淦縣志

卷八人物志

孝友

十三

醫者言需指爪入藥尙禮卽割一指和藥以進母獲壽  
九七而終

楊國楣主簿坑口人係遺腹所生善事寡母終身如一  
居處莊敬願減算以益親能分金以潤姊

周廷訓鄉飲武湖人事父母以孝聞年二十九失偶不  
娶節義性成弟歿姪幼課姪入庠建修家祠橋道義井  
排難好施始終如一

周廷楞穆湖人父歿守塚三年服勞致祭代父教弟得  
就功名施蓄義穀倡立祭田

周秉禮道光辛卯 恩科副舉邑西梅溪人父世焯任  
吉水教諭予告歸宦况蕭然子三人秉禮居幼弱冠餼  
於庠以家窶授徒傅姓距家四里許秉禮每晨必歸省  
三年不間後因父年臻九旬館於家夜卧父側父中夜  
常擁衾坐秉禮以己背貼父背時舉得意事以爲笑樂  
父卒祭喪皆出秉禮後選萍鄉縣教諭在任十二年歸  
邑人舉孝廉力辭不就年七十六卒於家

蔣元善五都桂川人天性純篤童子時母有疾湯藥必  
嘗先稍愈私典衣市肉以進母問所由來以貸諸人對

新淦縣志

卷八人物志

孝友

十四

母覺其身寒知肉乃衣換也母怒責之跪曰衣可緩製  
母不可不速愈也父隲其言命就塾其父固業農也每  
從塾歸常負耒隨父出入則讀書達旦不倦數年補弟  
子員後母没不御內者三年父見其哀毀立輒慰之請  
諸父曰男前有母而今無母父老再娶男母死猶生也  
父聽其請其事繼母如生母其繼母亦視如己出鄉里  
咸稱爲蔣孝子焉

李萬昌五都譚家坊人三歲而孤母養之稍長捕魚爲  
業十六而母瞽兼患風疾手足不仁起居便溺飲食浣

洗皆昌親之四十年如一日母死悲號泣血負土成墳  
葬母父側夜則獨卧葬所哀慟感人其至性所然也  
廩生吳玉衡城北人素行廉潔遇事不苟事父母服勞  
奉養生事葬祭各盡其禮事繼母蕭氏居平孝順賊至  
常負母逃繼母病衣不解帶日夜侍奉湯藥母病稍痊  
思肉食雖貧不得卽多方營購以資奉養後母病愈玉  
衡因奉母積勞成疾遂至不起又玉衡友愛兄弟玉衡  
居長父死諸弟教讀婚配力任其事可謂孝友兼全  
贊曰廬墓爲禮守身示教割股臥冰至成爲舜道孝泉

新淦縣志

卷八人物志

孝友

十五

湧吳龍神詔蕭氏弟兄醉吟扶笑

新淦縣志卷之八

人物志

善士

人之好善有善心必有善行鄉閭稱之宰官獎之朝廷旌之淦俗多好善其義舉有司廉其實行上之褒嘉固其宜矣因編善士

明

鄧元秀初授臨江路總管府判官廉幹有聲覽淦東桃源之勝遂籍焉性孝友居鄉無間言更好義急施予嘗

新淦縣志

卷八人物志

善士

一

創買祭田數十畝以給俎豆有地名藍溪路當衝要行者病涉爲鑿烏江之石伐連坑之木獨力造橋五墩計費不下二千金事上議旌不樂市名固辭垂今往來咸便焉

廬朝偉好義人也性公直兩目分雌雄有心計先是朝偉啟土得一刀於窖中元末壬辰兵燹遍天下鄉巨姓咸推偉守禦固辭弗獲乃提刀斫案曰天旣厭亂必生眞主公等欲共守以待有不如令者當如此案衆唯唯偉法令嚴明劇盜莫敢犯境定住元帥守臨江倚偉保

障無東渡憂會兵逼郡城駐蠹湖偉遣兵夜襲挫其鋒  
遂遁去境內賴以安明大祖決戰康山進糧餉洪武二  
年追錄前功授爵通侯偉固辭乞老再徵堅辭不就尋  
卒  
鄧學禮性仗義不局局儔伍中年荒隣里乏食多捐貲  
賑貸緩責其償縣令朱嘉其義委修便民倉工費不啻  
千餘金身自爲督經營調度悉如式嗣天台王令至復  
勸買養濟院田兩臺並加旌獎後舉賓筵晚工岐黃術  
恤貧施藥所全活甚衆

新淦縣志

卷八人物志

善士

二

鄭宗魯富而好義宣德間江西大禋宗魯助粟二千碩  
發賑巡撫上其事詔遣行人賫勅旌爲義民勞以羊酒  
仍行有司復其家子政瑄政寬亦克肖厥父正瑄於正  
統六年政寬於景泰四年俱以入粟賑飢詔賜旌賞時  
稱爲義鄭復有雲甫云

饒仲遜淦西湖田人質性溫雅博覽經史好賢禮士而  
樂於施予會英宗之癸巳四方水旱黎民阻饑詔輸穀  
一千五百石以上備賑者賜勅嘉獎仲遜卽出穀二千  
二百石郡邑賴之上勅旌義民時東里楊士奇臨陽諸

縉紳皆華以文謝仕載周永緝亦同敕旌

吳輔宗景泰癸酉歲大饑出穀二千石輸賑撫臺以其事聞勅賜官帶旌其楣曰義門

朱禮性耿介好古右文景泰初以輸粟賑饑鄉民歲歉多所捐助有司上其義勅賜官帶

聶仕字登明淦北綰湖人少苦力學補邑弟子員敦行孝友崇正乙亥邑廉其行優舉鄉賓晚怡情山水適歲歉捐己橐樂賑窮乏里中咸德之

廖炳暘新淦長簿人其先世常出粟與興義倉炳暘貲

新淦縣志

卷八人物志

善士

三

益殷盛樂施予克紹先志給濟凶荒鄉里賴之當道具聞於朝降璽書旌焉

廖氏義士記

明 蕭鎡孟

聖皇嗣興雖際海宇寧謐民物康阜尙慮歲有旱潦之患而致小民饑困乃詔廷臣四出躬臨藩臬委官按行郡邑咨諭富民出粟於有司大興義倉廣儲蓄賑給是蓋堯舜博施濟衆之心周文懷保惠鮮之政也時監察御史薛公督奉敕偕江西參政張公居傑僉憲張公琦董其事而臨江新淦長簿廖氏實與焉廖氏家世積善

爲姓最著貲產殷盛樂於施予至庠生炳暘克紹先志  
尤能調窮恤匱恭承上命惟恐弗逮卽時出給以濟凶  
荒鄉里賴之甦而全活者甚衆當道具名聞於朝特降  
璽書旌爲義士命有司賚牛酒蠲徭役爲請文立石以  
勸將來垂之永久暘獲叨荷寵恩何其幸哉惟朝廷以  
恤民爲心而建義倉昭代之盛典也百姓以報本爲務  
而甦困之義士之勇爲也人之言曰有唐虞三代之君  
斯有唐虞三代之民傳曰積善之家必有餘慶於茲有  
在然則廖氏食天之報而子孫蒙福顯榮昌大寧有旣

新淦縣志

卷八人物志

善士

四

乎予嘉其義特書此以記之而爲後世之徵云

黃五倫黃善正統天順間父子出粟助餉賜職文林郎  
奉敕褒獎

劉廣濟正統五年賑饑子璇魁助餉征楚賜職建坊

周擇善周大寧周行勉明景泰四年出穀賑饑恩旌義  
士

劉恒迪家貧明季樵採樂安龔惠姑遺金僻地恒迪拾  
得坐待還之

吳宏義吳處華吳濟庶于明代助餉濟饑均授七品冠

帶舉鄉飲大賓

鄧符字師謨東郭人宣德間泛粟數千石出糶南省口  
饑概以助賑有司以尙義聞賜勅旌表召見授官辭歸  
都人高其誼贈詩餞行後裔科甲濟美人以爲賑饑之  
報

曾汝良萬曆己卯山東饑助粟備賑奉敕建坊旌表義  
行

聶挺傑正德十六年爲糧長代賠欠逋撫軍陳獎以善  
蓋一鄉匾額

新淦縣志

卷八人物志

善士

五

國朝

鄒澄波嘉慶二十四年捐田糧一石貳斗入金川書院  
以助膏火

周尙禮職員乾隆二十三年捐穀三百石入社倉

張必達乾隆二十八年捐銀百兩助修城垣

黃廷耀生員乾隆二十九年捐銀三百兩助修城垣議  
敘八品給仗義興仁匾額

劉廷勳國學生一都社裏人家業中產遇貧苦親隣偶  
有偏災輒量力周卹由家抵縣二十里與兄元勳協力

修砌石砥以濟行路廷勳抱疾矚其子維垣勉事詩書  
遵遺言捐庄田以助金川書院膏火價值千金道光甲  
申隣族紳士舉報義行縣侯宋批云廷勳好義樂施賚  
志以逝積善傳家允堪嘉尙候詳請旌獎庄田契價另  
詳書院志膏火條款中錄詞存徵

姚樹幟監生乾隆癸未年助修城垣捐銀三百兩

敖守蘭監生素稱好義道光甲午議修城垣礮岸需費  
數萬金敖守蘭慨然首先捐錢壹千串縣主斌卽書好  
善樂施匾額以旌其閭自是觀感而樂輸者接踵而來  
皆敖守蘭首先有以倡之也

新淦縣志

卷八人物志

善士

六

楊潢國學生邑西坑口人生平仗義樂善事詳義渡記  
郡守姚任道過淦書望隆舟楫匾額獎之其家當孔道  
建新亭設飯盂給餓者廿餘年賑濟不懈他如施茶解  
渴遇饑散麥調族里潢皆獨力任之

彭天祐邑東澄江人幼孤貧弱冠負販營生授室後母  
故弟幼天祐出賈矚妻善視弟妻亦能體天祐心 鞠  
已而妻舉次子未幾病故時天祐已累千金年方壯次  
呱呱子天祐義不復娶常貿布甯都矚弟及二子於塾

又常市棉花吳鎮發貨登舟天祐計貨逾六七百金拏舟還之於汀州又還遺金於原主年六十分貲予弟及子有餘卽以修澄江橋及諸義舉卒年八十有三同知銜朱夢槐邑西河埠人幼窶長貿於楚之濱江篤厚誠信人皆重之又所億多中於是遂豐於財焉同治己巳年自楚南歸聞應試者搬坐具之公署出入皆然僉曰向有考棚吾輩不若是勞勞也夢槐聞之慨然曰考棚自遭兵燹尙未建耶若是余當任之出橐中金三千鳩工庀材不逾年工竣較曩日之規模有過之無不

新淦縣志

卷八人物志

善士

七

及焉落成當事擬上其事請獎夢槐力辭先同治戊辰年邑修葺

聖殿夢槐出三百緡以助壬申年復新東西兩廡亦約費三百餘金其生平慷慨好義惠及桑梓人咸津津樂道云贊曰束身圭璧訓俗型方善與善感孚於一鄉由鄉及國嘉名孔彰古人尙友芳躅難忘

新淦縣志卷之八

人物志

隱逸

易曰遯世无悶不見是而无悶蓋言隱也顧養高釣名假終南爲捷徑慚北山之移文似隱非隱史策貽譏者亦復不少若夫任意所適以自放於山巔水湄之際希蹤夷齊方駕巢許確乎不可拔者其風規猶令後代追慕焉烏可湮沒不彰哉因編隱逸

唐

新淦縣志

卷八人物志

隱逸

一

劉大方開元時人居家嗜學不倦有子十一人皆教之力學一日病謂諸子曰吾平生惟得一義字死後若等能聚族無折資吾目瞑矣自是子姓惟命同居十三世歷二百餘年長幼五百口至今猶指其居址曰義門歐陽董蕭灘鎮人唐僖宗時結屋隱居讀書山中宅邊叢生瑞竹色爛如銀丞相孫偓以謫官至見之嘆爲神仙中人也題所居山曰瑞筠山今慧力寺其遺宅也寺

內讀書臺故址存焉

瑞筠山志

宋

王密字德升新淦人南渡時困躓場屋入玉笥山依道  
士潘與齡獨居白雲齋年六十餘論詩談理亶亶不倦  
人問以居山何作曰作詩獲其一編磬山道中云澗石  
韻寒泉依稀言語處回頭覺無人又上前溪去山樵竹  
裡居畧約纔堪度落日淡平疇牛羊點寒暮獨醒雜志  
稱其語意蕭散非遠外聲利者不能也

獨醒雜志

南宋

晏穆新淦人乾道中浦陽義門鄭氏族大且久鄭准之  
孫綺賜號冲素處士卒穆志其墓

麟溪集

新淦縣志

卷八人物志

隱逸

二

宋

曾三異字無疑三聘弟爲周必大門人博學工文尤精  
考訂從朱文公問辨名讀書堂曰仰高文公書匾魏鶴  
山爲記淳祐貢於鄉端平田午以隱逸召爲祕閣較勘  
除大社令立朝逾年未及有所開陳奉祠而歸年八十  
尙能小楷寫六經聰明不衰九十乃終號雲巢先生作  
墨戲爲世所稱嘗著新舊官制通鑑選擇等書

曾三英字無愧三異弟與雲巢齊名扁讀書室曰月牕  
誠齋爲賦詩云阿兄雲向筆下生阿弟月自詩中明尤

耽史學究三國六朝攻守事蹟著南北邊籌十八篇及  
蒙史等書趙忠定見而嘆曰史求博易求約難更名約  
史敍之子宏用宏迪宏迪官兵部侍郎有傳

宋玘字子美新淦東太平鄉小坑人以經術教授遠近  
推爲鄉先生三孔皆與之游領鄉薦至京師寓旅舍夜  
夢一紫衣僧與語云公擢第則壽必不永心頓開悟遂  
翻然南歸素善臨川都官員外郎王益及其子安石數  
相酬唱安石詩云山陂疇昔從吾親諸父先生各佩紛  
衣冠偶坐諭經術襁褓當時刺繡文蓋與王氏交在紀

新淦縣志

卷八人物志

隱逸

三

羣之間也安石後罷相居鍾山定林玘過之復贈詩云  
故交重趼恩何厚新句聯篇韻更高自嗟涉世無補而  
使玘高才不遇云

王臨川集

蕭公餉字濟父博學能文試禮部有聲熙寧中忽自廢  
不應舉卜築巴邱曰休亭與黃庭堅善於書無所不觀  
尤好孟子黃帝素問元祐六年卒黃銘其墓

山谷集

曾公芑名叔仁新淦人與吉水文天祥有婣連結青雲  
約魁星約士之舉於鄉里或流寓新淦者皆有所攸助  
而著於籍事見文山集稱其培植士氣使行者無却顧

之憂此義約之不可廢於後之世道不爲無益不但高

區區周急之風也

文山集

聶棠字居實以文行著故相張商英與之遊甚密有棲雲臺浩然堂劉次莊爲之記次莊將發淦別棠詩云傳  
□江南聶居士一春飽聽杜鵑啼又云江上春風初到時與君莫負百篇詩惜詩無傳者棠挈埠人

鄧子定弱冠舉延祐進士任湖廣衡州浙江新城二縣旋乞休就所居鑿石疏以水道引溪泉流注其中暇與畸人逸士列坐其間浮觴飲酒分韻賦詩至明洪武時

新淦縣志

卷八人物志

隱逸

四

邑有周所立黃體方梁寅張美和晏仲實鄧伯言等號

十才子嘗觴咏其地蓋實因其遺蹟云

秉器集

元

李國新淦人隱居不仕所居擅山水之勝號曰盤中祖李愿盤谷之意也日賦詩以爲樂宋一俊過之題壁云  
花底傳觴春繫馬柳邊垂釣晚求魚殆所謂野性風疏

逸情雲上者

冰壺集

張忠字彥良新淦人其先爲廬陵人祖秀峯始家於新淦父文漢元末授崇安縣主簿遭亂未食其祿而歿忠

恬遠勢利不事進取性雅嗜酒喜賓客遇其所好則酬  
酢淋漓必醉乃止病亟時長子璫以事畱京口子瑾任  
禱祠之事忠歎曰自壬辰之亂以迄今鄉閭之不得其  
死者多矣獲全要領以從先人於九京復何悲玉屑集  
朱忠能字以忠元末之亂忠能起兵防禦時陳壽春僞  
將率馬步兵數萬逼臨江忠能移兵拒守袁江以東得  
無恐臨守臣禮致之幕下問戰守計答曰賊惟虞將軍  
而不虞土兵請出其不意夜襲其營可燒而走也如其  
策大敗之功上署爲新喻州判官不受日與郡名士梁

新淦縣志

卷八人物志

隱逸

五

寅張美和等觴咏以爲樂

鄒說字習之別字竹庄新淦人元季薦辟洪武二年舉  
淦學訓導郡教授皆不就後曾得之應聘修史位躋三  
九之列而說以遺逸終爲有元之義士洪武七年練子  
寧游其門諸生咸集試水竹居詩子寧有曰柴門無事  
臨流敞高臥支頤聽清响千山暮雨石泉通一夜春雷  
籜龍長甚竒之曰此必有異於人後三年卒於邑庠子  
寧擢第以家艱歸過說之廬自言身值明天子偃武修  
文以科舉取天下士幸荷父師之教列巍科登顯仕方

慨然有志於斯道以不負朝廷與長者獎拔之意而先生不復作追維往事爲之戲歎感愴者累日

玉屑集

金相孜字季質新淦人其先由寶慶遷居新淦之厚聚宋建炎間徙洪坑再遷培山父用勤以孝友聞相孜爲人有氣岸讀書積學家素貧授徒給饘粥以養父母名聞郡邑人爭延致之邑大夫屢辟辭不就平生寡嗜好布衣蔬食不妄交遊操履純正足以風厲鄉閭雅善筆扎長吟短咏跌宕豪放不多讓人永樂庚子館寓清江一日晨興語人曰吾生平無病今憤憤殆將死矣取湯

新淦縣志

卷八人物志

隱逸

六

沐衣冠返席而逝相孜於幼孜爲從昆幼孜言其超邁介特之行修身安命無愧無怍弔之曰江山風月無異昔時我哀弗除魂魄何之

文靖集

錢伯起新淦人故吳越王鏐之裔地曰石邱邑南六十里其俗晝則耕耘夜則弦誦伯起貌精專而秀發疏通練習有用世才當元之季不樂仕進蓄書築室爲休隱計顏曰石田書隱自言石田之入雖薄而可以供伏臘石田之教雖迂而可以淑後昆兼善天下則不足獨善其身則有餘隨所寓之而安失乎彼必得乎此其於富

貴貧賤之際如此可謂超然有賢人之風矣

玉屑集

練純字文甫新淦人父清祖顏世居淦之東山下文甫雅負異才韜晦不仕以孫子寧貴贈如其官

玉屑集

曾暉字宗沂世居永豐之新陂曾祖維荃始徙居新淦之九原頭值兵亂家業稍不振暉穎敏好讀於經史百家能通大義卯角卽奮然有立志致千金慕司馬子長之爲人周遊四方歷名山大川見古人遺跡輒徘徊不忍去愛李白詩夜泊采石月明如晝江流有聲翩然登蛾眉亭朗誦秋浦歌聞者詫曰何處來斯人父歿奉母

新淦縣志

卷八人物志

隱逸

七

盡孝得其歡心僑寓玉峽鎮投竿釣魚四方士往來於此者必館穀之年五十而終暉與學士子啟爲同宗子

姪行云

金文靖集

郭如字尙禮先世由吉水徙新淦之東梅如修眉廣顙擢然玉潔幼失怙恃依於外家長就食劉氏元季兵興避地洪都尋歸桑梓故廬悉燬復依所親曾得之已而歸東梅收聚宗族葺廬故壤宴休山林邨鄰拯急爲鄉黨推重人有不直不詣有司取決於如終日肅然而襟懷坦夷是非無所徧徇闢地種梅署曰梅雪與朋好觴

咏裕如也子象以經術致通顯贈如奉議大夫刑部郎

中 金文靖集

明

彭如鑑號潭泉新淦甘泉人宋推官彭應求轉運使彭思永裔幼英敏博極羣書不苟仕進同邑練子寧胡若思張美和金幼孜諸人皆崇其道德相與倡和屢徵不起一時名相如三楊解大紳輩咸贈以詩文金幼孜爲之序學者稱爲潭泉先生

婁仲實少有詩名明初與周所立張美和黃體方輩齊  
新淦縣志 卷八人物志 隱逸 八  
名稱臨江十才子後美和被徵爲翰林編修體方爲王府伴讀周所立亦爲臨江教授獨仲實家居賦咏以終老焉惜其詩逸不傳

黃伯淵字德淵淦西人器宇端凝說詩書敦孝友日以琴觴自逸元末羣盜作亂上官知其才每郡邑諸司缺屢委代署尤精醫藥因授檄爲醫學官前明嗣統邑里綏靖遂槩絕公事足不履縣庭擇郭外東山築丹室講究醫理濬池種樹以爲遊息之娛與禮部曾公得之翰林張公美和中丞練公子寧爲觴咏之遊練有挽黃德

淵詩及東山小引記載金川玉屑集中伴讀黃體方遺詩有讀書夜剪牕前燭拄頰朝看隴上雲之句邑宰嘉其耆德每就廬咨訪治道里中爭訟者不畏刑罰而畏淵知稍類陳大邱事淵曾孫賢另有傳

按宋季元初淦人董敬庵韓秋崖俱隱居不娶師事饒雙峯至死不渝雙峯死二人匍匐縞素奉主設位哭臨稱先師之喪載齊東野語

鄧伯言洪武初宋潛溪以詩文薦召至京應制賦鍾山曉寒詩有鰲足立四極鍾山蟠一龍之句稱旨授以翰

新淦縣志

卷八人物志

隱逸

九

林清秩不受乞老歸

伯言名雅從梁寅學其玉筍集十卷寅所裁定

鄒庸字時用新淦人資稟溫純世有隱德庸二歲而孤長好讀書被服儒素不爲崖畧所居城南地偏少喧搆樓延覽羣峯玉立名曰凝翠前闢小室課子誦讀名曰時習居之中堂前列滌滄後列几杖名曰適安賓至登樓染翰幼者奉壺觴進肴核酬勸以爲樂有田百頃積穀千石歲歉則濟貧困晚屏居一室究黃老言終日默坐不以身後爲計死後卽所居爲墓

金文靖集

黃季方新淦人洪武二十六年有司以人材薦赴銓曹

入覲大祖嘉悅之詔入覲諸人皆記名錄用放歸候選  
因買舟南還時會同館翰林張美和宋一俊等皆贈以  
詩宋云榮拜君恩暫放歸官河風急健帆飛回鄉正值

春光滿二月山中笋蕨肥

冰壺集

呂從謙字牧吉淦東坊人磊落魁偉不事產業好縱觀  
羣書記傳兄從誨爲母所愛比分家產獨從其薄曰友  
吾兄所以孝吾母也居隣學宮會邑營繕稍隘卽捐餘  
地以輸官還之值不受築怡顏堂以娛親交遊名公斗  
酒自陶聲華勢利泊如也與姚御史伯梁宋中書一俊

新淦縣志

卷八人物志

隱逸

十

最相友厚有瑤琴頻奏娛佳客綵服時趨進壽觴之句  
見詩文條

饒崇嶽字以申淦西湖田人鄉賢饒思聰長子七歲父  
歿岐嶷不羣邊御史毅奇之以女許娶弱冠謁羅文恭  
見其沉毅訥朴授以理學屢試不偶援父蘇松嘉湖兵  
功例蔭効勞兵部中南京武舉恥以勇弁干仕從王龍  
谿王塘南究性學尤工詩韻屢從吉州諸公講學青原  
山吉羅給諫鄒侍御疏薦張布衣理學名列章中惜未  
究用著浪游吟鍾陵遊咏山陰會語

鄧任字昇之淦東樓前人貢入大學除縣佐簿恥非儒官弗屑就髫年聰穎絕倫能以食頃記歷日一週不爽隻字弱冠遊黌序試輒高等韻度軒豁臨事謀斷多勝算爲邑大夫李臨川公所器重條奏政務切中利病爲人冲澹安恬年八十八而卒

曾季昌新淦沙溪人三聘八世孫居家致貲產比素封崇信義敦禮讓樂與賢士大夫遊戶屢常滿廬無熄煙延師課讀禮意懇至迺慨然企慕乎帝都之勝以償其弧矢之志或謂公年高矣田園可以佚老何跋涉數千

新淦縣志

卷八人物志

隱逸

十一

里爲季昌嘆曰古人云老當益壯跼蹐鄉里若處醯甕坎井妄尊大耳宣德己酉假饋運之役至京覽其山川形勢之雄城闕宮室之麗錢穀兵甲之多四方萬國會同朝貢之盛壯觀哉意得而去年八十矣屈行鄉大夫何廸宗宗人曾修撰子啟率贈以言

西墅文集

彭質彥淦北甘泉人生平孝友僮不羣好觀傳記書史絕足不履公庭嘉靖癸丑伏日途遇異叟揖畢乘風騰空七里隕地無傷鄉里異之歷崇正七年一百一歲郡邑印官廉其年高德劭禮請大賓鄉飲屆期雨雪不

假扶筇成禮而退時同鄉飲楊舜珩亦歷八十餘歲步行從容周旋合度二老雪鬢人瑞就宴安閒觀者如堵亦淦一異事云

段林材字君選號郊菴淦城西坊人天性孝友家甚貧刻苦自立甫十歲讀書一日數行邑明經蕭引鸞竒之勸令就學邑孝廉陳志泰見其文因妻以子十三應童子試拔第一補弟子員庚午科試督學懋德陳公首錄補邑廩後每試多冠軍屢入闈苦數竒士論惜之甲申闖賊起卽歎曰亂滋熾矣呼胞弟林志遠遜窮谷

新淦縣志

卷八人物志

隱逸

十二

國初督學張璘然招之適兄弟同卒林材爲人剛方質實守正不阿邑有利害知無不言常題落花云去年風雨損芳自容誓逢春不露紅今日飄零泥滓裏這回休更怨東風林志寒更獨坐云環堵蕭然歲又殘緇衣已敝寸心丹草廬莫嘆風和雨虧殺梅花儘耐寒可想兩君梗概矣志字士心號澣亭帥其兄潛心力學善爲文尙氣節咸爲儒林所重

楊耀衡字及桂吉廬陵楊誠齋先生支派性豪邁適意山水勤施不倦惠遍鄉里市隱恥近名蕭然環堵自樂

尤喜聚書習舉子業課子若孫趨庭義穀垂裕悠遠嘗謂家世相傳非耕則讀耕則爲良民讀則爲廉吏二語貽訓已度越流俗矣庠彥鐸孝廉錕世其芳聲益徵其餘慶云

曾應檄少爲邑諸生志行修潔其先世出郕國宗聖之裔譜牒滂漉公爲合吉陽諸派請而正之祀先有祭田之奉勸學有贍田之貽篤其本源因以逮其宗姓及劉侯修志之役激於盛舉倡助工費是宜與志並存以昭激勸

新淦縣志

卷八人物志

隱逸

十三

黃以和字增省幼穎異十二遊泮母病禱以身代事聞舉大賓先世伯淵與練中丞爲觴咏友見金川集  
胡世彬字德甫大理寺卿叔廉從孫性端峭以立身行己爲務家貧耕稼以供菽水鄉人有不平者常以片言窒其忿年六十母斐氏寢疾營藥餌視厠踰不令人代友愛季弟夫婦早折遺弱孤與女撫之若子教習婚嫁悉如禮且讓腴產以與之子應詔舉進士令益陽迎養治署翁瞿然曰人苦不知足若何以父母氣魄作他鄉遊魂也決計東歸部民有德令者具金爲贐彬擲之故

宗伯羅喻義奠詞有捐金投瀨之句

國朝

孫之鳳字羽伯號菊齋淦城南坊人少攻舉業有大志廩於庠幾三十年康熙癸卯從守憲施公愚山講學鷺洲試棘闈屢不售遂絕意進取需次當貢悉棄去杜門授徒成就多名士康熙庚戌邑侯董公聘修邑志後郡伯述齋李公禮請鄉飲邑吳侯存庵延主義學俱辭不就惟以立廉恥戒奔競爲同志勸勉其教後學諄諄於擇交遊明義理又以博觀約取厚積遲發爲立言本領

新淦縣志

卷八人物志

隱逸

十四

年八十四詩酒自娛大守孫公刻其有竹居集行世陳希獻字次沙新淦人與孫羽伯王慎夫段天如爲詩社友敏於爲文兼精手談邑令吳煜豐教諭文靖廬皆重之欲其應童子試藉取以爲榜首希獻謝不能以布衣終灌園自食類仲子荷蓀而耕類丈人灌園詩云有客灌園日卓午蜂蜜分甘蠮食苦一聲兩聲鶉鳩啼三點四點黃梅雨殆非充隱者可比矣所著有次沙集贊曰或出或處立身所基出爲世重處未爲非身隱焉文充隱貽譏士師柳下故聞伯夷

新淦縣志卷之八

人物志

方伎

一藝亦足以成名子云不試故藝朝夕游衍應務有餘亦安身安心之一助也若曰德成而上則日進高明者之必選擇所處也於游藝未免缺焉因編方伎劉守真玉笥山道士善調風角天祐間揚州節度使楊行密遣將周本圖吉州與刺史彭玕戰於象牙潭玕敗走立寨新淦楓岡聞守真名召至軍中每逆戰守真以

新淦縣志

卷八人物志

方伎

一

術厭之敵不能破一夕劉死玕戰不利棄寨去

江南野史

鄒公新淦人寧宗時有雷擊物爲產婦所觸不能上升時鄒巫能誦解咒忽有神請曰爲誦解穢咒千遍當有以報鄒誦訖神授鞭印各一曰祈晴順印祈雨倒印用鞭畫空雨止畫處神忽不見雷升天矣鄒平生喜食鴨嘗過其女畱殺鴨爲黍時晒麥於庭天有雨勢女欲收而後饌曰雨當無損於麥須臾大雨鄒望空四向而畫獨庭無雨由是遠近人招之祈禱如法用印無不立應年九十餘卒鞭印亦亡鄉人祀之玉笥山承天宮前廟

中號曰鄒公

異聞錄

何得一淦南祥符觀道士宣和間徽宗夢二道士至殿前問其姓名對曰鄭化基何得一詰且訪求弗獲以諸郡免丁籍稽之得於臨江軍道籍中皆新淦祥符觀道士化基卽得一師也基久死命郡訪致得一會西遊使者得諸郢召對稱旨命往持龍德大乙宮賜號冲妙大師補丹林郎遷右街監議時道士仕州縣者率擾民得一上言道家以清淨無事爲貴不應與州縣事請一切罷去其徒貴幸用事者誅言者攻之遂奪職歸復命赴

新淦縣志

卷八人物志

方伎

二

闕會金兵入寇不果今丹林郎誥尙書劄子郢州禮狀皆藏觀中

沈廷瑞筠州高安人吏部郎中彬之子棄妻入道居玉笥山雍熙二年上元日辭道侶念人生幾何賦無病而終遺言於弟子以畫土宿一幀度人經一卷隨葬後二  
年有閤皂山僧昭瑩於山門相遇云暫到廬山尋知己  
畱土宿一幀及度人經一卷五言詩一首爲別昭瑩到  
玉笥山話及方知沈道士已亡往墳上見土圻裂尺餘  
蓋屍解也詩云南北東西路人生會不無早曾依閤皂

又却上元都雲片隨天闊泉聲落石孤何期早相遇樂

共煮菖蒲

郡閣雅談

呂樵者聶棠建庵邑北關外清修學道所遇眞仙也日有樵翁負薪求售忽寄破笠而去笠上遺金釵一股棠出翁來取笠問棠何在答以他往翁遂題詩於壁云金釵付汝供香火從今始見呂眞仙棠歸異而追之見一黃衣人冉冉天半因名望仙橋橋圯改名知政俗又呼爲棠公橋

王文卿新淦百丈峯修煉道士宋徽宗召文卿禱雨有

新淦縣志

卷八人物志

方伎

三

應賜印敕號侍宸羽客敕有司立雷壇文卿羽化於巨石畱履跡并葛仙翁着棋石春夏之交有時屋瓦震動殷殷轟轟謂之掃殿雷風雨之夕有天燈自空下墜照

耀山谷久而後隱

張徹西峯記

李天和新淦人少儻任俠寄跡絲桐子嵩壽年十八善繼昭文之緒天歷二年天和命嵩壽奉書於吳澄評三操五絃之離合其於琴蓋卓業也精於其藝達於其本互相損益以庶幾乎古而非私相傳習者之所能也

草廬集

饒自然新淦人畫得馬遠筆法其啜茗圖作先生據床  
隱几狀長鬚赤脚奴滌身吹火之態情意可掬真名筆  
也朱德輝寶蓄之啜茗一觀亦何必與流俗對也宜後  
人景慕之至

玉屑集

載陽子鍾山元北帝觀道士也早歲出家精內修觀在  
治南二十里秀嶺前來似金鐘卓地麓岡後殿如玉簡  
朝天亦邑南一名勝也永樂乙酉山元入蜀遇旱疫蜀  
王遍訪高士物色得之以六月六日登壇祈禱頃刻朔  
雪飛空城內外悉變清涼旱疫頓蘇奉旨封雪谷戶侯

新淦縣志

卷八人物志

方伎

四

後不知所終

洪金鼎字玉友新淦人康熙壬辰學使冀霖取補弟子  
員舉業之餘兼讀靈素金匱諸書家口五十餘人金鼎  
復清癯善病因究心醫理因症切脉因脉用方因方辨  
藥試輒有效摭拾古人之遺撰爲歌訣名曰一盤珠取  
臨症便於記誦圓通無滯如彈丸脫手云

一盤珠序

贈洪金鼎文學

善醫所著  
有一盤珠

國朝

李作相

君子如春風所至物物生造化同歸一呼吸轉神明衛  
生如衛道楊墨慎權衡吾愛子洪子調氣如調羹不假

籠中參與苓不植門下桃與李但願蒼生勿天札飲醅  
便復參元始吁嗟乎望君一跳出蓬壺解使羣生痼疾  
蘇手植人間金井橘家有軒岐素問書醒園詩戲  
贊曰書畫通神醫卜博濟牢曰子云不試故藝劉善風  
角鍾祈雪落盲史浮誇聊供嗚嚔

新淦縣志

卷八人物志

方伎

五

新淦縣志卷之八

人物志

寓賢

通都大邑賢人君子暫時稅駕無不欣羨之卽窮鄉僻壤一邱一壑芳躅所畱一邑增光人貴自立豈不信哉淦當孔道兼有名勝故其地多先賢遺跡後之覽者能無高山景行之思乎因編寓賢

吳

虞翻字仲翔孫策征會稽翻衰經詣府門命爲功曹待

新淦縣志

卷八人物志

寓賢

一

以交友之理策薨權爲吳王歡宴之末自起行酒翻陽醉不持權大怒手劍欲擊之遂徙交州道豫章時新淦屬豫章聶友爲縣史□□送之翻與語而竒焉書與大守謝斐令以爲功曹斐見之問友可堪何職或以爲小吏可堪曹佐斐用爲功曹友由翻而知名

吳志

晉

陶侃字士行鄱陽人徙潯陽舉孝廉屢平叛亂立匡復大勳歷官大尉都督八州封長沙郡公薨諡曰桓初侃父丹娶湛氏生侃湛新淦人今清江鎮也丹卒侃幼家

貧依母居外家母紡績資給之使交結勝己嘗釣於水中得一織梭以懸壁於一日雷電起梭化爲龍去後人立亭表之今清江鎮瀕江有化梭亭晉士行故跡也又云志云府城東北三十里有化梭亭晉士行故跡也又云郡東門百花洲相傳晉陶侃讀書處晉書

士行貧時冬日母子嘗著敝葛及貴母恒於公服裒口內縫一片曰女當作佳官盡心恤民毋忘著葛衫時也

奚囊橘柚

羅含字君章桂陽來陽人父綏滎陽太守含幼孤爲叔

新淦縣志

卷八人物志

寓賢

二

母朱氏所養少有志尙嘗晝臥夢一鳥文彩異常飛入口中因起驚說之朱氏曰鳥有文彩汝後必有文章自此藻思日新弱冠州三辟不就含父嘗宰新淦淦人楊羨爲含州將引含爲主簿含傲然不顧羨招致不已辭不獲而就焉及羨去職含送之到新淦淦人以含舊宰之子咸致賂遺難違而受之歸悉封置而去由是遠近推服謝尙與含爲方外之交稱之曰羅君章可謂湘中之琳琅桓温臨州又補征西叅軍温奇其意目爲江左之秀不獨荆楚而已後轉廷尉長沙相年老致仕還家

階庭忽蘭菊叢生人以爲德行之感

晉書

齊

蕭子雲字景喬高帝孫善草隸自云效鍾元常王逸少而微變其體出爲丹陽太守百濟國使人至建鄴求書逢子雲爲郡維舟將發望船三十許步行拜行前子雲遣問之答曰侍中尺牘之美遠流海外今日所求惟在名跡子雲停船三日書三十紙與之獲金貨數百萬後徙家都木坑隱洞中不知所之

史南

梁

新淦縣志

卷八人物志

寓賢

三

蕭勵字文約武帝從父弟吳平侯景子也襲封吳平侯遷豫章內史道不拾遺男女異路徙廣州刺史去郡之日吏民悲泣數百里中舟乘填塞各齎糧食以送勵勵人爲納受隨以錢帛與之至新淦圻山村有一老姥以槃粲鱠魚自送舟側奉上之童兒數十人入水扳舟或

歌或泣

南史

唐

崔國輔吳郡人開元中應縣令舉授許昌令累遷集賢直學士禮部員外郎後坐事貶晉陵司馬楚水吳江孤

客宦遊宿新淦法華寺詩尤爲超詣春江楊柳水綠山  
青所云遊宦常往來津亭暫畱憇者則自法華歸南昌  
驛館之辭也

全唐詩

權德輿字載之天水畧陽人德宗聞其材召爲大常博  
士改左補闕兼制誥中書舍人歷禮部侍郎元和初歷  
兵部吏部侍郎拜禮部尙書同平章事罷以檢校吏部  
尙書畱守東都出爲山南西道節度使二年以病乞還  
卒於道年六十謚曰文德輿奉使宜春渡新淦江路遇  
風雨至黃蘗館宿焉所云轉知人代事纓組乃徽束何

新淦縣志

卷八人物志

寓賢

四

若家居時安枕春夢熟者

唐書

方干字雄飛新定人貌甚卑陋咸通中一舉不得志遂  
遜會稽漁於鑑湖大守王龜以其亢直宜在諫署欲薦  
之不果行干自咸通中早得文譽迄於文德之代推爲  
老宿大江以南一時稱詩無有能及之者干歿之後又  
十有餘年宰相張文蔚乃特奏名儒不第者五人請各  
賜一官以慰其魂魄干其一也干遊新淦玉笥山有贈

强處士詩載集中

全唐詩

南唐

孟賓于字國儀連州人天福中進士由水部郎致仕居

玉笥山號羣玉峯叟

金鰲集

周本舒州宿松人漢周瑜之後吳武王起隸帳下勇冠  
三軍每先登摧鋒戰罷輒自燒鍊烙其創楊渥嗣立取  
江西撫州刺史危全諷爲鍾傳故吏爭其地以十萬衆  
屯象牙潭嚴可求薦本馳擊之擒全諷吉州刺史彭玕  
鎮工嶺

工一作王

地在吉水蘭溪本駐師新淦據烽火磯築

城以圖玕玕勢孤援絕遂奔馬殷楊吳遂盡有江西之

地

南唐書

新淦縣志

卷八人物志

寓賢

五

宋

蘇東坡舟中書惠政橋字事見津梁

劉次莊字中叟長沙人熙寧六年賜同進士出身以開  
梅山入洞曉諭得官仕至侍御史江西漕使謫臨江新  
淦居東山號戲魚翁喜書臨江郡庠舊有淳化閣帖十  
卷次莊釋以小楷故亦稱臨江帖他帖所無也刻石置  
堂中與武岡帖潭帖並傳其所居民屋墻壁及里中先  
達何正臣家碑志多其所書者

同上

黃庭堅字魯直洪州分寧人舉進士爲葉縣尉又爲國

子監教授蘇軾見庭堅於孫覺之坐異之李常於濟南見其詩文以爲絕塵獨立萬物之表由是聲名始震知太和縣又監德安鎮召爲校書郎爲神宗實錄檢討官逾年爲著作郎服除除秘書丞紹聖初議者以實錄失實謫涪州別駕黔州安置移戎州僉判寧國軍知舒州召爲吏部員外郎丐郡得知大平州坐除名編管宜州卒年六十一初元豐三年庭堅由吏部改官得知吉州太和縣途經新淦時何蕭二族爲淦之冠庭堅詩云西漢功名相國多南朝人物數諸何上蕭家峽玉笥山郁

新淦縣志

卷八人物志

寓賢

六

木坑子雲宅愛其山明雪淨有玉笥峯前幾百家荷蓀歸來有蕨芽之句

山谷外集

孫覲字仲益常州人政和間進士第五歲卽爲蘇軾所器靖康俶擾爲執法轉詞臣歷吏戶連守大邦紹興初謫居象郡歸大湖二十餘年孝宗朝命編類蔡京王黼等事實上之史館年九十餘卒覲爲向子謹撰香林記由崇仁趨新淦凡四夕一寓道觀三止僧舍三山寺詩云異縣久爲客窮途飽所更題峽江蕭氏庵云客路三年過僧窻一笑譁嘗提舉鴻慶宮所著有鴻慶集誠有

宋之作家也

鴻慶集

岳飛字鵬舉相州湯陰人少負氣節家貧力學尤好左傳春秋孫吳兵法生有神力挽弓三百口弩八百學射於周同盡其術宣和四年應募擒陶俊賈進和康王至相州因劉浩以見補承信郎畱守宗澤大奇之康王卽位居故職借補英州刺史授眞州刺史兀朮趨杭州飛要擊六戰皆捷紹興元年張俊請飛同討李成大破成軍功第一加神武副軍都統制畱洪州三年春虔吉盜連兵寇掠飛至虔州道出新淦駐新修寺有題壁詩宋史

新淦縣志

卷八人物志

寓賢

七

朱子徽州婺源人父韋齋中進士第除秘書省正字朱子幼穎悟甫能言父指天示之曰天也因問天之上何物父異之授以孝經一日題其上曰不若是非人也從羣兒戲沙上端坐以指畫沙視之八卦也年十八貢於鄉中紹興十八年進士第主泉州崇安簿選邑秀民日與講說聖賢修己治人之道淳熙元年除秘書郎五年除知南康軍訪白鹿洞書院遺址爲學規俾守之二年除直秘閣改提舉浙東常平茶鹽公事單車就道所部肅然遷江西提刑未行遂歸乞奉祠時鄭丙上疏詆程

氏之學且以沮朱子監察御史陳賈首論道學假名以濟僞十年差主管台州崇道觀奉祠五年除兵部郎官直寶文閣崇政殿說書光宗卽位再辭職仍舊直寶文閣改知漳州差知潭州寧宗卽位趙汝愚首薦之除煥章閣待制侍講時朝廷大權悉歸侂冑監察御史沈繼祖誣以十罪落職罷祠自以年七十乞致仕五年依所請明年卒年七十正坐整衣冠就枕而逝子壻黃幹爲新淦令朱子手書牧愛堂縣之廳事有詩云南市津頭問買舟金川皂嶺之間山高而水長古大儒往來之地

新淦縣志

卷八人物志

寓賢

八

百世長思烏可不誌也

宋史

楊萬里字廷秀吉州吉水人中紹興二十四年進士第爲贛州司戶調永州零陵丞時張浚謫永杜門謝客萬里三往始見之浚勉以正心誠意之學萬里服其教名書室曰誠齋改知奉新縣大治遷太常丞轉將作少監出知漳州改常州擢東宮侍讀出知筠州光宗卽位召爲秘書監出爲江東轉運副使改知贛州不赴乞祠除秘閣修撰提舉萬壽宮自是不復出開禧元年召復辭韓侂冑柄國臥家十五年家人不敢進邸報時政皆不

以告忽族子自外至遽言侂冑用兵事萬里痛哭失聲  
呼紙書曰姦臣專權謀危社稷吾頭顱如許報國無路  
惟有孤憤別妻子落筆而逝年八十三萬里與蕭氏兄  
弟善稱其白頭孝友吟樣清癯和樂堂賦詩飲酒往來  
爲歡又與曾三異爲詩友其退休也有和三異作云與  
子兩人長對酌笑渠萬古浪垂名簑笠尋盟亦詩壇之

韻事

宋史

戴復古字式□父敏求天台黃巖人居南唐石屏山因  
以自號少孤篤志於學登陸放翁之門詩法益進游歷

新淦縣志

卷八人物志

寓賢

九

甚廣以詩鳴江湖間與曾三異蕭端虛諸人相酬贈往  
來清江玉筍之間詩云玉筍千峯雨金風十日秋故人  
歸未得我亦爲詩畱之句石屏佳句如綠深楊柳重紅  
透海棠嬌綠漲春前水青開雨後天簷楹雙燕語風雨  
百花殘客游兒廢學身拙婦持家夜深風動竹人靜月  
當樓殊鍛鍊琢削歸於自然

石屏集

文天祥字宋瑞又字履善吉之吉水人自爲童子時見  
學宮所祠鄉先生歐陽修楊邦乂胡銓像皆諡忠卽欣  
然曰没不俎豆其間非夫也年二十舉進士第一考官

王應麟奏其卷忠肝如鍊石爲得人賀元兵伐宋詔天下兵勤王召入衛語及時事輒流涕撫几言曰樂人之樂者憂人之憂食人之食者死人之事衛王立加少保信國公趨五坡嶺被執吞腦子不死護送至京師終不屈臨刑殊從容年四十七其妻歐陽氏收其屍面如生天祥於淦曾叔仁爲媼戚序青雲魁星約稱新淦風土之賢言流寓於淦者得周急之助又與季輔友善稱讀杜詩奉教於北山子可爲此土之光矣

宋史

元

新淦縣志

卷八人物志

寓賢

十

劉詵字桂翁廬陵人九歲宋亡年十二作爲科場律賦論策之文蔚然有老成氣象宋之遺老一見卽以斯文之任期之御史蕭方厓尙書鄭鵬先後以教官館職遺逸薦皆不就至正十年卒年八十三所著詩文曰桂隱集嘉靖間重爲鋟梓太史羅洪先爲之序詵與新淦饒自然往來寢處城頭塔寺玉笥興善石洞諸處選勝尋幽流連殆遍見於題咏其佳句如山作登樓色天畱隔巷陰村煙茅店午籬蝶棘花晴樹懸山雨白門掩佛燈紅七言如燕子樓臺人影瘦海棠池館月痕孤鳥斷空

山孤樹悄馬嘶小驛一燈昏草意欲供新得句桃花猶  
記舊來人風氣百年無舊俗江山滿日記兒時皆高逼

古人云

桂陰集

傅若金字與礪新喻人家貧力學爲范樸所知得其詩  
法以布衣徵至京名士莫不倒屣虞集宋褻以異材薦  
之佐使安南除廣州文學教授至正三年卒年四十若  
金與龔舜咨友善往來栖碧山揭曼碩言予欲賦栖碧  
山久矣興無由起一日傅與礪來開卷同賦之予詩未  
成與礪已就非不可復作念無可以過與礪也遂易結

新淦縣志

卷八人物志

寓賢

十一

語而已

清江集

何中字太虛一字養正臨川人少穎拔師進士張叔方  
朱光甫羅士鼎遂以詩名至大初攜所著書來京師公  
卿列薦之命未下而歸至順二年江西行省平章全岳  
柱聘爲龍興路學宗濂東湖二書院山長明年二月以  
疾卒年六十八揭傒斯志其墓所著有知非堂稿外稿  
及易類象書傳補遺通鑑綱目測海通書問韻補疑六  
書綱領補校六書故友頤錄薊邱述游錄門人潘懋類  
聚刊之中往來新淦吟咏風土畱連景物其發金水亭

登太平山由畝步還臨川每著於篇什新城王尙書士  
正言中詩工五言近體亦冲澹如聊隨碧溪轉忽與白  
鷗逢小雨十數點澹煙三四峯寒沙梅影路微雪酒香  
村湖雪殘波岸船燈獨夜人落葉半藏路清風時滿溪  
西風一夜雨丹桂滿林花皆有唐賢風味而七律不逮  
然新淦畝步作如隔縣販人爭野路迎年姹女試新衣  
暖煙黃柳知春到殘雪青山伴客歸亦未嘗不希蹤錢  
劉也

知非堂稿

吳澄字幼清撫州崇仁人高祖曄初居咸口里當華蓋

新淦縣志

卷八人物志

寓賢

十二

臨川二山間望氣者言其地當出異人澄生三歲穎悟  
日發鄉試每前列知用力聖賢之學舉進士不中至元  
十三年盜賊蜂起樂安鄭松招澄居布水谷乃著孝經  
章句校定易書詩春秋儀禮大小戴記侍御史程夫鉅  
奉詔起澄至京師以母老辭歸未幾除江西儒學副提  
舉以疾去官至大元年召爲國子監丞諸生以次受業  
執經問難者踵至澄因材反覆訓誘之俄拜集賢學士  
英宗卽位遷翰林學士泰定元年初開經筵命澄爲講  
官會修英宗實錄命總其事書成未上移疾不出請老

而歸於易春秋禮記各有纂言精明簡潔卓然一家澄  
於郡邑之所經由士大夫皆迎請執業淦之境壤密邇  
撫崇邑之鄧鄒二族爲澄舊交又與淦之詩人劉巨川  
琴士李天和講論風雅研求音律卽淦之守令去官之  
日必藉澄一言以爲出身加民之準羣稱爲草廬先生  
云

元史

周以立字聞孫吉水人至正辛巳領鄉薦明年赴春官  
中乙榜入史館授鰲峯書院山長以憂去官丙申復就  
試有司尋擢袁州教授時歐祥據地猖獗大叅全公以

新淦縣志

卷八人物志

寓賢

十三

書招以立進平袁三策欲署爲從事固辭與季弟維章  
避亂新淦之石峒著尙書一覽河圖洛書序說詩文二  
十卷卒年五十四子會早卒以弟之子觀爲嗣觀之子

岐鳳官國子學正

解文毅集

郭珏字彥章別號靜思吉水人壯丁元季之亂晚值明  
興以茂才徵不就經歷艱虞閭里流離之狀皆目見之  
當時故實可神野史年逾六十以貧死自傷云少壯幾  
時頭欲白夜闌山鬼瞰孤燈避地新淦題居壁及夜宿  
西峯云水滿大江舟窅窅塵飛客路馬蕭蕭走淦西永

新兵奄至云主翁清曉催人發又報烽煙逼楚臺離流  
困苦亦可哀矣珏佳句如池浸煖紅花弄影窻涵濕翠  
竹成科屋前老樹畱雲宿竹外茅亭向水安千里鴈聲  
雲外斷一春花事雨中殘鳶敵高風凝不動鴨分歸路  
整相排大史未頒周正朔遺民思覩漢衣冠汗馬功名  
知命薄蠹魚文字謾心勞客行落日凝愁思人隔疎煙  
聞笑聲急風亂颭蒹葭雪斜日殘明橘柚金皆冷然可  
誦靜思集

明

新淦縣志

卷八人物志

寓賢

十四

梁寅字孟敬新喻人世業農家貧力學淹貫五經百氏  
累舉不第遂棄去辟集賢路儒學訓導居二歲以親老  
辭歸天下兵起遂隱居教授太祖定四方徵名儒修述  
禮樂寅就徵年六十餘矣時以禮律制度爲三局寅在  
禮局中書成將授官以老病辭還居石門從學稱爲石  
門先生明石光霽撰寅行狀言楊宗敬謂見寅想明道  
先生或曰言大過宗敬曰但以其德性與識趣有過人  
者云耳寅與新淦曾得之練伯升周所立以文字相往  
還詳石門集其酬得之則曰垂白飽聞經世論酬伯升

則曰名家兄弟昔相親酬所立則曰來訪高賢柳市中  
不但善默以容持身不辱其春風和氣殆所稱太邱道  
廣者歟

明史

### 艾氏山堂記

梁寅

世之居山者常不自知山之樂譬之禽之翔於雲不知  
雲之高魚之藏於淵不知淵之深彼衆人者厭乎喧囂  
惡乎熱惱迺始羨禽之高翔魚之深處而君子者其避  
俗有道又異乎衆人故其居雖遠於山而其心未嘗不  
在於山是則真知山之樂者唯君子爲然也河南艾君

### 新淦縣志

#### 卷八人物志

寓賢

十五

若虛自少擢明經之科以其宦達之早而又厭乎巧宦  
也故當四海清寧羣賢彙進退而處於金川之野且名  
其居曰山堂其超然之志信異於人哉昔君之從政也  
以巴陵丞攝南昌錄事於艱步之秋勵匪躬之節庶務  
疲其神百憂撓其慮雖欲樂山之樂而可得耶今幸而  
逍遙散地有方來之逸無往者之勞一堂之中左右琴  
瑟以爲朋游古今載籍以爲儔侶而於坐之所覩行之  
所望玉笥諸峯森列環拱儼乎如參翼乎若臨朝光夕  
陰能悅於目雲容霞彩常愜夫心君之樂山之樂視彼

山中之人有閒矣抑君之居斯堂也方將以春秋之經日授之門生子姪而漠然無外慮吾又見其節之愈高而望之益重也昔孫明復以春秋振其教於泰山之下而名動縉紳之間君真其人哉余與君同校文江右君爲余言堂之所以作及歸之日爲之記於以著其樂又以見其樂之異於人也

石門文集

張嗣修江陵人明相國文忠公之子萬歷辛丑榜眼不樂仕進自號天相道人徧遊名山過淦憇金鳳庵數月有霧鎖塵寰遠雲封洞口深之句並作金鳳庵記

新淦縣志

卷八人物志

寓賢

十六

常遇春字伯仁懷遠人狀貌奇偉勇力絕人猿臂善射初從劉聚爲盜後歸太祖至正十五年四月也太祖度江兵薄牛渚磯舟距岸且三丈餘莫能登遇春奮戈直前乘勢躍上元軍披靡遂拔采石進取太平從徐達取常州下池州取安慶會師伐漢遇於彭蠡之康山轉戰三日縱火焚漢舟湖水皆赤漢軍大潰友諒死師還功最從團武昌明年太祖卽吳王位進平章政事陳理降盡取荆湖地從徐達取廬州別將兵畧定臨江之沙坑麻嶺牛陂諸寨擒僞知州鄧克明遂下吉安圍贛州誅

新淦鄧克明語詳明史何文輝傳史稱開平智勇不在  
中山下顧中山賞延後裔而開平子孫衰替太祖嘗諭  
開平勿妄殺人爾子孫實受其福新淦乃開平駐師斬  
將之地其不獲配美於武穆者以此歟太祖之語可爲  
將兵之鑑矣

明史

劉永之字仲修清江人父應琦知歸州永之少隨父宦  
遊家富於貲未知學過新淦婦翁家時練高早有才譽  
永之友壻也翁異視高而庸眾人遇永之永之憤歸就  
學治春秋學大進與郡士楊伯謙彭聲之梁孟敬輩講

新淦縣志

卷八人物志

寓賢

十七

論風雅當世翕然稱之洪武初徵至金陵以重聽辭歸  
子奉獲罪籍其家永之亦徙東萊至桃源病卒其篆隸  
行草皆有法所著有山陰集永之與淦守曹仲修善爲  
賓客常題邑署夢鶴軒圖又與周所立爲友往來江村  
草堂有江淹詞賦白首多才之語蓋皆迭宕蹶弛之士  
也

山陰集

解縉字太紳吉水人洪武二十一年進士授中書庶吉  
士帝稱其才甚見愛重韓國公李善長死縉代郎中王  
國用草疏白其冤又爲同官夏長草疏劾都御史袁泰

泰深銜之縉父開入覲帝謂曰以而子歸後十年來大用未晚也歸八年太祖崩縉八臨京師有司劾縉違旨謫河南衛吏成祖入擢侍讀預機務高煦譖縉洩禁中語謫廣西布政司叅議改交阯永樂八年帝北征漢王言縉伺上出私覲太子逮下詔獄瘐死年四十七縉自言吾嘗往來蕭峽金川之上弔子雲梅福之遺跡想其高風而不得見其隱君子與之語及見新淦胡直翁考其平生之行事無不可對人言者豈不超然子雲梅福之上耶

解文毅集

新淦縣志

卷八人物志

寓賢

十八

羅洪先字達夫吉水人年十五讀王守仁傳習錄好之舉嘉靖八年進士第一外舅大僕卿曾直喜曰幸吾壻成大名洪先曰儒者事業有大於此者三年一人安足喜也十八年拜春坊贊善與司諫唐順之校書趙時春疏請皇太子出御文華殿帝大怒曰是料朕必不起也遂除三人名歸益求守仁學曰儒者學在經世以無欲爲本然後識精而力鉅時王畿謂良知自然不假纖毫力洪先非之曰世豈有現成良知耶雖與畿交好而持論始終不合山中有石蓮洞默坐一榻三年不出戶隆

慶初卒贈光祿少卿諡文莊按夏遊記戊申歲五月下旬王畿期洪先會匡廬登舟至新市邀尹道輿二十七日  
至新淦訪同年吳達湖田饒思聰二十八日泊白馬邀盧虛舟朱周卿六月至豐城返於臨江宿清沂至新淦飲吳雲泉饒湖田所初七日自玉峽趨石蓮洞以近學相質講未發之中二十五日會於青原四方之士至者百六十人發明良知之學七月二十三日解會洪先與達選勝論心令朱陸異同共勤遠志每附商舟月夜抵淦扣達之室疑問思辨以期無乖師商論交之義云

新淦縣志

卷八人物志

寓賢

十九

明史叅引羅念庵夏遊記

楊廷麟字伯祥清江人崇正四年進士授編修十年冬皇太子將出閣充講官直經筵京師戒嚴廷麟上疏劾楊嗣昌無禦侮才嗣昌大怒詭薦廷麟知兵改兵部職方司主事叅盧象昇軍象昇戰死廷麟奉使在外十七年都城失守順治二年江寧破江西都郡惟贛州存唐王加廷麟吏部侍郎復吉安臨江加兵部尙書兼東閣大學士三年退保贛州十月四日城破投水死廷麟來淦常主於陳允衡舅城南別墅與允衡所居僅隔一徑

常語允衡曰今日西銘之書滿家其傳或鮮吳司業書後出未可量也又曰吾作字便思可以勒石若贈人以言須考其生平與其所處之友庶無失言之悔又與淦令陳以運昆季爲同年友時相投贈云

參引明史

國朝

王士正字貽上山東新城人康熙乙未進士丁酉游歷下集諸名士於明湖賦秋柳詩四方和者數百人謁選得揚州推官日了公事夜接詞人結冶春詩社入爲禮部遷戶部福建司郎中戊午奉

新淦縣志

卷八人物志

寓賢

二十

旨召對改侍講轉侍讀學士遷國子祭酒補詹事府甲子奉

命祭告南海遊白鹿洞登廬山由南昌溯豐城信宿新淦愛皂

嶺諸峯以爲青在九華之上有新淦道中諸作

精華錄

查愼行字夏重浙江海寧人康熙癸未進士授翰林院

編修入值

南書房瀛臺

召對賞花釣魚進

呈詩有雨檐風笠平生夢臣本煙波一釣徒之句稱

旨轉侍讀學士丙申致仕丁酉赴嶺南開府佟公法海之招道

出新淦夜宿泥江口賦枕上聞鴈詩

敬業堂集

黃慎字恭懋號癭瓢福建寧化人年十二父巨山歿於楚慎哀痛屏當資裝迎柩以歸奉母盡孝家貧無以爲生遂學畫十八九歲寄僧寺畫爲晝夜無所得燭從佛光明燈下憬然有悟與遊多聞人復工詩善草書而晝遂擅國能有句云愛看古廟破苔痕慣寫荒崖亂樹根晝到神情飄沒處更無真相有真魂出遊豫章歷吳越揚州桂林陳宏謀官於吳重其人益喜其詩晝慎來淦富家巨室咸邀致之蕭寺更多畱題淦人習經受其指

新淦縣志

卷八人物志

寓賢

廿一

法善人物花卉一筆石尤佳

王已山文集

贊曰駢駢征夫不尙惕焉東吳名士南交重遷文公之來文忠其先

新淦縣志卷之八

人物志



名臣

贊化宣猷恒資弼亮揆文奮武聿重賢才淦邑自漢  
晉以來名臣蔚起其人之負英華而翊運動猷丕著  
於朝廷姓字光昭於里閭流風遺韻有足為後賢法  
而興起其心者景仰之餘如親警欬因編名臣

漢

孔恂字巨卿為州別駕車制舊有屏星如刺史車式刺

新淦縣志

卷八人物志

名臣

一

史行部發傳晏移怒欲撤別駕屏星恂曰使君傳自晚  
發欲撤屏星毀國舊制別駕可去屏星不可撤即投傳  
去刺史追謝乃止車仍舊制

林志

吳

聶友字文悌豫章人

漢新淦隸豫章新淦人

仕吳拜丹

陽太守素與諸葛恪善建興元年十月恪會眾於東興  
作大堤左右結山夾築兩城魏以吳軍入其疆土恥於  
受侮命大將胡遵諸葛誕等率眾七萬欲攻圍兩塢圖  
壞隄遏恪遣將軍留贊呂據唐咨丁奉為前部鼓譟亂

斫魏軍驚擾散走死者數萬振旅而歸進封陽都侯加  
荆□□牧督中外諸軍事恪遂有輕敵之心以十二月  
戰克明春復欲出軍友書諫恪曰大行皇帝本有遏東  
關之計計未施行今公輔贊大業成先帝之志寇遠自  
送將士憑賴威德出身用命一旦有非常之功豈非宗  
廟神靈社稷之福耶宜且按兵養銳觀釁而動今乘此  
勢欲復大出天時未可而苟任盛意私心以爲不安恪  
題論後爲書答友曰足下雖有自然之理然未見大數  
熟省此論可以開悟矣於是違眾出軍大發州郡二十

新淦縣志

卷八人物志

名臣

二

萬眾百姓騷動始失人心友知其將敗書與滕允曰當  
人疆盛河山可拔一朝羸縮人情萬端言之悲歎初友  
少爲縣吏有脣吻虞翻徙交州縣令使友送之翻與語  
而奇焉爲書與豫章太守謝斐令以爲功曹郡時見有  
功曹斐見之問曰縣吏聶友可堪何職對曰此人縣間  
小吏耳猶可堪曹佐斐曰論者以爲宜作功曹君其避  
之乃用爲功曹使至都諸葛恪友之時論謂顧子嘿子  
眞其間無所復容恪欲以友居其間由是知名後孫峻  
忌友欲以爲鬱林太守友發病憂死年三十三

吳錄

晉

楊羨新淦人拜湘州刺史桂陽人羅綏嘗宰新淦羨蒞湘州引其子含爲主簿含傲然不顧羨招致不已辭不獲而就焉含弱冠有藻思州三辟不應而就羨及羨去職含送之到新淦賂遺悉封置不受而歸遠近推服

晉書

宋

董良史字邦直新淦人紹興二年鄉薦第一判洪州時江西運判張常先嘗憾帥臣張安道陷諸遷客冀得良史證其事持不可移倅鄱陽秦檜當國任常先爲鷹犬

新淦縣志

卷八人物志

名臣

三

莫敢有忤其意者良史卒不阿論者偉之

曾三聘字無逸臨江新淦人乾道二年進士調贛州司戶參軍累遷軍器監主簿有旨造划車弩三聘謂划車弩六人挽之而箭之所及止二百六十步今所用克敵弓較之工費不及十之三一挽之而射可及三百六十步利害曉然乃不果造光宗不朝重華宮中外疑懼三聘以書抵丞相畱正正未及言會以它事不合求去三聘謂丞相今泯默而退耶亦將取今日所難言者別白言之而後退凡今朝廷之內闔門衽席之間父子夫婦

之際羣臣莫敢深言者避嫌遠罪耳丞相退身計決言之何嫌乎遷秘書郎帝欲幸玉津園三聘上疏言今人心既離大亂將作小大之臣震怖請命而陛下安意肆志而弗聞知萬一敵人謀之馳一介之使問安北宮不知何以答之姦宄窺間傳一紙之檄指斥乘輿不知何以禦之望亟備法駕朝謁不然臣實未知死所也孝宗病革復上疏言道路流言洶洶日甚臣恐不幸而有狂夫姦人託忠憤以行詐假曲直以動衆至此而後悔之則恐無及矣帝意爲動及孝宗崩帝疾不能執喪朝論

新淦縣志

卷八人物志

名臣

四

益震洵三聘謂今日事勢莫若建儲或戒之曰前日臺諫諸公謂汝奪其職今復有疏耶三聘曰此何時而可避煩言也甯宗立兼考功郎後知郢州會韓侂胄爲相指三聘爲故相趙汝愚腹心坐追兩官久之復元官與祠差知柳州改提點廣西湖北刑獄皆辭不赴侂胄誅諸賢遭竄斥者相繼召用三聘祿不及終不自言嘉熙間三聘已卒有旨特贈三官直龍圖閣賜諡忠節史論以三聘不污韓侂胄歲寒然後知松柏之後凋也信夫三聘墓在治南十里郎中岡之後面沂江中溪坪

宋史

曾三復字無玷乾道六年進士淳熙末爲主管宮告院  
遷太府寺簿歷將作太府丞登朝數年安於平進搢紳  
稱之紹熙初出知池州改常州召拜御史嘗論大臣執  
奏宦者除授而與之並命給舍封駁從臣除目而與之  
俱畱臺臣有康察宰椽而與之同召諫臣有劾奏宰臣  
而與之俱存朝綱之壞必始於此會巨豎提點壽康宮  
者三復劾出之轉太常少卿進起居舍人孝宗升祔召  
廷臣集議僖宗當祧以正大祖東向之位三復首以爲  
請慶元初遷起居郎兼權刑部侍郎以疾告老詔守本

新淦縣志

卷八人物志

名臣

五

官職致仕在臺餘兩年持論正平不激不隨其歿也士  
論惜之史稱其澹然而無躁競之心

明

胡雲端字騰霄廬陵胡忠簡公裔也洪武初端以貢舉  
聘修元史後廷試第一官禮部儀制司主事定禮儀議  
嫡庶升降服編輯孝慈錄稱旨遷浙江副使以疾乞歸  
子子持字執之仕至河南按察司僉事正統初督學政  
有聲較拔多才士從子子泰吏部文選司主事黜陟嚴  
明並祀鄉賢

胡儼字若思

滄舊志儼新滄人明史列傳南昌人儼自序白雲圖曾祖胡叔寶新滄人墓在泥江

少嗜學於天文地理律歷醫卜無不究覽洪武中以舉人授華亭教諭能以師道自任母憂服除改長垣乞便地就養復改餘干學官許乞便地自儼始建文元年薦授桐城知縣鑿桐陂水溉田爲民利縣有虎傷人儼齋沐告於神虎遁去桐人祀之朱邑祠四年副都御史練子甯薦於朝曰儼學足達天人智足資帷幄比召至燕師已渡江成祖卽位曰儼知天人其令欽天監試旣試奏儼實通象緯氣候之學尋又以解縉薦授翰林檢

新滄縣志

卷八人物志

名臣

六

討與縉等俱直文淵閣遷侍講進左庶子父喪起復儼在閣承顧問嘗不欲先人然少戇永樂二年九月拜國子監祭酒不豫機務時用法嚴峻國子生託事告歸者坐戍邊儼至卽奏除之七年帝幸北京召儼赴行在明年北征命以祭酒兼侍講掌翰林院事輔皇太孫畱守北京十九年改北京國子監祭酒當時海內混一垂五十年帝方內興禮樂外懷要荒公卿大夫彬彬多文學之士儼館閣宿儒朝廷大著作多出其手重修太祖實錄永樂大典天下圖志皆統總裁官居國學二十餘年

以身率教動有師法洪熙改元以疾乞休仁宗賜敕獎勞進太子賓客仍兼祭酒致仕復其子孫宣宗卽位以禮部侍郎召辭歸家居二十年方岳重臣咸待以師禮儼與言未嘗及私自處淡泊歲時衣食纔給初爲湖廣考官得楊溥文大異之題其上曰必能爲董子之正言而不爲公孫之阿曲世以爲知人正統八年八月卒年八十三史讚曰明初罷丞相分事權於六部成祖始命儒臣直文淵閣預機務沿及仁宣而閣權日重實行丞相事解縉以下五人則詞林之最初入閣者夫處禁密

新淦縣志

卷八人物志

名臣

七

之地必以公正自持而尤貴於厚重不洩縉少年高才自負匡濟大畧大祖俾十年進學愛之深矣彼其動輒得謗不克令終夫豈盡嫉賢害能者力固使之然歟黃淮功在輔導胡廣金幼孜勞著扈從胡儼久於國學觀諸臣從容密勿隨事納忠固非僅以文字翰墨爲勲績已也

明史

金幼孜名善以字行新淦人建文二年進士授戶科給事中成祖卽位改翰林檢討與解縉等同直文淵閣遷侍講時翰林坊局臣講書東宮皆先具經義閣臣閱正

皇帝覽乃進講解經書楊士奇易胡廣詩幼孜春秋因進春秋要旨三卷永樂五年遷右諭德兼侍講因諭吏部直內閣諸臣胡廣金幼孜等考滿勿改他任七年從幸北京明年北征幼孜與廣榮扈行駕駐清水源有泉湧出幼孜獻銘榮獻詩皆勞以上尊帝重幼孜文學所過山川要害輒命記之幼孜據鞍起草立就使自瓦剌來帝召幼孜等傍輿行言敵中事親倚甚常與廣榮及侍郎金純失道陷谷中暮夜幼孜墜馬廣純去不顧榮爲結鞍行行又輒墜榮乘以己騎明日始達行在所是

新淦縣志

卷八人物志

名臣

八

夜帝遣使十餘輩迹榮幼孜不獲比至帝喜動顏色自後北征皆從所撰有北征前後二錄十二年命與廣榮等纂五經四書性理大全遷翰林學士十八年與榮竝進文淵閣大學士二十二年從北征中道兵疲帝以問羣臣莫敢對惟幼孜言不宜深入不聽次開平帝謂榮幼孜曰朕夢神人語上帝好生者再是何祥也榮幼孜對曰陛下此舉固在除暴安民然火炎崑岡玉石俱毀惟陛下留意帝然之卽命草詔招諭諸部還軍至榆木川帝崩秘不發喪榮訃京師幼孜護梓宮歸仁宗卽位

拜戶部右侍郎兼文淵閣大學士尋加太子少保兼武英殿大學士是年十月命幼孜榮士奇會錄罪囚於承天門外詔法司錄重囚必會三學士委寄益隆帝御西角門閱廷臣制誥顧三學士曰汝三人及蹇夏二尙書皆先帝舊臣朕方倚以自輔嘗見前代人主惡聞直言雖素所親信亦畏威順旨緘默取容賢良之臣言不見聽退而杜口朕與卿等當深用爲戒因取五人誥詞親增二語云勿謂崇高而難入勿以有所從違而或怠幼孜等頓首稱謝洪熙元年進禮部尙書兼大學士學士

新淦縣志

卷八人物志

名臣

九

如故竝給三俸尋乞歸省母明年母卒宣宗立詔起復修兩朝實錄充總裁官三年持節甯夏冊慶府郡王妃所過詢兵民疾苦還奏之帝嘉納焉從巡邊度雞鳴山帝曰唐太宗恃其英武征遼常過此山幼孜對曰太宗尋悔此役故建憫忠閣帝曰此山崩于元順帝時爲元亡徵對曰順帝亡國之主雖山不崩國亦必亡宣德六年十二月卒年六十四贈少保諡文靖幼孜簡易靜默寬裕有容眷遇雖隆而自處益謙名其宴居之室曰退庵疾革時家人囑請身後恩不聽曰此君子所恥也

明史

楊燦輅姪僑寓姜黃登永樂甲申進士改翰林庶吉士  
入文淵閣預纂述歷任御史立朝有風裁爲時嚴憚  
鄒孟爵以字行世爲淦之大平鄉晉溪里人生有異質  
甫八歲從師受經卽知大義比長博洽羣書嶄然露頭  
角與同里諸名彥切磋年廿五邑令薦於郡爲從事至  
永樂丙戌赴京得兵部缺時本部尙書蹇公愛其忠勤  
聞於朝授本部武庫司主事尋以外艱去服闋還舊職  
辛丑元日上御奉天殿賜羣臣綵段孟爵與焉壬寅隨  
駕北征捷還清軍湖廣值仁宗仍賜綵段誥命宣宗卽

新淦縣志

卷八人物志

名臣

十

位復加褒贈宣德甲寅以病乞歸徜徉林壑者四年  
何衷字惟孝天順元年進士刑部主事進員外郎會四  
川巡撫都御史與鎮守總兵訐奏廷議推衷往訊比至  
懼罪者賂以千金斥去不納卒正其辜中都畱守笞人  
致死按治久不決衷訊之伏罪遷南京大理右寺丞卒  
周謨哭之以詩曰清白自持全勝璧權奸不避直如弦  
特書行事爲官式豈爲詞章作泛傳蓋紀實也所著有

靜齋稿

張叔鏜字振卿新淦人天啟進士初令秀水潔己勤職

清蠹摘姦時號神君魏璫聞其名欲得之以自重卻謝不往遂降甯國府教授後璫敗陞國子助教子壽祺同榜進士官南道御史

張壽祺字介和新淦人叔鏜之子同登天啟乙丑進士授行人司擢廣西道御史巡按南直隸時溫體仁當國總兵張之斗湖州知府丁登明編修丁進私於體仁者之斗逼妾自經登明僕毆斃平民反誣爲盜丁進爲南闈試官私鬻經題壽祺俱如法按問忤體仁意嗾其黨誣以受賕下理壽祺疏辨曰體仁以進恨臣刺骨假名

新淦縣志

卷八人物志

名臣

十一

同邑同年之唐世濟朋黨糾臣以行報復世濟因人成事無他伎倆若體仁者位居元宰存心媚嫉方今盜賊不問何以蕩平災害不問何以弭釋智慮精神陰賊險很用者必私人異己必斥逐卽丁進一事不返己內愧轉誣糾察之官務箝天下之口詎知公論在人必不可掩臣任甫三月地方之人誰與臣習誰以賄授况犯案有憑私書有據臣被逮之後體仁之弟育仁卽爲南刑主事一以維持丁進關節之事一以便坐臣賄之誅重加拷掠不聽辨語朝廷所以設言官者原爲指逐奸佞

臣不言則溺職言之則招禍臣不敢溺職又安敢避禍  
仰乞聖聰聽將臣前後稿案封進則臣寃自白至奸相  
體仁早乞乾斷除此元凶以謝天下宗社之福也疏上  
體仁抑之以求去激上怒下錦衣獄刑杖壽祺再疏辨  
適體仁罷遂得釋放歸年六十三終於家

贊曰忠臣名臣由所遭見不忠何名名以實先金相老  
實乃承帝眷矜式國人若翁佳傳

新淦縣志卷之八

人物志

宦業

古者三載考績所以澄叙官方而勲業彪炳者勒鐘鼎紀旗常以及口碑輿頌皆足以垂不朽淦自梁宋以來政績治功代不乏人故筆之於書以昭茲來許因編宦業

梁

湛僧智新淦人天監八年爲譙州刺史帝敕信武將軍

新淦縣志

卷八人物志

宦業

一

夏侯夔帥壯武將軍裴之禮直閣將軍任思祖出義陽道攻魏平靜穆陵陰山三關克之是時僧智圍魏東豫州刺史元慶和於廣陵入其郛魏將元顯伯率軍赴援僧智逆擊破之夔自武陽會僧智斷魏軍歸路慶和於內築石以自固及夔至遂請降夔讓僧智僧智曰慶和志欲降公不願降僧智今往必乖其意且僧智所將爲合募人不可御之以法公持軍素嚴必無犯令受降納附深得其宜夔乃登城拔魏幟建官軍旗鼓衆莫敢妄動慶和束兵以出軍無私焉顯伯聞之夜遁生擒二萬

餘人斬獲不可勝數詔以僧智領東豫州鎮廣陵僧智與胡紹世魚宏張登並爲當時驍將按梁書失載僧智何處人鄭樵通志氏族畧於湛氏注云晉荊州刺史陶侃母湛氏梁有司州刺史湛僧智出新淦司馬溫公曰僧智知己之短不掩人之長功成不取以濟國事忠且無私可謂君子矣

梁書

宋

曾文照新淦人七歲應南唐童子科擢第三李氏歸宋爲亳州永城令上疏論邑利害免挽船夫力歲以萬計

新淦縣志

卷八人物志

宦業

二

遷蒙城令蝗不入境終大理司直

白志

按曾文照林志重見吉安人物作文昭白志刪彼存此列入南唐今改入宋照與昭未詳孰是

陸起新淦人慶歷進士爲英州眞陽令有巫以銀瓮貯二蛇自嶺北至眞陽誘民迎且祠焉觀者填路起聞驟至蛇所亟令出瓮斬之捕巫劾其姦遠近稱爲神明仕至員外郎

陳公琰字易卿新淦人皇祐初擢第知醴陵縣時朝廷變鹽法吏緣爲姦上疏蠲除之八遷至諫議大夫七十

致仕

陳竑字君度新淦人元祐進士鎮安遠軍節度使推官郡頻年患水因條陳全城隄決溝澮等事會詔釐正祀典竑悉毀淫祠又常率同僚瘞枯骨之無歸以籍沒產給寓喪於佛祠者兄弟三人以父蔭敘相遜自取科第終以直氣不撓罷

郭奉世字少馮新淦人元祐進士羅田令改知永新有異政泰和民素苦令詣漕司乞更奉世永新之民遮畱不可乃寓兩界兼理之山東盜起擢知密州破巨盜張

新淦縣志

卷八人物志

宦業

三

海等數萬五遷至徽猷閣待制移守襲慶金兵再至有旨以徐兗兵赴闕和議成退保宿亳移軍於濟謝事歸

里

林志

譚源字文饒以貢舉廷對任應山尉時權豪開邊釁源料金必渝盟濬築濠寨團結義勇爲守禦計民賴以安擢肇慶推官年未七十致仕僚屬作詩餞之有山色不如歸興濃之句

陳茂濂字孟溪父夢元咸淳進士茂濂登淳祐七年進士主新昌簿定版籍理稅畝邑黠吏有以賄恃勢誣邑

屬者以法籍其家邑中肅然調郴州司理會文天祥領  
鎮湖南檄爲憲幕天祥移贛州濂攝幹官護視司事累  
官至從政郎歸老於鄉稱爲泉岳先生

林志

明

周子緝新淦磐墩人所立子也洪武初以明經領鄉薦  
授桃源縣知縣有惠政恤刑獄免差派革浮費去官之  
日民攀轅畱之歸家杜門謝客陶情山水卽事成詩集  
佚不傳姪墮任亳州亦廉介有能名終於任所立署  
其室云皓首窮經郡祭酒馳四方之翰墨青雲接武邑

新淦縣志

卷八人物志

宦業

四

大夫化百里之弦歌周氏父子詩清新俊逸與體方爲

同調

秉器集

蕭正字伯辰新淦人祖漢卿父希亮贈奉政大夫禮部  
祠祭司郎中正自少力學慷慨有大志著聲州里洪武  
辛未劉伯達等薦以賢良應辟授八品官辦工部事逾  
年遷虞部主事除貴州安莊衛知事陞經歷四川僉憲  
張麒舉赴吏部陞知直隸泰州以內艱去服闋改知深  
州秩滿陞南京禮部祠祭司郎中洪熙元年夏四月適  
一考賜誥命復職八月卒在工部時朝議命崇山侯李

新開東壩以通大江正領夫千人計工約夫數期日爲地三尺工畢無間蚤暮卽令休息事易集而工不勞及蒞安莊飭邊防輯士卒巡歷營中勤其生業教之種藝州四面卑下淋潦衝擊相地吳家莊工成率其民遷之得免於患斃狼患驅蝗災衆皆謂正至誠所感秩滿還京爭挽留之不允旣居禮部典神祀未嘗自放有暇輒考故實從容酬應人服其量善五七言詩簡澹有法

金

文靖集

謝子襄名袞以字行新淦人建文中由薦舉授青田知

新淦縣志

卷八人物志

宦業

五

縣永樂七年與錢塘知縣黃信中開化知縣夏升竝九載課最當遷其部民相卒訴於上官乞再任上官以聞帝嘉之卽擢子襄處州知府信中杭州升衢州俾得治其故縣子襄治處州聲績益著郡有虎患歲旱蝗禱於神大雨二日蝗盡死虎亦遁去有盜竊官鈔子襄檄城隍神盜方閱鈔密室忽疾風捲墮市中盜卽伏罪民鬻牛於市將屠之牛逸至子襄前俛首若有訴乃捐俸贖還其主叛卒吳米據山谷爲亂朝廷發兵討之一郡洵洵子襄力止軍城中毋出而自以計掩捕之獲其魁餘

悉解散爲人廉謹歷官三十年不以家累自隨二十二年卒於官史稱明祖懲元季吏治縱弛重繩貪吏以嚴典一時守令畏法愛民煥然丕變下逮仁宣民人安樂嘉隆以後旣重甲科縣令多以廉卓取臺諫而龔黃之治或未之覩焉

明史

陳永年洪武末給事中出知惠安縣螟螣生永年禱於城隍有頃鸚鵡蔽天羣喙食之歲乃獲

林志

張徹字玉榮永樂二年進士改翰林庶吉士累官吏部考功郎中性剛介時稱爲鐵版謝病歸二十餘年唯閉

新淦縣志

卷八人物志

宦業

六

戶讀書所著有退軒集

胡器字士璉貢升大學授雲南普安府通判擢泉州知府綽有惠政每判死刑恆鬱不樂或問其故曰吾爲民父母不能化民以德政乃致民於死地耶倉庫火風猛衆莫能措器稽首火尋滅永樂初與修書內閣陞貴州按察使尋召爲國子祭酒兼攝通政事致仕歸有樸庵集

張魁字萬選敬之子幼穎異孝友十二三能屬文永樂鄉貢士歷教諭遷績溪尹民爲立德政碑擢監察御史

按陝西所至持風裁藩臬敬憚卒於官

陳紹夔名慄以字行永樂甲午鄉試登戊戌進士由崑山知縣擢貴州御史巡歷院署有竒妖前任每戒嚴不敢入夔齋宿禱隍祠詰旦雷震擊巨蟒於署咸駭其明威父艱服闋補福建御史陳孟浩贈以聯云花縣十年施雨露柏臺六月凜風霜可想其名望

盧滋字玉潤邑掾滿歲泣事選部尙書蹇義奉命亟擇天下郡守召滋與議成祖詰之義以滋與議對授文選司主事進員外郎尋擢大理寺卿出知杭州府會宦者違禁織造龍服滋劾之論死及代民請畱之歷十八年遷廣東參政進布政卒

胡器字季柄號春齋永樂二十二年進士監察御史尋奉命按治江淮斷疑獄數十民駭其神且日刑不及膚德入於心詔嘉之秩滿卒祭酒邢泰志墓畧曰孝友溫恭孚於家嚴明寬厚達於政惜嗇於壽云

張敷字廷學敬之孫正統間中鄉試授監察御史歷仕兩朝奏進律解比列軍政條例遼地素艱水相地鑿井得泉民德之覆以亭額曰張御史井立祠祀焉按浙嚴

溺女之禁民無葬地者令有司買地葬之遷廣西副使  
因忤權貴歸著有書經講說

盧秩字崇績景泰五年進士監察御史遷湖廣按察司  
副使會廣西徭賊劫掠郴桂勒兵出賊不意破之旬日  
平事聞遷貴州按察使

戴中字師中成化二年進士宰黃梅創學宮倉郵入爲  
御史按河南值水荒賑活百萬言事忤旨謫判雅州宏  
治初起廣東按察司僉事遷兵備副使

中祀黃梅名宦  
詳楚通志

何純字惟一衷之弟成化二年進士改翰林庶吉士授

新淦縣志

卷八人物志

宦業

八

監察御史時大臣有不厭望者純疏其過三上不報尋  
陞雲南按察副使兵備臨安先是阿彌州賊刁蕃叛交  
人遂侵何純捕斬蕃建議置千戶所巡檢司守禦會有  
欲增臨安會課者純奏鑛少民貧課不宜增詔皆從之  
孫仁字偉德邑南鄉人成化五年進士除刑部主事歷  
官刑部郎中審錄湖廣多平反及守常州嚴於御史忤  
中官王敬逮繫詔獄巡撫王恕疏其寃得釋居九載由  
浙江右參政遷河南左布政使會河決蘭陽設方修築  
賑濟又決張秋與侍郎劉大夏同濬治轉陝西右布政

使適小王子與瓦剌仇殺進都察院左副都御史巡撫甯夏練兵治械疏請富民輸粟榷鹽以足儲餉三年之內邊鄙賴之乞疾歸卒遣官賜祭葬南昌張文裕元楨爲撰神道碑稱仁自奮力學才譽久著領鄉薦時卽刻其經義以傳優游仕途數十年不皦皦於名汲汲於進恂恂若無能至臨大事遇猝變乃奮不知顧牢不可撼良由所務者實而所成亦實一時厚德之臣哉

張東白集

陳壽字本仁其先新淦息岡人祖志宏洪武間代兄戍遼東遂籍甯遠衛壽少貧甚得遺金坐守至夜分還其

## 新淦縣志

### 卷八人物志

宦業

九

主從鄉人賀欽學登成化八年進士授戶科給事中視宣大邊防劾去鎮守中官不檢者又嘗劾萬貴妃兄弟及中官梁芳僧繼曉繫詔獄得釋屢遷都給事中宏治元年王恕爲吏部擢壽大理丞劉吉憾恕諷御史劾壽不習刑名冀以罪恕竟調壽南京光祿少卿就轉鴻臚卿十三年冬以右僉都御史巡撫延綏火篩數盜邊前鎮巡官俱得罪去壽至蒐軍實廣間謀分布士馬爲十道使互相應援軍勢始振明年諸部大入先以百餘騎來誘諸將請擊之壽不可自出帳擁數十騎據胡牀指

麾飲食寇望見疑之引去諸道襲擊斬獲甚多朝廷方遣苗達等重兵至而壽已奏捷孝宗嘉之加祿一等達欲乘勝搗巢駐延綏久戰馬三萬匹日費芻菽不貲壽請出牧近塞就水草眾有難色壽跨馬先行眾皆從之省費數十萬當戰捷時或勸注子弟名籍壽曰吾子弟不知弓槊甯當以血戰同士受賞哉竟不許十六年以右副都御史掌南院正德初劉瑾矯詔逮南京科道載銑薄彥徽等壽抗章論救瑾怒令致仕尋坐延綏倉儲虧損罰米二千三百石布千五百匹貧不能償上章自

新淦縣志

卷八人物志

宦業

十

訴瑾廉知壽貧特免之中官廖堂鎮陝西貪暴楊一清以壽剛果九年正月起撫其地堂初奉詔製氊幄百六十間贏金數萬將遺權倖壽檄所司畱備賑復戒諭堂勿假貢獻名有所科取堂怒將傾之壽四疏乞休不得堂爪牙數十輩散府縣漁利壽命捕之皆逃歸氣益沮其秋拜南京兵部侍郎陝人號呼擁輿移日不得行踰年乞骸骨就進刑部尙書致仕壽爲給事中言時政無隱獨不喜劾人曰吾父戒吾勿作刑官易枉人言官枉人尤甚吾不敢妄言也嘉靖改元詔進一品階遣有司

存問時年八十有三壽廉歷官四十年無家可歸寓南京所居不蔽風雨其卒也尙書李充嗣府尹叙天寇爲之歛親舊賻助始歸葬新淦壽弟章屢立戰功爲甯遠

百戶

明史

何善字惟吉成化十一年進士新城知縣邑素苦水暴涘禾善令築隄防濬溝渠水不爲患歲稔賑粟不待報

吏難之叱曰民苟活吾何避罪擢刑部主事

林志

劉纓字與清新淦人成化戊戌曾彥榜進士巡按閩中有沙縣民陳富謀妻姪劉釗產爲匿名書誣釗父并及

新淦縣志

卷八人物志

宦業

十一

釗所親獄已成纓察釗父實以負債自刎論富如法莆田民有隨母出嫁而刲股療其繼父者有司以孝聞纓曰虧父體以濟父仇可謂孝乎仕終刑部尙書

邑舉人

錢端與纓同鄉榜令南充亦以清嚴勞瘁稱

二人見閩蜀名宦志

鄧概字冠卿成化十五年進士令永安擢都察院都事劾內豎韋興知資陽陞瓊州府同知會都御史劉大夏征黎命概守臨臯賊不敢犯擢廣東按察司僉事逆瑾

專權罷歸

府志

陳陽字健夫宏治六年進士改庶吉士授刑部主事奉

命讞獄南畿有持千金陰祈未減者陽拒之竟置於理  
進郎中蘇常有獄久不決命陽往按之逆瑾受賂欲  
貸之弗從遂誣下詔獄杖於朝門左謫雲南昆陽州同  
知瑾誅陞廣西按察司僉事以劾監司不法左遷運同  
卒於官

林志

何正字立經宏治十二年進士大理評事遷寺副會隆  
平侯爭襲事下正按於是逆豎瑾陰有所左正不從竟  
罷歸瑾誅起爲河南僉事平河洛寇擢山西憲副乞疾  
詔進按察使致仕

新淦縣志

卷八人物志

宦業

十二

蕭浩字義集號縮齋新淦白馬人以易舉宏治江西鄉  
試由雲南司都事授南漳知縣南漳稱巖邑難治浩至  
治賦減刑賢聲胥嚮縣舊爲土垣河南寇震棗陽募工  
鼎甃磚石築武安靈溪二堰灌漑民田數千頃事詳襄  
陽府志在任九年以疾乞歸歷二十年足不入城年七  
十九卒子佩之南安令孫以遂汶上令吳近光曰余由  
楚過南漳吏人猶能言蕭令不置口豈程子所謂存心  
愛濟不悖者歟一令未爲貴倨矣輒謝去宰之室未嘗  
至焉修經術明孝弟之本子若孫後先以仕顯傳曰惟

孝友於兄弟施於有政由來遠矣

南漳志

張芹字文林

新淦縣

峽江人

宏正以前未分縣故史書峽江而不書縣

宏治十

五年進士授福州推官正德中召爲南京御史甯夏旣平大學士李東陽亦進官廕子芹抗疏曰東陽謹厚有餘正直不足儒雅足重節義無聞逆瑾亂政東陽爲顧命大臣旣不能遏之於始及惡跡旣彰又不能力與之抗脂韋順從惟其指使今叛賊底平東陽何力冒功受賞何以服人心乞立賜罷斥奪其加恩爲大臣事君不忠者戒疏出東陽涕泣不能辯帝責芹沽名令對狀芹

新淦縣志

卷八人物志

宦業

十三

請罪停奉三月給事中竇明言事下獄芹疏救之帝嘗馳馬傷編修王思切諫坐遠戍芹曰彼非諫官尙爾吾儕可坐視乎遂上疏曰孟子言從獸無厭謂之荒老聃曰馳騁田獵使人心發狂心狂志荒何事不忘皆甚言無益有害也今輕萬乘之尊乘危冒險萬一有不可諱皇嗣未誕如宗廟社稷何帝不省尋出爲徽州知府甯王宸濠反言者以芹家江西慮賊劫其親屬取道出徽乃改知杭州已復還徽州嘉靖初遷浙江海道副使歷右參政右布政使坐爲海道時倭人爭貢誤傷居民罷

歸芹事繼母孝持身儉素□袍糲食終其身所著有備  
遺錄歉齋奏議數篇

明史

謝階字立升正德三年進士行人遷御史彈劾無私陞  
大理府民病於取石階令塞其谷守建甯權貴買書者  
踵至階曰買書而抑人值又勒丁推輓商民兩病矣禁  
不許階尤雅量恥干謁致仕廿年八十八卒

黃仁山字元靜淦西鄉侯府人正德丙子舉人辛巳進  
士授南科給事中時肅廟入承大統抗直敢言不避權  
貴適椒戚陳萬言擅借兩淮餘鹽錢六十萬兩起私第

新淦縣志

卷八 人物志

宦業

十四

仁山以邊儲攸賴力抗疏止權璫黃玉趙綱凌轢士大  
夫疏上斥歸二奄啣之繼以議禮忤執政奏疏獨懇中  
有專意私親不顧正統其何以慰我太祖武宗在天之  
靈執政阿意順旨出守嚴州未幾以前釁下其議謫丞  
西安稍遷鄞縣令邑署外有井久泥下車旬餘忽清泉  
湧出邑人建亭其上宗伯用川張公作廉澤銘以紀其  
異歲大疫民數萬餘死無葬地捐俸葬之邑額有防兵  
餉稅民甚苦之力請得免遷大倉州守前執政再入相  
左遷同知丁外艱歸會執政欲以兵任起中傷之仁山

告人曰吾遊倦矣遂浩然歸家無餘貲不事干謁惟課子孫耕讀訓誡鄉人禮讓成風壽八十六終直聲著於朝廷足以典型後進至今感慨時事者無不追思北川黃先生云

曾樂字思韶嘉靖乙酉鄉薦授南雄府推官署東莞多惠政癸酉分校省試首拔倫文敘時稱知人守賓州招降劇寇臺使上其功入爲工部員外郎以疾乞休

高翀字允升安陸籍新淦人嘉靖丙戌進士三十五年由貴州布政陞巡撫會麻哈州土同知宋珠煽賊王三

新淦縣志

卷八人物志

宦業

十五

等作亂翀調總兵石邦憲集兵平之又都勻苗頭阿章等不納糧馬殺掠民人翀檄兵備項廷吉調土兵勦平之邦憲善用兵廷吉有執持翀能專任之稱知人

貴州

名宦志

饒思聰字子聞別號湖田祖登用父貫之有隱德思聰生三歲而孤母徐氏守貞教育刻勵自立弱冠補邑弟子員一時名重年二十三以毛詩與從兄天惠同領嘉靖戊子鄉薦明年捷進士授保定府推官斷獄如老吏攝府篆賑恤饑民全活甚衆擢刑部主事明練事體大

司寇咸雅敬之故事五年一分遣郎中恤刑天下主司官不預思聰以時名得應天府歷徽甯二府平反者二十七人未減者七人未竣事以在部提戚里大辟逮繫詔獄事左遷河間府推官陞保定同知駕幸承天事無違怠陞山東按察司僉事武定兵備建議六條鈐轄六郡以計擒劇盜關繼先朝廷論功賞銀紵陞四川左參議轉山東按察司副使修清源書院親臨課士得人最多有妖人倡白蓮教爲亂畿輔繹諸道集兵單父首摧賊鋒戮力追斬盜平丁內艱歸葬終制補蘇松兵備

新淦縣志

卷八人物志

宦業

十六

倭寇入境調兵勦殺獲其船隻器械復賜銀紵陞湖廣右參政嘆曰內豪下海外夷奸伺市舶交構守禦單弱東南之憂未艾矣後卒如其言取道歸里以寒疾終思聰才識沉毅應務機敏所至輒能建立居顯仕二十餘年未第時有求貨壞扉面詬之者處之泰然天性孝友宦游所至不能一日離母而居弟思明邑學生早歿弟婦孫氏殉夫以死撫姪表貞禮教之風尤爲士林楷模

蕭克良字以遂新淦白馬人嘉靖甲午舉人屢上春官

不第授山東汶上令汶當入都繁衝响馬盜橫掠過客  
長吏日折腰諸貴人克良下車卽捕巨盜清丈額平徭  
役均馬役活冤獄韓克儒等七人爲大賈構繫申雪減  
刑拔寒峻王松隨魁多士郡隸詬搔屬邑按治不貸大  
吏駭其風裁欲齟齬之會中丞王吾厓獎薦事遂寢官  
汶上三載謝病而歸卒克良風神朗秀穎敏過人佩古  
人四還語畱餘不盡身體力行決意引退汶民立祠祀  
之辛酉流寇偪城散財募兵躬率弩手殪賊人獲安堵  
所著有紅塵稿四還餘訓

新淦縣志

卷八人物志

宦業

十七

朱瓚字堯獻號墨泉新淦河埠人父朴字熙純子三人  
伯季早卒諸子依之家貧十七始志學餽粥不給妻吳  
氏盛夏毋以自沐輒取水向日以代薪佐瓚攻苦嘉靖  
甲午遂魁鄉試乙未授睢甯教諭約禮博文士皆向學  
丁內艱服闋除任武昌武昌沿江左餘習至是始斂華  
就實崇尚實行請於有司建號舍以處諸生親爲講誦  
修葺學宮築堤以捍湖水堤長數十丈士民誌其績曰  
朱公堤堤左建石塔以像文筆癸卯轉應天教授旋授  
山東武城尹丁外艱貧不能歸人代以爲憂曰使吾積

金以爲父母辱何如饑餓於此土也服除授麻陽尹苗民搆亂掠潭家寨督鄉勇禦戰獲其魁斬二酋越月復攻小坡督鄉勇爲援殺傷無算苗遠遁麻邑被兵四年官兵莫加一矢至是始有鬪志督府欲上其功賞格不行乃作與存樓爲死守計馬夫餽餉悉力甦之五鼓升堂休衙夜已三鼓勞傷疾作適稽察官至醫謂不可以風奮然曰賓至而主不迎是慢賓也倘罪我而及吾民是病民也豈可以吾病而病民哉力疾具衣冠迎拜之反署病卽不起初督府檄有司建平苗策瓚上四事以

新淦縣志

卷八人物志

宦業

十八

土兵打仗利害不切於身不若民自爲戰以保其家可其議戰力而守固麻民遂得捍其耕耘苗無所肆其毒

瓚子孟震另有志

朱秉器集壙記

胡叔廉字明發新淦人父深道稱長者四子十二孫俱力學叔廉其三子弱冠爲諸生試輒前列領嘉靖丁酉鄉薦明年登茅瓚榜進士授臨海令颶風大作瀕海居民多死於潮掩葬分賑請於大吏得銀數千兩召富民付之俾出穀卽貯其倉令附近居民就倉支給存活無數築堤八十餘丈復田畝以萬計毀淫祠以益學宮革

役兌頭之弊正豪右殺人之罪民肖像祀之壬寅召爲  
刑科給事建白六事一曰明法律一曰慎京考一曰勵  
將才一曰專責任一曰定優免一曰議軍徒廷議從之  
尋陞兵部都給事居是科者先後多得罪叔廉與兵部  
協謀選將扼要調軍糧申賞罰裨益頗多己酉陞應天  
府丞獄繫大盜四十餘人度其弗靖言於巡撫去其不  
可復原者十四人後尹以姑息致囚反而敗人乃服其  
智慮之周轉大理寺少卿丁內憂服闋補南京右通政  
轉北光祿陞大理寺卿適柄臣胄子橫甚遂以疾上疏

新淦縣志

卷八人物志

宦業

十九

乞歸足跡不及公府事關利害有不便於民者亦間爲  
有司言之卒年四十九先是邑東南隅有湖淤塞而城  
垣亦坍塌躡之可上叔廉言濬水增城可爲守禦計且  
獲水利捐金爲倡當時莫之省及辛酉廣寇猝至列陣  
城東城藉濠以不陷其達於機宜多此類

胡昇新淦人洪武初知湖廣廣濟縣闢榛莽招流亡百  
廢具興九年秩滿士民戴之詣闕乞畱太祖降勅褒美

後遂家於廣濟歿祀名宦

據湖北通志補編

朱孟震字秉器新淦人麻陽知縣瓚之子幼穎異善屬

文以春秋領嘉靖戊午鄉薦戊辰成進士授南刑曹主  
事矜慎名節關說不到尙書孫公稱其獨醒錚錚出領  
重慶守歲却黔中接濟餉千餘緡擢潼關兵備副使黃  
河改流得腴地以給軍糈分守西河發粟賑饑流移賴  
以全活癸未遷四川按察使獄多平反請於臺使奏罷  
歲採大木三之一兼理四川左轄清帑藏侵蝕會羗叛  
軍撫徐元大引贊幕府與將軍李應祥築黃沙壩斷羗  
歸路事平賜金帛加二品服轉貴州左轄水西宣慰安  
國亨爲邊患示以威信亨懼服戊子入爲順天尹定吏

新淦縣志

卷八人物志

宦業

二十

農挨參之法倖竇一清晉通政使封駁得體會鄒元標  
孟養浩乞早定儲位疏奏帝震怒上敬天勤民箴乙丑  
值邊警閣臣王家屏疏孟震治軍嚴肅奉命巡撫鴈門  
山西三關礦徒張守清聚衆據礦以計擒之功上報可  
辛卯疏請歸賜璽書歲時存問癸巳進兵部尙書掌京  
營戎政詔至已病卒於家後二十七年神宗崩光宗立  
追論邊功詔有司錄其子孫入學復其家秉器天資敏  
斷學問優醖津津以詩家自命其在南曹結青溪社一  
時名士聲應氣求所集楮談續談餘談諸書述先哲之

舊聞綜同人之麗句可謂好事也已任川臬用以夷攻夷之法一舉而羗酋授首開府西晉邊關無警有宏博絕麗之學而又有經綸開濟之才者也

秉器集參引明詩綜

張克文字宗質新淦人美和之裔父竒六子次堯文官臨清副使三先文嵩明同知四克文博士弟子五克文濱州州判季亮文國子生克文勵志於學以經書授徒里中諸弟從之舉嘉靖甲子鄉試隆慶戊辰登進士知常山縣地當衝劇繕城浚隍豪猾屏跡擢工部都水司主事水曹治泉河以春夏理河道秋冬理泉流舊時山

新淦縣志

卷八人物志

宦業

廿一

東七十二泉未盡水利乃更濬流穿渠緣山屬之湖爲新泉三百五十有奇汶河歲爲患創石閘備蓄洩而汶流全入於曹丁外艱服闋補刑部遷員外郎獄多平反以疾告歸而卒

朱璉字文卿新淦金灘人隆慶戊子舉人辛未進士授崇安令父仕彥商於袁遂僑居彬江甲辰歲歉仕彥設粥以食饑者施藥救病死者買棺瘞之有家貧乏食將嫁其妻以求活妻不忍去士彥聞之知其爲次子仁卿昔日蒙師也捐粟賑之母張大夫尤賢德仕彥死有

豪家蔣仁五者謀其產大夫人愬之官遷延數載事釋而產盡璉與仁卿同補博士弟子員學官責其贄大夫入止存金環二衣二布二端鬻以資助璉試輒高等袁州守楊聘爲館師得束修乃迎大夫人歸璉爲縣平政愛民奉公守法嘗與上官抗置建陽逆子於法懼有他累貽大夫人憂大夫人曰執法去官美事也食淡甘貧素志也復何憂萬曆乙亥璉三上年考由部郎擢拜監察御史巡視長蘆鹽課巡按湖廣秩滿轉南京督學使稱得人尋陞副使子天民中壬午鄉試大夫人惕然懼

新淦縣志

卷八人物志

宦業

廿二

曰一家全盛何德以堪時蔣仁五尙存乃誠璉曰仁五破我家雖可恨然釋氏所云業障也若與之校非天也仁五旋以惡死子嗣皆喪璉乞疏歸養大夫人已八十有五臨終謂璉曰我欲看兒年至七十奈何早數歲捨兒去璉卒亦以八十五有五有堂集朱秉器集朱仕彥墓志黃璽字以行給諫仁山豕孫萬歷鄉薦汝州同知遷常德府同知常德爲水陸衝郡產大木郡丞故攝樞事會有增稅之命諸商惶怖璽力請於臺使得酌減者十之七視篆桃源武陵二縣威惠並著蠻人不敢爲寇御史

上其功數被褒異秩滿家臣孫丕揚欲以監司薦壘聞力辭之乞歸

貴州名宦志

張堯文號福吾新淦大洋州人師事兄克文年十八舉於鄉登萬曆癸未進士爲涇令有官清似涇水之謠擢南武選司主事歷職方員外郎陳便宜八事稱旨時倭寇告警樞臣議汰舊兵以增新兵人心騷動堯文條上利害羣議帖息出守池州以憂去補衢州守衢故有銅山內監劉忠奉旨開採頗擾民堯文每事裁抑酌定稅額中貴爲之斂手轉臨清副使稅官馬堂殘剝商賈堯

新淦縣志

卷八人物志

宦業

廿三

文折其左右堂警曰是常厄劉內侍者遂避去尋奉檄治河建治河八議卒用其言以有成堯文生平敦篤友愛構同心堂家無私財悉以公諸弟兄兄克文進士官比部郎子叔鏜孫壽祺並登進士壽祺官監察御史聶心湯字純中淦東南源人中萬曆庚子鄉試甲辰進士授錢塘令建虎林書院以崇正學瀕南湖水漑三郡田用廉幹遷工部主事轉營繕司郎中時少府舉詘中貴多盤據爲姦力清耗蠹省金錢數十萬擢廣西兵備道命未下淮撫李三才以盜木占厰諸不法事下所司

按驗湯持之益力坐與黨人忤罷歸補趙州知州復與魏黨私人有郟削籍崇正初起知滁州以病不克赴卒心湯才氣剛直頗爲權貴所嫉故再起再報罷卒不能究其用

劉正亨字謙夫號養默嘉靖己酉舉人署浦江諭轉興甯知縣會徭徇出沒剽掠擒其渠帥楊子常餘黨悉定調贛榆陞河池知州池俗濱苗男女無別正亨修學校明禮教苗俗化之遷溫州同知禦倭有功郡守忌其能陰中之左遷吉府長史加四品服致仕常纂邑志工飛

新淦縣志

卷八人物志

宦業

廿四

白草書居邑西灣頭

盧汝鵠字子羽邑西金灘人以亨之孫也少篤志向學中天啟辛酉鄉試署德安諭黜浮崇雅貧不能葬者悉周給之令浙江開化歲大饑捐俸買米千碩并詳動支倉穀賑救全活數萬人懷玉山寇李子成汪二等剽劫遂樂開境設勦擒三邑安枕擢江南和州承殘破之後勤招集厚撫摩募兵浚濠使自爲守卜基治左改遷文廟聖座忽產靈芝後果科甲蟬聯分較南闈所得多知名士以心疾屢辭乞休及允卒於和和人思慕之崇祀

名宦

聶尙恆字惟貞

新安志載  
新淦人

少隨任大倉師事王龍溪王荆

石兩先生大見稱賞爲時知名六上春官不第就諭廬

陵時吉南塘五先生聯白鷺青原智庾會喜日一官敝

蕤耳家承理學得此殊快人意三歷寒暑不輟益擴前

所未聞陞撫甯令蒞山海關鄙會寇犯河流口納民城

邑計破走之舊上臺巡邊簽民供張破家條議革除復

却貂客參販規例錢剔審丁影射之積奸爲當事所忌

改福州教授陞甯化令禁革囂梗裁抑强豪唯倡請築

新淦縣志

卷八人物志

宦業

廿五

隄捍潦以便地方精軒黃術著有活幼心法及醫術等

書行世子九人皆補弟子員長師元以崇正甲戌貢於

明經

潘九思邑西坊人天性清澹志行慕古之人鄉舉時有

鬻母棺納水手者惻然免之事不干有司舅氏求免贖

金竟代輸焉授海豐教諭加意育材閒周諸生之貧者

陞詔安知縣有惠政秋毫不取告病歸百姓涕泣不忍

別三世祿仕無產至今士人衣有百結者

胡應詔字君宣別字鳳銜新淦人年二十領萬曆壬子

鄉薦崇正辛未進士授湖廣益陽令始入境有鹿一羣隨之行驅弗去在任勤於撫字弊革利興人以爲馴雉之祥以外憂去官服闋補徽州黟縣令民間益陽之政咸引領望之黟土瘠人囂有兄弟爭訟者數年不決應詔召而理論之兩相感泣不終訟而去積勞成疾罷官歸後臨歿呼紙筆書遺語云祖德難忘弟兄須隆孝友君恩未報子孫勉守忠誠應詔幼刻苦有至性嘗躬耕養親及爲令痛祿不逮親故又號愧莪按憲王萬象旌其賢曰兩地棠蔭崇正己卯學道據公呈准祀鄉賢

新淦縣志

卷八人物志

宦業

廿六

國朝

周纘祖字光烈號梅山登己卯乙榜恩選授福建通判國朝定鼎改邵武教授捐俸修文廟課多士樵川蟬聯發解六載考績陞北直南和令首隆學校選藝拔尤輒捷巍科發粟賑饑疏治澧水注蔭民食永利清審丁編以抒民困屏斥刁頭立置之法以直斷忤郡寮解組歸居鄉七載惟率子若孫趨庭誥穀閒集二三故知怡情詩酒陶然樂也壽六十六終

熊僕字叔剡號匪莪晚號耐庵淦登賢鄉陽湖莊人順

治辛卯與兄儼同舉於鄉己亥進士初任江都令勢戚  
賀永吉虐邑民徐小三執法繩治總督麻公旌異之分  
校南闈得士八人五閱月前官復任解組康熙甲寅補  
壽陽令時吳逆煽亂兵馬供應百出力爲調劑民便之  
丁內艱服闋補曲沃令救旱賑饑懲猾胥苟大鵬分校  
武闈得士二十人以逃案去職僕爲人胸襟浩落姿神  
駿爽居鄉介靜四壁蕭然晏如也江都罷官與王仔圍  
汪舟次諸君詩酒爲樂喜讀書至老手不釋卷著有綠  
天稿子時蕙時蘅皆力學紹其家聲

新淦縣志

卷八人物志

宦業

廿七

李煥斗字次箕別號愚谷新淦習方人少貧苦力田刈  
薪以給朝夕年十七釋耒大息曰丈夫乃爾沒世耶於  
是發憤讀書應縣試補邑弟子員順治丁酉領鄉薦康  
熙庚戌成進士己未官山西大同府廣靈縣知縣輕徭  
薄賦吏民安堵有一少年彎弓馳馬戴面具旋轉老林  
中仇者誣以爲盜執送有司煥斗察其冤遣之其後卒  
爲善士壬戌旱歉設粥賑饑乞大府申

奏出帑金以救饑民適得小雨僉議雨下民蘇毋勞賑濟  
煥斗力持不可大府怒次日巡城見饑莩盈野大驚曰

非李廣甯幾誤我事調署蔚州興利除害民情說服計  
典膺首薦入爲工部主事民建祠祀之刑部尙書魏象  
樞贈以詩云慈母車來見太平玉壺勺水比同清旋遷  
都水司員外郎監督寶泉局較量輕重一遵古制庚午  
晉禮部祠祭司郎中磨勘試卷不苛以繩人張素存深  
然之辛未遷陝西甯夏道會大水決堤役丁修築吏民  
不擾西安告饑當事撥甯夏糧儲以濟冬歉煥斗議於  
沿途輸運詳請弗得壬申春大雪起運民不肯行繞城  
鼓噪詬辱督運官於市事

新淦縣志

卷八人物志

宦業

廿八

聞遂獲罪久之得釋

詔復原官而卒

王言字慎夫號兩峯淦東欽風鄉大車里人康熙癸卯  
科舉人已未科進士爲人誠慤謹慎周密而孝友倍篤  
戊辰秋筮仕除馬平令裁汰迎上官供億著爲令減耗  
省差恤夫役免行戶邑民德之修學課士儒風丕變烏  
石徭猖獗提督李公議勦因詣轅請撫全活甚衆庚午  
分校得人解首陸應幾與焉署柳州郡丞攝洛容調崇  
善弭盜禱旱署養利州署永康州皆多惠政以緝案降

調巡撫彭公鵬特疏列薦有清官第一之語奉

旨召見復任知永清

駕視河工供應修路民不知擾輯 王庄旗佃開永定河監

修石工

駕駐永清城外召對賦詩稱

旨壬午分棧北闡得士十五人本房聯捷三人在任未三載  
賢聲益著擢宛平令邑地圈投已盡用意撫綏禁革養  
馬差擾編審公費查煙冊無冒免築河堤核浮冒葺貢  
院理冤抑以逸囚議降調京兆施公世綸欲奏請畱任

新淦縣志

卷八人物志

宦業

廿九

力辭歸戊子旋里四壁蕭然田廬蕩廢薄遊吳粵以自  
娛舉鄉飲大賓辛卯春卒於家子泰牲家珏以文學行  
誼世其家泰牲詩歌古文書法尤見推於時云

劉學瀾字綠漪號觀亭新淦人康熙癸巳舉人生而沉  
潛敏慧強記多聞再上公車行抵天津得咎徵心動念  
母兼程南下母果病革於牀哭哀盡禮遂絕意進取乾  
隆六年除山東萊州高密縣令縣北爲百脉湖五龍河  
膠河諸水所匯歲久淤澱豪民貪利承墾不許每霖雨  
暴作水無所瀦勢將旁浸不可制乃審廬舍度原隰高

下畛域之水不積溢民賴以安縣鄙有景芝集毗連三  
邑盜易潛藏設法鈎稽捕其魁論如律餘盜悉遁捐貲  
葺鄭康成祠延攬賢士問邑中利病語不涉私校諸生  
文藝如塾師之訓弟子其以文學飾吏治多類此甲子  
因公降調乃謝病歸攜二子一僕行篋蕭然杜門不出  
老猶以六經通鑑諸書爲日課甲申乙酉歲大歉集里  
中釀金設粥以食饑人全活甚衆事敦實行所爲文詞  
達理舉有聿修堂稿年八十餘卒於家

王泰牲字鹿賓號芝圃宛平令言長子雍正癸卯舉人

新淦縣志

卷八人物志

宦業

三十

甲辰進士授翰林院庶吉士轉戶部主事佐籌出納躋  
正郎奉差審理

欽案有能聲復除翰林院試優等列爲頭班散館引

見乾清宮復

賜克食拜順慶守文學政事兼有可稱生平無佻傥之形泊  
然如僧在官不攜眷屬不延幕友一絲一縷惟恐病民  
案牘之餘焚香肅坐郡西二里有金泉句云不飲金泉  
水還懸陋巷瓢守郡七載以治行卓薦入京仍回本任  
撫綏鎮靜民安其治因公事卒於中途泰牲至性過人

兄弟極相友愛長於詩古文詞少日與邑隱士孫之鳳  
陳次沙段明臺討論風雅在詞垣復與同郡楊尙書錫  
紱晏侍郎斯盛酬唱尙書稱其天才敏贍清新俊雅人  
品介潔詩適相肖云所著有知稼軒集

楊樹烈字念莪新淦人內閣中書侃之姪雍正癸卯拔  
貢出學使徐公昂發之門乙巳考補藍旗教習期滿分  
發四川署岳池知縣屏僚從單車就道吏進舊規節物  
供帳銀二千兩悉革去之治獄多平反大吏廉其能委  
攝渠縣理鹽亭西充連綰三符所在著循聲是時川省

新淦縣志

卷八人物志

宦業

三一

清查糧額奉行或未盡善每致擾民乃爲魚鱗冊按冊  
編號挨次註名日履溝畦詳加量度歷丈數邑事舉而  
民不擾因患瘡瘍移疾有紳士乘間乞印契券文正色  
訶止之疾痊循例赴部報銓卒於京邸子廷謨廷諫廷  
諫雍正壬子舉人廷謨乾隆丙子舉人任樂安教諭乾  
隆庚子大中丞郝移節入境錄囚廷謨率士庶焚香郊  
迎應對有條餘囚盡釋時論韙之初樹烈祖兆泰爲諸

生值

國初兵變康熙九年遵

上諭募徒役設竹籃收貯四野遺骸購地掘坎瘞之邑侯吳爲文紀其事言兆泰首倡募僧買山之議不遺餘力先後所積不可勝數人以爲爲善之報云

王雲煥字光旦號曉園宛平尹言孫父家珏舉人雲煥少英敏承祖父之訓力學工制科文雍正己酉舉於鄉乾隆丙辰成進士授禮部祠祭司主事尋改儀制司管理禮部地租地丁舊有陋規甫視事悉爲革除用著廉聲儀曹爲簡秩而

朝廟宴饗及賓興學校諸務皆有專責雲煥幹練勤慎當

新淦縣志

卷八人物志

宦業

三二

事欲以外任繁缺用之力辭旋遷員外郎

天子嘉其守擢貴州道監察御史壬申會科充內監試丁父喪服闋補山東道監察御史繼丁母喪庚辰赴都再補廣西道監察御史署吏科給事中巡視東城果於任事戊子二月授山東青州府知府青州爲東省大郡繁劇事無大小必躬自檢校便於民者無不舉行舊有兵米由外縣解府支給因艱於搬運遂改爲折色就近買補吏緣爲奸廉得其實禁不准行民便其舊先是郡垣傾圯舉報修葺司事者議將北郭人民截居城外以省工

費雲煥登城閱視見人煙稠密喬木成行慨然嘆曰此  
熙皞氣象也尺地一民莫非赤子忍度外置之耶力排  
衆議以興版築尅期計功城塹屹就百姓安堵每燕居  
獨處寡於言笑雖左右親近不敢干以私語崇師尙學  
士論翕然稱之在任年餘卽引疾乞休束裝就道輿服  
簡敝士庶餞之有望而泣下者居家十載同堂弟兄尙  
有八人賦詩云兄弟同堂有八人生年并屬甲申辰悠  
悠共叙天倫樂落落俱無世俗塵初猶資館俸以自給  
及病痺杜門瞻生幾缺性復耿介善默故歿後有廉吏

新淦縣志

卷八人物志

宦業

三三

難爲之嘆

王雲翔字儀漢號耐庵青州守雲煥從弟十歲喪父母  
陳氏教以誦讀聰穎異常少卽善詩賦工書法雍正壬  
子癸丑聯捷進士授湖北武昌府蒲圻令蒲圻徵糧里  
派斗級三十人剝膚吸髓射充書吏爲害滋甚雲翔咸  
革除之三年報政調江夏旋遷漢陽司馬攝黃州武昌  
諸郡所至有聲採辦苗疆督餉征蠻深爲鄂大中丞所  
倚毗在蒲圻時民多虎患禱於神作捕虎檄虎害頓除  
創修義學振拔單寒賞識多名下士性儉素徵米於廚

弗盈一缶以母年高請終養仍設帳授徒以書易粟人咸珍之稱其三眞六草可入太令之室爲文落落有奇氣所著有慈訓篇待月詩詞無子頗散失沒後蒲圻人建主祠祀之又於乾隆三年蒲圻旱雲翔禱白石顏公祠雨立應有秋

詳楚通志

劉世甯字匡字號幹齋高密令學瀾之子乾隆甲子舉人正考官漳浦蔡文恭評其文謂有端人正士之概時撫軍爲桂林陳文恭授以養正訓俗從政訓女四規喜曰是立身加民之本矣乙丑捷進士癸酉授淳安令淳

新淦縣志

卷八人物志

宦業

三四

安海剛峯舊治也揭羣樂堂瑣言於門左飭書吏曰民無異性患導之不以誠耳鄉徵之舉不無胥吏之擾是欲便民而轉累之吾弗爲也有汪光元者悍而黠數佔人妻廉得其實拘數其罪光元叩頭乞自新擬徒釋歸改行操冶鍛人怪問之云我不負劉令也調任黃巖有王世璣者聘其姑之女符氏其母與其姑閱亟悔婚姑之夫賜履諸生也鳴之學使以女終身不嫁立狀而罷旣而私以女字趙氏世璣鳴之官引符氏置對藏錐自刺世甯私度曰終身不嫁非人情自刺爲父解也然則

女實屬王氏矣令遣歸而陰令昇之王氏女固王出也  
賜履以世璣奪女告笑曰姑徐徐逾年符氏已生子而  
世璣亦爲諸生宋朱子提舉浙東建黃巖六閘禦鹹蓄  
淡其奏狀有云黃巖熟台州無饑饉之憂閘壩修黃巖  
無水旱之災用此請濬河建閘集民夫親爲指畫設閘  
田閘夫資其衣食以時啟閉旱澇無憂數十年獲蓋藏  
之利任滿擢工部營繕司主事丁內艱服闋補虞衡司  
遷都水司員外郎山西道監察御史旋授廣東分巡道  
陳情終養戊戌仍授原官刊簡明條約八則用土語解  
說訓誡子弟父老聞之有泣下者逾年不諧於大吏鐫  
秩仍入都改補吏部文選司主事遷稽勳司員外郎轉  
戶部山西司郎中乙巳年六十有六恭預千叟

恩宴庚戌八月文恭趨

朝亦年垂九十欵欵道舊出所攜政草一編閱之文恭謂興  
利除弊懲訟息爭無一不以教養斯民爲己任而平生  
之學問文詞不出以告人黜華崇實視彼簿書刀筆筐  
篋之爲者相距甚遠不負夙昔之期許轉恨其非少壯  
也於是年九月引年致仕家居九載年八十一卒

黃巖

志循績傳

劉佳琦字步韓一字相州世甯子性醇篤幼讀書不喜  
爲詞章之學庚寅援例入國學癸巳四庫全書館開用  
薦充謄錄生甲午川運例開遵納府經歷分發四川委  
任綿州州判南部巴縣丞壬寅調署南川縣丁未調補  
富順縣時西藏廓爾喀與喇嘛構釁隨大學士孫文靖  
進勦行萬里盛夏積雪凝冰滑足落窖中以繩引出以  
勞績升大竹知縣嘉慶元年丙辰九月達州白蓮教匪  
徐添德煽亂逼近大竹築城濬濠訓練鄉勇親赴邊界

新淦縣志

卷八人物志

宦業

三六

堵截賊竄梁山復回達州適川督兵至率勇助戰賊敗  
卽駐風箱埡防守口糧不給發附近社穀支應調赴大  
營署理達州篆仍兼大竹篆賊攻破東鄉縣大竹戒嚴  
艱民奔赴州城以鄉勇八千分據要害賊至羅江口聞  
有備而遁賊又由小尖山來犯據要以守日張旗幟夜  
燃火炬以爲疑兵賊果畏阻論功陞補達州知州地當  
川東北之中爲轉運總匯之所籌運軍火糧餉經畫井  
然幕府倚以爲重戊午六月總兵許公追賊至達州界  
之趙家場督鄉勇馳赴夾擊遂獲全勝七月癰發於背

卸州事經畧大臣川督勒公仍令經理軍務力疾視事  
瘡潰如盃醫人束手忽夢人誦陸龜蒙句行歇每依鴉  
白影因用鴉白葉而愈旋接州篆己未幕府行堅壁清  
野之法不數月而事舉各州縣仿行之賊無所掠百姓  
盡居寨砦賊多則上寨防守賊少則下寨殺之賊勢日  
衰幕府奉  
旨詢問川省官時以二劉並稱云庚申九月賞給知府銜十  
一月聞父喪請委員接篆  
奏請墨經從戎辛酉壬戌大功將次告成奉

新淦縣志

卷八人物志

宦業

三七

上諭陞署綏定府癸酉三省肅清

恩賞花翎軍興八載綏定習於兵革至是始復修文教治鬻  
舍忠義節孝祠葺通川書院貯四鄉義穀招人懇種自  
改府設縣善後事宜悉心籌度乙丑調補成都府知府  
丁卯

陞見旋蜀署鹽茶道辛未秋請咨回籍後終湖南安福官署  
楊濟字康亭新淦人國學生援例入貲授鹽課大使乾  
隆癸未分發直隸長蘆署蘆臺等處護理滄州運判丙  
戌補嚴鎮場大使濟貌豐碩南人北像

上擬改授知縣以禮貌尙疎而止仍發鹽場學習丁亥庚寅  
海濱頻遭水患

朝廷發帑并鹽場徵款施賑濟短衣履泥淖中以勤慎稱  
工部尙書裘文達奉

命捕蝗巡視疾苦濟率捕甚力議敘

賜緞疋荷包鹿麕湯羊辛卯

駕謁孔林道經天津監造工竣膺

覃恩由州判加級

封其祖父後丁父艱以疾終於家

新淦縣志

卷八人物志

宦業

三八

王應樞字光辰新淦人舉乾隆壬午鄉試任貴州安平  
知縣調畢節縣初署廣順州蠻夷雜處訟無畱獄調畢  
節除採買平市價革里差人感其惠應樞少日敏於爲  
文具有根據門弟子著錄者半邑屋尤好立名行筮仕  
黔中愛人下士士論翕然稱之年五十八卒於官  
鄧廷相字志懋號承山四都錢塘村人幼聰慧家窘棄  
舉業遊京師考取供事効力年滿乾隆五十七年議敘  
選授廣東合浦縣尉履任後士民悅服送有剔弊安民  
之額及萬民傘萬民衣嘉慶二年獲盜引

見奉

旨著仍回廣東以縣丞用三年補授新甯縣縣丞有政聲士紳聯詩以送至十四年又拏獲巨盜引

見奉

旨特簡廣東知縣十五年署理長樂縣事洎任政簡刑清折獄如神賊盜藏匿該縣士紳頌有廉明詩句歷任花縣英德河源廣甯諸縣悉有政聲子培翎甘肅府經歷孫長齡巡檢長祜議敘州同

劉天培字丹崖一字澹一六都龍窩里人世甯孫佳琦

新淦縣志

卷八人物志

宦業

三九

子幼卓犖有幹才隨父任大竹時嘉慶丙辰達州教匪煽亂逼近縣治亟請分遣鄉勇赴隘堵截調度合宜賊聞遁去人以孝勇稱援例補浙江錢塘縣丞署新城縣知縣捐升知縣籤發湖南署沅江縣事縣半濱湖地產草可肥田每歲夏間民爭刈穫械鬪滋訟有首惡平四長子者悍而勇郭元泰者善刀筆上游稔其惡飭緝未獲公下車履勘剴諭居民息爭罷訟旋將平四長子弋獲究辦元泰亦伏辜自是爭競之風頓息補安福縣令立身清介勤恤民隱尤畱心文教延名宿主講道水書

院士有不能應試者贐之代理澧州事適父郡伯在川引疾歸過楚迎養至署隨僦居澧之津市解官侍養者凡三年郡伯棄養哀毀備至奉諱回籍喪葬如儀道光元年辛巳服闋仍赴湖南需次歷經委往湖北沔陽并長沙湘陰等處查勘要件籌辦悉協補安福原缺士民以寇公再至夾道相迎歡然也庚寅七月鄰邑安鄉大水饑民搶奪頻仍查辦綦難州刺史力薦於新任撫軍程公梓庭獨領其請公揮汗鞫獄十餘日咸就了結辛卯夏安福水災兼疫癘百計拯救邑無流亡捐貲修葺

新淦縣志

卷八人物志

宦業

四十

坍塌廨署壇廟不以累民又捐廉買補被水倉穀千數百擔繼而安鄉又水州刺史仍任以賑務胥吏無敢侵漁鄰民安堵以知縣加五級晉階朝議大夫道光壬辰卒於安福縣署年五十有六葬本邑上墟嶺

讚曰給諫官方簡襄戰捷陸斬蛇巫謝張虎獵藝推秉器達乃明發白首馮唐崢嶸選法

新淦縣志卷之八

人物志

理學 缺

儒林

通天地人之謂儒儒誠不多有也具才學識之謂儒  
儒又不可無也統而謂之爲林有轉益多師之意焉  
淦邑人士讀聖賢之書遵父兄之教處有守而出有  
爲代不乏人都爲一帙可以承先卽以裕後因編儒  
林

新淦縣志

卷八人物志

儒林

一

唐

聶道茂晉丹陽大守友之九世孫自友祖漢潁川大守  
良仕隱居新淦玉笥山十一傳至友卒葬清江道茂官  
唐尙書令距友墓五里許剏五經樓分授諸子今其地  
名尙稱經樓云 李長卿文集

宋

孫冕字伯純雍熙二年進士天禧中尙書禮部郎中直  
史館晚守蘇州與王欽若友善欽若爲相不爲薦引及  
出鎮餘杭艤舟吳門佯醉謂冕曰兄久淹州守徐當別

圖冕正色拒之爲郡多惠政盤門運河上有白頭橋唐  
牧白公建冕重修之人呼孫老橋龍圖閣學士梅摯有  
詩云白頭橋奈白頭何舊德如存故老歌不特輿梁起  
遺愛大抵才美服人多性恬達如樂天已及引年大書  
一詩於廳事云莫待朝廷差致仕早謀泉石養閒身遂  
拂衣而歸子琛舉進士爲比部郎父子相繼主白鹿洞  
教

孔延之字長源新淦人孔子四十六世孫幼孤貧晝則  
帶經耕鋤夜燃松明繼之慶厯間舉進士授欽州軍事

新淦縣志

卷八人物志

儒林

二

推官杜杞使南方誅歐希範延之謀晝居多還朝會開  
封治孟陽河開封奏可罷御史與開封爭不決詔延之  
往按視奏言費已鉅成之猶有小利遂從之知封州差  
往廣西寬恤民力所更五十五事弛役三千人遷轉運  
判官廣西賦糴於民歲至六百萬石租督與租稅等延  
之計歲糴二十萬而足欽廉雷三州蜒戶爲富人所役  
延之奪使自爲業者六百家皆定著令改荆湖北路提  
點刑獄罷鼎州六寨戍兵千餘人遷司封郎中卒初考  
建昌□試得曾鞏宰新建與周茂叔爲僚友諸子由庭

訓竝以文章顯世號臨江三孔

孔文仲字經父

淦志舊編文仲新淦人宋史列傳新喻人金幼孜文靖集文仲祖孔績新淦人

文仲之後孔源新淦人

性狷直寡言笑少刻苦問學號博洽舉進

士南省考官呂夏卿稱其詞賦瞻麗策論深博文勢似荀卿揚雄白主司擢第一調餘杭尉恬介自守不事請謁轉運使在杭召與議事事已馳歸不詣府人問之曰吾於府無事也再轉台州推官熙甯初翰林學士范鎮以制舉薦對策九千餘言力論王安石所建理財訓兵之法爲非是宋敏求第爲異等安石怒啟神宗御批罷

新淦縣志

卷八人物志

儒林

三

歸故官齋惓孫固封還御批韓維陳薦孫永皆力言文仲不當黜五上章不聽范鎮又言文仲草茅疎遠不識忌諱且以直言求之而又罪之恐爲聖明之累亦不聽蘇頌歎曰方今朝廷求賢如饑渴有如此人而不見錄豈其論大高而難合耶言大激而取怨耶吳充爲相欲置之館閣又有忌之者僅得國子直講學者方用王氏經義進取文仲不習其書換爲三班主簿出通判保德軍時征西夏衆數十萬皆道境上久不解邊人厭苦文仲陳三不便曰大兵未出而丁夫預集河東雇夫勞民

而損費諸路出兵首尾不相應虞夏商周之盛未嘗無外侮然懷柔制禦之要不在彼而在此也元祐初哲宗召爲祕書省校書郎進禮部員外郎有言皇族唯揚荆三王得稱皇叔餘宜各系其祖若唐人稱諸王孫之比文仲曰上新卽位宜廣敦睦之義不應疎間骨月議遂寢遷起居舍人擢左諫議大夫日食七月朔上疏條五事曰邪說亂正道小人乘君子遠服侮中國斜封奪公論人臣輕國命宜察此以消厭兆祥論青苗免役首困天下保甲保馬茶鹽之法爲遺螫畱蠹改中書舍人三

新淦縣志

卷八人物志

儒林

四

年同知貢舉文仲先有寒疾及是晝夜不廢職同院以其形瘵勸之先出或居別寢謝曰居官則任其責敢以疾自便乎於是疾益甚還家而卒年五十一士大夫哭之皆失聲蘇軾拊其柩曰世方嘉軟熟而惡崢嶸求勁直如經父者今無有矣詔厚恤其家命弟平仲爲江東轉運判官視其葬初文仲與弟武仲平仲以文聲起江西時號三孔後追貶梅州別駕元符末復其官有文集

五十卷

宋史列傳

孔武仲字常父幼力學舉進士中甲科調穀城主簿選

教授齊州爲國子直講喪二親毀瘠特甚右肱爲不舉元祐初歷祕書省正字校書集賢校理著作郎國子司業嘗論科舉之弊詆王氏學請復詩賦取士又欲罷大義而益以諸經策御試仍用三題進起居郎兼侍講邇英殿除起居舍人數月拜中書舍人直學士院初罷侍從轉對專責以論思武仲言苟不持之以法則言與不言將各從其意願輪二人次對時議祠北郊久不決武仲建用純陰之月親祠如神州地祇擢給事中遷禮部侍郎以寶文閣待制知洪州請從臣爲州者杖以下公

新淦縣志

卷八人物志

儒林

五

坐止劾官屬俟獄成聽大理約法庶幾刑不逮貴近又全朝廷體貌之意遂著爲令徙宣州坐元祐黨奪職居池州卒年五十七元符末追復之所著詩書論語金華講義內外制雜文共百餘卷

宋史列傳

孔平仲字義甫登進士第又應制科用呂公著薦爲祕書丞集賢校理文仲卒歸葬南康詔以平仲爲江東轉運判官護葬事提點江淞鑄錢京西刑獄紹聖中言者詆其元祐時附會當路譏毀先烈削校理知衡州提舉董必劾其不推行常平法陷失官米之直六十萬置獄

潭州平仲疏言米貯倉五年半陳不堪食若非乘民闕食隨宜泄之將成棄物矣倘以爲非臣不敢逃罪乃徙韶州又坐前上書之故責惠州別駕安置英州徽宗立復朝散大夫召爲戶部金部郎中出提舉永興路刑獄帥鄜延環慶黨論再起罷主管兗州景靈宮卒平仲長史學工文詞著續世說釋解稗詩戲諸書傳於世以上俱宋史列傳

謝舉廉字民師新淦人

郡省志作新喻人劉弇序載謝世充言於茲爲十世則四謝實

產新淦

元豐八年進士令南康初官吉州司法叅軍少與

新淦縣志

卷八人物志

儒林

六

從父懋岐世充共學後同登元豐八年第時稱四謝懋宜春簿岐江夏令世充奉新尉舉廉博學工辭遠近從之者嘗數百人於其家置講席每日登座講書一通既畢諸生各以疑來問民師隨答未嘗少倦日辦時果兩盤講罷諸生啜茶食果而退蘇軾自嶺南歸民師袖書及舊作遮謁軾曰子之文如上等紫磨金畱語終日民師著述極富其族摘軾語名曰上金集從孫磐字安國累舉廷對高宗作損齋磐言未能損者八有司以言訐直置第二時稱八損狀元劉弇詩序

南宋

孔括字端中新淦人父叔三人曰源曰淑曰滋相繼登第鄉里亦號三孔括乃淑之子嘗令淳安廉介市號美醞曰淳安清時以此况之名聞行在所高宗題殿柱曰吏師孔括歲滿百姓畱之上諭宰相曰可轉一官令再任終濠州守

楊扶字圖南性方介不苟合判袁州以爭訟事忤郡遂拂衣去官不復起自號竹溪居士時忠簡公銓大丞相省齋周文忠公皆與之游築臺曰秀野忠簡爲之記

新淦縣志

卷八人物志

儒林

七

明

曾魯字得之新淦人年七歲能暗誦五經一字不遺稍長博通古今凡數千年國體人才制度沿革無不能言者以文學聞於時元至正中魯帥里中豪集少壯保鄉曲數具牛酒爲開陳順逆衆皆遵約束無敢爲非義者人號其里曰君子鄉洪武初修元史召魯爲總裁官史成賜金帛以魯居首乞還山會編類禮書復畱之時議禮者蠡起魯衆中揚言曰某禮宜據某說則是從某說則非有辨詰者必歷舉傳記以告尋授禮部主事開平

王常遇春薨高麗遣使來祭魯索其又視之外襲金龍黃帕文不署洪武年號魯讓曰龍帕誤耳納貢稱藩而不奉正朔於義何居使者謝過卽令易去安南陳叔明篡立懼討遣使入貢以覘朝廷意主客曹已受其表魯取副封視之白尙書詰使者曰前王日燧今何驟更名使者不敢諱具言其實帝曰島夷乃狡獪如此耶卻其貢由是器重魯五年二月帝問丞相魯何官對曰主事耳卽日超六階拜中順大夫禮部侍郎魯以順字犯其父諱辭就朝請下階吏部持典制不之許成將捕獲倭

新淦縣志

卷八人物志

儒林

八

人帝命歸之儒臣草詔上閱魯藁大悅曰頃陶凱文已起人意魯復如此文運其昌乎未幾命主京畿鄉試甘露降鍾山羣臣以詩賦獻帝獨褒魯是年十二月引疾歸道卒涇安徐尊生嘗曰南京有博學士二人以筆爲舌者宋景廉以舌爲筆者曾得之也魯屬文不留藁其徒間有所輯錄亦未成書云

明史

吳節性洪武鄉貢士歷官國子助教上知其端謹賜白

金嘉之

張敬字子儀洪武鄉貢士莆田縣儒學教諭深心古學

名重一時臨江有八彥敬與焉國子祭酒吳溥雅重之遣子與弼遊其門累官南京國子博士卒贈南京刑部員外郎所著有五經膚見四書訓註等書子魁官御史勉進士員外郎孫省志作子敷廣西副使魁敷各有傳金固字守正新淦人四歲母授五言詩能誦之既長遂通經史百家之言興同郡梁寅劉永之輩爲友郡太守知其賢聘爲學訓導講明道德性命之旨士子翕然歸之稱雪崖先生子幼孜官大學士別有傳

廖兼善新淦人入大學治經有志於道練子甯以書勉

新淦縣志

卷八人物志

儒林

九

之言經所以載道士欲明聖賢之道必急於治經經既治則天下之理有不足明而天下之事有不足識者矣後之治經者則不然言理者或不足於事爲施政者或不本於道德甚而附會穿鑿取先儒之糟粕而笙簧之以求合有司之尺度幸有得焉則號於人曰我知聖賢之道正心誠意之實漠然不與於其身心嗚呼淳厚之俗替而浮薄之習勝無乃弊陋之相承而魁偉有志之士偶未之思歟何其習俗之難易也兼善治經而志於道於其別書以問之

玉屑集

周謨字守謨新淦清沂人先世魯沂人趙宋初有罷官居縣西沂水者因占籍新淦天順丁丑赴春官試薛文清得其卷中正仁義而主靜一置第十二觀政工部都水司改南京刑部山西司部郎中難決之獄悉委之三載考滿遷員外郎陞福建按察司僉事歲歉之後汀漳窮民逃移還戍武奪於道謨所設施威惠兼著丁父憂服闋改湖廣時荆襄唐鄧之墟溝難延及川陝協贊經理地方安堵擢陝西按察司副使西陲多事王師壓境諸蕃遠竄師老財竭謨乃徑抵賊墟携間其黨踰旬得

新淦縣志

卷八人物志

儒林

十

其首惡誅之而還期年百廢具興以母老乞歸中外民夷攀轅塞道家人檢其橐無十金蓄取道荆南襄藩遣人逆諸境上書歲寒高節贈之侍母養甚慊題其室曰百歲願添慈母壽三公不換此江山杜門卻掃不與世接宏治之末朝廷追錄舊臣進亞中大夫再進嘉議大夫歿邑人請諸當道祀於鄉賢廬陵周時可聞謨說夫子與點及中庸鳶飛魚躍之旨洞然開悟形諸篇章謨於經史博洽究其精微多得之天賦一時士大夫得其指授德之不忘何大司寇集禮書多採其說讀易每教

人尋諸有畫有文之前拔蔡虛齋於稠人之中而多方造就尤爲儒林所稱述云

張佩字儒佩號南齋少負時名縣令慕之欲賓延西席不苟就由鄉舉授崇陽令更蒲圻治行卓然祀名宦升南工部主事權蕪湖不圖羨以取譽民商咸便與乖厓並稱著有南齊政紀

吳達字近光號雲泉新淦清沂人父昌領鄉薦官湖廣穀城知縣達有才辨意常烈烈方七歲自塾歸爲盜所掠負之去閉一樓中夜緣屋脊以出匿樊圃深箐邏者

新淦縣志

卷八人物志

儒林

十一

弗得比曉乃歸嘉靖己丑成進士授兵部武選司主事進承德郎請便養親改南京兵部職方司轉車駕司員外郎進郎中以才堪治劇出爲福建興化府知府善任事事可疑弗顧可爲弗阻人莫敢撓其鋒所至有聲擢四川按察司副使撫治重夔兼達州兵備以母老棄官歸達初至武選闈人恣爲奸利察其誤公執詢弗貸闈屈誓不敢有他魏國公擅役營卒疏其不法事詔奪職魏國公怒曰我拚一鍊券殺吳達如拉鼠耳達不爲動衆爲語曰吳郎中難撼吏部將超資用之爲忌者所尼

補興化以二僮之官聽決如流各中情事訟爲衰少休  
暇卽走學宮爲諸生講經義建堤瀦水連獲豐穰海寇  
數至多爲疑兵以却走之立義塚收棄骸去郡之日民  
皆號泣在達州罷有司供張貪吏斂跡家居十二年當  
道論薦不起達在人多畏之死之日識與不識皆爲出  
涕達學問淵博旁通醫卜識緯及國家典章與羅洪先  
講學往來最厚達死羅甚悲之蓋自傷其無侶也所著  
有雲泉集 羅文恭集

朱泗字周卿淦西灘頭人嗜理學爲永新顏山農吉水

新淦縣志

卷八人物志

儒林

十二

羅文恭高弟十困場屋應嘉靖戊午科貢舉大宗伯李  
公稱爲公輔器尋卒於京著有三書附註史說獨言行  
世萬曆丙午公舉鄉賢督學蔡批以貢士而舉鄉賢公  
道出於人心會遷秩去弗果行子家懋萬曆辛卯授戈  
陽訓刻三事五規條約及文廟位次給諸生遷婺源諭  
適文公羣書散佚捐俸較刻構樓於公里貯之陞松江  
通判畫儲務十三事歸林二十載不談時事郡縣請光  
賓筵諮地方事宜著有四書詩經補意讀史日抄等書  
周安叔字于盤以明經司訓台州轉蘇州府教授丰裁

峻整教士分經義時務二科人以比胡安定時冢宰陸  
汴給諫王亮御史黃鍾徐申皆所獎拔尋陞銅仁司李  
時值饑荒土司煽亂至卽撫安之孫一松辛未進士以  
文名擬補學憲竝祀鄉賢

府志

聶素貴字原守邑北大觀橋人少贅姊家李氏遂從其  
姓穎異英敏孝友性成髫年爲郡庠生不規規舉子業  
讀陳白沙先生集至爲學須從靜中養去端倪方有商  
量處歎曰入道之方其在是乎往師吉之羅文恭先生  
大器其才學示以主敬爲入門益知嚮往遂深理學以

新淦縣志

卷八人物志

儒林

十三

明經受大倉司訓勸實踐而戒浮侈士心悅服陞六合  
諭攝邑篆清介多善政尤加意課文身自爲迪士受漸  
磨多以名顯歸乃復姓聶云其子尙恒中萬歷壬午舉  
人

周一松字儀袁號履素銅仁司理周安叔冢孫也舉天  
啟丁卯鄉試出倪文正公門下中辛未科進士以道義  
名節自重恥受簿書鞅掌改任嘉興教授以祖安叔之  
教蘇湖者教嘉興立課文講學二法癸酉大比黎博庵  
適督學兩浙委令大收錄選遺珠首拔甯波俞穎陽時

卽發解人竟稱其藻□尋擢國監博士造士亦如嘉興  
立東南大社選刻課藝毋論六館之士多所成就卽順  
天諸學教拔李耿延爲子師旋亦聯捷知人得士播頌  
於都畿擬膺華選卒京邸疾革猶手不釋卷口不絕吟  
貧不能殮同鄉諸大紳贈之歸黎博庵爲之傳康熙五  
年提學王採公論批與祖安叔並祀鄉賢

陳守約號會吾性孝友力學食貧將就試童子母憚費  
無所出命鬻己棺以佐不給約曰不及厚襯榮親敢市  
此易榮名乎竟辭止妙齡聰穎過人遊膠序旋拔第一

新淦縣志

卷八人物志

儒林

十四

補廩屢試數奇以明經選金華府訓導時同邑進士一  
松周公任華諭同寅協恭一時人文咸入二人鑒別選  
陞石城諭三載陞袁州教授訓士有式化雨春風人爭  
就淑焉

曾舜隣新淦人應貢入京朝經暮史手不釋書辛勤三  
十年臯比講論詞源滾滾論古今成敗之迹如在目前  
惜豪俊不遇有劉蕢下第之悲

東臯集

讚曰偉哉東臯虛齋親炙英材善教時雨滋化誕鍾三  
孔厥配四謝曰若稽古黃農虞夏

新淦縣志卷之八

人物志

文苑

天地氤氳之氣凝而爲日星萃而爲山嶽鍾於人而爲學問詞章故英才碩彥莫不鋪張駿業歌詠昇平而教化風俗亦於是見焉易曰觀乎人文以化成天下意深遠矣因編文苑

唐

陳岳累官南昌觀察判官著唐書統紀一百卷子璿仕

新淦縣志

卷八人物志

文苑

一

吳爲翰林學士撰吳錄二十卷

楊彥伯字鼎臣大順間擢童子科昭宗親試之彥伯應對詳雅上曰劉晏之流也賜以詩後爲安福令州以異

狀聞賜緋魚歷官門下侍郎

林志

五代

省志作南唐

鄧佑鄧佶佑擢南唐童子科佶登三禮科鄉人易其鄉

曰揚名里曰雙秀

林志

曾乾度字順承文照子淳化進士兩任推官三典州縣未艾乞祠起知筠州謝事歸

白志

宋

何正臣字君表臨江新淦人九歲舉童子科賜出身復中進士第元豐中爲御史裏行遂與李定舒亶論蘇軾得五品服領三班院會正御史專六察正臣言幸得備言路以激濁揚清爲職不宜兼治他曹神宗善之悉爲罷御史兼局而正臣解三班加直集賢院會遼使入朝頗矜慢正臣摘遼中密事詰之使愕然擢侍御史知雜事韓存寶討瀘夷無功命治其獄被以逗撓罪誅之還除寶文閣待制知審官東院尙書省爲吏部侍郎踰年

新淦縣志

卷八人物志

文苑

二

嫚於奉職銓擬多牴牾事聞以法制未善爲解王安禮曰法未善有司所當請豈得歸罪於法乃出知潭州時詔募民以貲易鹽正臣條上其害謂無益於民亦不足以佐國用遂罷之民以爲便又嘗閱別試策目對上誦之不脫一字上歎美自後策問註撰者姓名以刑部侍郎知宣州卒從子昌言紹聖四年進士第一官至工部侍郎詳徐俯傳

宋史

俞處俊字師郝建炎龍飛乙科居母喪未及仕而卒善詩載合璧事類世傳其叫月子規喉舌冷宿花蝴蝶夢

魂香亦載獨醒雜誌所著有老圃集

獨醒雜誌

南宋

鄒惇禮字和仲新淦人紹興二年中湖南北第一授宜春法曹開軒種竹以自娛題竹云疎直拙依附清高無匹儔善書得顏柳法人皆寶之有北窻集

通志

郭應祥字承禧淳熙中進士倅長沙有宦聲終於倅次著述甚富別號遯齋

郭應龍字承雲淳熙進士令南豐終湖南安撫司參議詩詞高古有書史素臣一部集句三百餘首應龍兄弟

新淦縣志

卷八人物志

文苑

三

家居授徒登科仕者甚衆

蕭建功字懋德公餉諸孫從陳瓘遊瓘重之時李朴謫歸貧不能自給建功築室居之朴死以女妻其子李綱薦其操行知衡州刻思賢堂帖三十卷

曾宏迪字幼說三英子嘉定十六年癸未進士以程藝受知魏了翁累官朝議大夫兵部侍郎理宗御書勤禮齋秀溪賜之周必大言曾氏諸子以學業聞家浸興盛

宏迪晚出超越諸兄淦嘉泰志其兄宏正纂述也宏迪卒葬玉笥鄉之滙岡

曾季輔一字北山新淦人與文文山友善深於杜詩所

著有杜詩句外傲文選體編歌行律絕各爲一門取各家註釋合於意者列於本文之下總名之曰少陵句外文山爲之序季輔倡青雲魁星約以周遊士之貧乏文山言讀杜詩曾奉教於北山云

文山集

鄧林新淦人字性之一字楚材號四清社友寶祐四年進士有皇琴曲蕭小山跋云曲詩古如洞庭樂其思幽律如嶰谷箛其和宣絕如喬木嚶其音冶

南宋羣賢集

元

楊晉孫字南叟元初中本省解元弟東叟亦以是年中

新淦縣志

卷八人物志

文苑

四

河南解元當南宋末官兵入淦東叟甫三歲爲軍所掠及赴春試河南同榜者云孫解元本新淦人被掠育孫氏家衆以爲異兄弟乃相識復姓

龔翊字舜咨新淦人幼失父卓然能亢其宗母宋氏早喪翊結廬墓側如孺子慕有一善輒稱父訓奉叔如父叔亡恭順其兄又撫其姪敬宗收族就祖墓構追遠亭提學劉岳中爲序其意承旨程鉅夫書淦龔坊三字表其閭以別其派之出樂邑龔坊也翊好招致賢士爲詩文之會公府辟爲天全招討經歷辭不赴詣京師謁中

朝諸士大夫相與贈答句律清穩有桃源漁唱集營栖  
碧山距家三十里許介新淦樂安之間形勢迴復林麓  
有湫四時不涸築佚老堂名曰慶源以示子孫崇仁吳  
澄爲之記子衢任石城縣教諭堦宋一俊爲時名士

吳

草廬集

張秉中字伯庸新淦人祖德輝倜儻有氣節不隨俗俯  
仰以干名譽負知人之鑒清江劉永之婦翁某與德輝  
善練高早有才譽而永之旣冠未知學翁與德輝異視  
高庸衆人遇永之永之歸慚而就學卒與高齊名秉中

新淦縣志

卷八人物志

文苑

五

幼而機警談笑滑稽屈其坐人藉祖父之遺業持以節  
儉謙冲鄉邑咸稱其賢元季之亂淦人士多避難四出  
事定而歸罕有存者獨秉中尙無恙人或犯之亦澹然  
無較子甯及弟德興嘗侍教焉華髮蒼顏老於桑梓歿  
有渭陽之痛

玉屑集

黃中字通理新淦人先世居豫章之竹山宋淳祐中祖  
愚齋以明經薦辟淦庠司訓遂畱寓淦至正壬午遷居  
於城北慈訓坊中生而穎異尙氣節治春秋學博文強  
記期於明理築樓曰江上清風以接賓客洪武之初中

齒德浸高爲人排難解紛人皆敬之詩人體方有才子  
之目卽中孫也中歿練子甯誌其墓

玉屑集

姜彥思新淦人先世以儒術顯有譯史諱某者尤嗜書  
積書之富侔於秘閣彥思故廬居東山麓之北畱意經  
史百氏悉窺其蘊方元之盛吳楚富庶甲於天下淦號  
得其百二富人之居擬於官府薨銜地接誇竒競侈窮  
極丹腹不可勝數運屈勢衰向之炎炎赫赫者雲散烏  
歿求其敗瓦遺垣無復存者彥思守其先緒益事修葺

稱繼志焉

玉屑集

新淦縣志

卷八人物志

文苑

六

明

練僖字伯尙新淦人

起洪武戊申元年至嘉靖五年丙戌共計一百五十九年凡地名峽

江者其人皆隸新淦

幼穎敏端凝里中張德輝一見器之妻以郭

氏女甥元季領鄉貢進士隱居不仕洪武中召知起居  
注以直言忤旨出爲廣德州同知遷臨汀鎮安濟甯三  
府通判卒王子充云伯尙文溫厚豐麗大江以西能繼  
范德機虞伯生揭曼碩而起者

明詩綜

周所立號盤谷新淦人爲臨江十子之一丁元季之亂  
仕陳友諒爲草上梁文晚應徵聘就臨江府教授初友

諒使其帥定位守臨江風流好士所立與清江劉永之  
俱被禮遇永之詩云刻羽堂中樺燭明將軍夜宴水西  
營青樓小婦新承寵彈得涼州第一聲是也位抗大祖  
師於鄱陽被殺所立感知已哭之以詩詞極淒惋當江  
左逐鹿之日如詹文憲同家黃州仕僞漢爲承旨歸附  
後仍官翰林學士與宋景濂齊名劉三吾爲元之故老  
姑蘇平三吾賦詩曰姑蘇自王亦英雄藩屏東南一旦  
空又曰廉藺同心如結好蜀吳異地豈俱亡皆有感於  
羣雄之失策而猶覬元之未亡耳讀所立陳琳老大頭

新淦縣志

卷八人物志

文苑

七

如雪無復軍前草檄文之句悲其遇矣

山陰集參引明

詩綜

袁復字景陽世居新淦之石莊性穎敏美丰儀弱冠卽  
教授鄉里爲古文以韓歐爲矩矱孝友純篤事母無違  
平居無疾言遽色洪武辛酉應薦入朝命賦槐陰清晝  
援筆成三詩授惠州興甯縣丞地僻民頑爲之興利除  
害民服其教博羅盜起上官委之往捕復諭以改行免  
戮盜皆來歸秩滿入覲賜還民喜過望以疾卒於官

金

鄒幼亨字公輔別號輔星新淦楓谷人元末貢士洪武四年郡守王恪薦爲府教授丁母喪三年服闋謁選宋一俊云絳帳曉衝官舍雨綠衣晴染御爐香所著有輔星集與香埠鄒子甯爲同族兄弟子甯叔可月著有合江草稿幼亨生長亂離安貧習隱一門雍睦修輯宗譜網羅散佚常倩熊崇文所望繪爲山居圖翠壁丹崖蒼松白石景物紛呈不失纖毫迹其樂志煙霞真有商山鹿門之癖

冰壺集

谷宏新淦人洪武初官中書舍人善詩李舒章稱爲錢

新淦縣志

卷八人物志

文苑

八

劉高調宋轅文言其調既不卑景色亦合

明詩綜

周霖字子霖先世爲吉水望族元季兵亂避地新淦之石洞高氏因家焉子霖育於高氏爲童子嶄焉不羣及冠從印山伯綱羅先生授毛詩羅歿復從彥通曹先生任邱應先生學易春秋莘耘歐陽先生授尙書通五經之旨補邑弟子員上官皆刮目待之以無他兄弟慮仕進以重父母離憂之心引退家居抄錄文字動盈篋笥常與金幼孜論河圖洛書洪範諸說反覆論議出人意表後遊嶺廣卒於胥江鄉人具衣冠招魂葬於所居石

洞西山下從高氏瑩也霖歿幼孜歎無與共論斯事之

人 金文靖集

黃榘字體方新淦人洪武中稱十才子後徵至京爲周王府伴讀取古詩數萬篇求其渾然天成之句錄爲一帙而附以己作命曰詩海珊瑚其自製五言如風月雙清夜乾坤萬里秋移舟秋水渡載酒夕陽亭磐石中流坐青山夾岸看七言如野田青處麥千頃楊柳綠邊人幾家山頭一夕風雨過門外雙溪春水生皆有風致可

誦 漁洋詩話

### 新淦縣志

### 卷八人物志

文苑

九

張美和名九韶以字行

隆慶志新淦人明史宋納傳清江人朱楮談云新淦張堯文克

文爲美和六世孫

能辭賦元末累舉不仕洪武三年以薦爲清

江縣學教諭後遷國子助教改翰林院編修致仕歸帝親爲文賜之復與錢宰等並徵修書傳旣成遣還與清江聶鉉崇德貝瓊齊名時稱成均三助所著有理學類編羣書備數元史節要吾樂山房稿 明史

宋義字一俊以字行新淦人父務廣祖達誠十二世祖球宋時官廣東提刑一俊丰儀竒偉天姿穎異經傳子史靡不詳究新喻梁寅清江劉永之同邑張美和周所

立鄒幼亨相知最深洪武辛未秋上以武功之臣欲加寵異舊制循襲弗稱乃命有司重製新誥授之俾其子孫世襲以永承家因遣使郡邑選能書之士以佐焉邑令楊仁舉一俊以應命授官中書與中書蹇義翰林學士劉三吾解縉中書舍人詹孟舉黃原庶吉士黃金華給事中鄧孟璉李原珙爲同官詩文往復聲譽著於輦下尋擢工科給事以風痺辭詔歸田里疾瘳郡守劉翼南以府學教授徵之不起永樂初邑大夫許濬蕭爲矜式以疾復辭怡情林壑構梅溪草堂安晚軒自號冰壺

新淦縣志

卷八人物志

文苑

十

先生所著有冰壺集續稿年躋七十卒於宣德二年一俊少孤賴母教以成立介然有守又善與人交置身館閣覲天子之光幡然勇退京國故人有同時被薦位登三九之列者曾不扳援可謂君子矣一俊妻爲龔舜咨女子溥任瑞州府教授周府伴讀黃榘撰

郭球字以獻宋侍制奉世公後力學守己以明經選高郵訓範士有式講明王文成良知學有士張守貴親死貧不能殮捐俸殯之識賞龔生卑金使婚卒皆聯袂並捷遷諭江都授蘄水八十一卒

干城字維鎮聰穎絕倫妙齡餼於庠孝友端方爲鄉表率就臨川訓導有同官素貪賄督學按部遇匿喪諸不法輒徇蔽城發其奸遂爲所忌坐左遷尙書舒公化贈以文曰方今善官有四飭貌華言植奧主托苞苴耳干先生前裾不曳地擇境而蹈一介不輕取與非王官烏足成干先生哉歸家閉門考古里閨稱之

朱昌新淦人爲諸生清苦刻厲洪武二十五年以秀才薦於京兆除虎賁左衛倉使未幾以誣去職益閉戶讀書彈琴賦詩無世俗好初昌之舉秀才也外姑張戒之

新淦縣志

卷八人物志

文苑

十一

曰汝以好學獲譽於賢士夫今將受知於明天子而授汝以職汝其勉之夫士節莫貴於廉女德莫貴於貞士而不廉猶女之不貞雖有他德莫贖矣昌用其言爲委吏俸入不足張遣諸子歲有饋遺益申前戒克全所守君子謂士之克自樹立而免於愧怍非獨其人之賢必有父母媼戚教戒之力焉孔子曰魯無君子者斯焉取

斯賢哉母也

玉屑集

吳嘉靜通詩書二經洪武末薦授訓導累官刑部員外

郎永樂中與修五經四書性理大全

林志

陳孟浩少貧刻志於學永樂十六年進士長沙儒學教授改蘇州俗尙浮靡約令敦實周文襄公忱禮重之秩滿疏畱加秩仍掌學政引年歸所著有澹庵歸樂集

鄒誨字聖授別字鳳筠新淦楓谷人宣德間進士官渝川教諭有鳳筠詩集誨膺里選之科值好文之世壯遊輦下司鐸渝川足跡所歷三吳齊魯燕趙間皆有題咏存錄較竹莊輔星爲多楓谷幽村頗稱人物勝地云

楓

谷世業序

潘邃字汝穆資性明敏早孤事母以孝聞正統十二年

新淦縣志

卷八人物志

文苑

十二

鄉貢爲教諭嚴慎以師道爲己任誨人先德後藝雖處窮約恥言利祿諸生貧者調之比典文衡尤稱得士晚號梅溪所著有梅溪集

張希字在賢成化十三年鄉貢士授丹徒司訓教嚴而士服識大學士靳貴於諸生中廩育之督學考校誤置下等希力薦乃復明年靳領解咸服其知人遷國子監丞陞惠州府同知卒

皮元字次翁一字良玉新淦侯府人由神童科歷官南恩州知州以朝列大夫贛州同知致仕一號如心按皮

氏家譜元生永樂甲申歿成化乙酉舊志誤以元爲元人

廖俊新淦人宏治戊午鄉舉壬戌進士正德間以工部郎陞運司同知居官清廉貧不能歸寄籍山西見流寓

志著有河東漫興集

山西通志

蕭子鵬字宜冲性孝友爲吳康齋高弟交於白沙東白一峯東海諸公亦與鏡川雲東相酬和宏治元年徵遺逸郡守汝甯載瑤薦於朝三原王恕禮遇甚厚部銓欲授有司懇辭乃除嘉興府學教授所著有天地自然圖

新淦縣志

卷八人物志

文苑

十三

大極圖說雲邱子集其詩文體製不一而本諸性命道德之懿溫厚和平豪邁寓焉雖動輒百言少有離於道者歲晚寫懷詩云披殘霜髻方驚老開到梅花又是春不失爲佳句司鐸時百廢具舉有自警并示士子詩云天下無棄物世間無棄人糞穢可滋禾木朽堪爲薪牛斃製弓革蠶老吐絲綸吾人一自棄無物爲比倫農桑墮其業終歲遭饑貧工商廢其職貨食靡有因士焉失其學安得成厥身朱門產餓殍白屋回陽春萬事毀於逸百藝精於勤人能不自棄可以辭汙淪是不徒於雕

琢縷切爲工矣嘉興項襄毅忠以尙書里居結耆英會  
始於宏治戊午春彙爲一集子鵬序之比於香山洛社  
云

嘉興府志

此編改編儒林

劉成穆字元倩其先世新淦人以大姓商崇慶故明詩  
綜作崇慶人祖勤庵舉宏治壬子鄉試父朝紳以正德  
甲戌正月甲寅夜夢鶴翥於庭而生因曰成穆別名以  
嘉壽元倩七歲能詩文十五究經史百家談元理談兵  
談世務珠貫川絡澹然有山林之意嘉靖辛卯舉於鄉  
試春官不第發憤卒所著有元倩集本多殘缺存者僅

新淦縣志

卷八人物志

文苑

十四

嘉禾賦上張南溟書過漢茂陵城南送友詩載藝文

浣

水續談

黎雲字汝登號西峯新淦縣西官洲人工於詩文有滄  
洲書屋與朱瓚爲莫逆交瓚常讀書其家時相倡和常  
以元夕訪瓚適瓚族張燈湖上夜深酒闌去而復返月  
下見一人拍掌唱歌黎喜甚時已大醉因與聯句云萬  
家簫管沸樓臺想見金吾九禁開清夜何人歌不寐滄  
江有客去還來燈幢掩映尊前動春色分明月下迴輪  
與西峯得三昧酒酣餘興更添盃亦不知其爲誰也

秉

熊勝字昭佐號古峯淦東坊人嘉靖間拔貢授金華東陽訓導署縣印及稅課局事文名卓越吏治廉明後致仕歸屢舉賓筵世居高士嶺

饒天惠字子惠新淦人思聰從兄領嘉靖戊子鄉薦性穎敏五歲能屬文語輒驚座髫年隨姨親宦浙江永康同其子學經傳子史靡不悉誦有巨公壽辰入賀而出或問以稱觴之文爲誰筆內作何語覆之不失一字笑曰聰明人多不老壽天惠曰命之修短豈在明公羣爲

新淦縣志

卷八人物志

文苑

十五

附掌年廿三登賢書故事三年大比當道課士選精通三場者試之臨郡特舉天惠文譽日起守令陳尤器重之適丁祭牲用牝鹿天惠諷當事亟爲改正未幾瘵作親友勸其投刺巨公少霑漑以爲藥餌計天惠言所惡有甚於死者力謝絕之初天惠赴春官試人謂名宜從兄以思字行答曰惟父命名何可更也其生平風尙大率類此天惠死妻王氏守節撫孤善承其志

嘉會堂文抄

饒鳳詔字應宣弟鳳儀字應正少以友愛稱鳳詔尤刻意古學以貢入南雍領嘉靖庚子鄉薦弟鳳儀亦省試

獲雋御史建坊榮之鳳詔性篤孝常授經荆山以資養父歿哀毀成疾卒鳳儀授南漳令有異政改永州學政主宗濂書院從遊者甚衆聘典試廣東改署衡陽請告歸著有詩文及渡湘漫稿

饒質善字允陳思鄒之子萬曆丁酉貢生訓崇義漳州陞龍南諭生平長厚每事焚香告天家居理故垣鄰人越界遂義讓之乃慙謝而退官司某藉手貸金失官去竟代償其負不以語人司教每多愛育如海濱生某以罣誤失入輒請出之龍邑長令督過諸生不以禮解組

新淦縣志

卷八人物志

文苑

十六

請歸有扳轅尸祝諸圖歸休不問官府事鄉人稱爲世德司李楊署縣雅慕其賢率官屬造廬請焉其子逢恩以明經應天啟丁卯貢授廣東新會訓

國朝

李作相字枚臣或稱爲梅情生而秀爽幼卽究心四書大全析疑辨異多所自得與王雲翔敦金石交弱冠補弟子員雍正戊申膺選拔入成均以教諭需次歸里刊落春華以易學者耳目所爲文援筆立就名公達者爭致爲館師武甯二余三盛南昌曹光祿昆季鉛山蔣篁

笈貴溪蔡玉裁咸以文章經濟相切劘所著有易學探微一卷

吳之淮新淦人歲貢生選南昌訓導攝教諭篆值新例嚴科舉學使金德瑛檄錄遺生員先令教官月課以所評之甲乙證司鐸之賢否之淮細心批閱申卷及錄遺案發名次悉如月課學使亟稱賞之崇聖祠圯之淮捐俸薪修葺以老乞休致

南昌名宦志

鄧培槐字樹三淦東東郭人孝廉恩林之次子幼慧能文髫年就試輒冠其曹道光癸卯年十八舉於鄉主司

新淦縣志

卷八人物志

文苑

十七

張文毅公芾器之曰是當傳我衣鉢者申辰會試不售畱京丙午擬作順天鄉試文獻不足二句題文名公鉅卿莫不稱賞自後主試者尤重西江以培槐所擬出入史漢並能羽翼註疏也丁未中進士鄉先達見其工書法策詳贍期以鼎元殿試策有誤筆授內閣中書恪共厥職閣部咸加信任道光庚戌卒於官年二十九時論惜之

讚曰文以載道繼韓歐陽介於廬陵節義同鄉知言養氣安定審詳曾孔周朱斯集用光

新淦縣志卷之八

人物志



列女

柔順利貞坤之德也從一以終婦道之常值其變而  
舍生取義則巾幗烈丈夫矣又或哀舅姑而代供子  
職撫弱息而誓與存亡非操心危慮患深何以致此  
至未嫁守貞行芳志潔紅羊歷劫白刃捐軀乾坤正  
氣所鍾均足揚徽彤管因編列女

晉

新淦縣志

卷八人物志

列女

一

湛氏陶侃母湛氏新淦人鄱陽陶丹妻也世貧賤命侃  
就學母紡績資給之使結交勝己侃少爲潯陽縣吏監  
魚梁以鮓一罌遺母母不啟視遺書責之曰爾爲吏以  
官物遺我爲悅乎是增吾憂也鄱陽孝廉范逵與侃善  
來寓宿時大雪母出所臥薪薦剉以抹其馬又密截髮  
供穀餼逵聞之太息曰非其母不能生此子侃後以忠  
正爲名臣

函史

南唐

陳氏劉式妻自幼賢慧爲父鄩鍾愛初式游學鄩見妻

之式爲郎中卒或勸陳多置產爲長久計陳歎曰丈夫官貧藏書數十卷遺後此墨莊也安事隴畝諸子習字有怠則爲不食由是諸子植立海陵胡瑗敍其事長子蚤卒四子繼登第皆爲郎官孫二十有五人皆雍容豈弟縉紳稱爲郎官家云

宋

張氏杯山寨人年十六母抱病兩月家貧買衣被市藥弗愈乃望北焚香祝天以鋏器右肋取肝如指大以食母母病頓愈女亦無恙人以爲孝感云

新淦縣志

卷八人物志

列女

二

鄒氏母聶氏櫻奇疾且殆女年十四歲泣入臥內以利刀割右股肉作羹以進家人以爲市肉女亦弗言母啜羹愈女乃以帛裹瘡數日私起視家人驚報其母母泣問乃以實對

董妹妹文昌坊董好古女年十四割股救父疾事聞臺部旌獎之

楊氏鄒迪母喜篇籍畧知大旨楊蚤失父事母以孝旣嫁生迪教之不以恩克義迪甫九歲以文顯有司稱爲神童李伯恭志楊墓曰賢淑媿陶母

劉氏名懿文及笄父許婚趙國祥子未嫁夫卒父欲他適女曰曩許趙氏義不可再遂投井死女字懿文鄉人名其里曰懿文鄉

題貞女劉氏卷

并序

元 鄒 說

貞女者淦城劉均尙志之女也許適南昌趙主簿之子世亂道阻故婚禮未成歲癸巳鄉之爲強暴而擅生殺者欲強委禽焉女謀於父母自度不能拒卽投井死文江解先生蒙聞而哀之爲作傳而安城劉君霖復銘墓碣先是其二昆皆從穆監州舉義兵而死

新淦縣志

卷八人物志

列女

三

云

玉甃泓澄百尺深翩翩弱質自浮沉笄纓恐負生前約  
鐵石尤堅地下心碑述孝娥追舊誄傳同烈女繼徽音  
二難義死俱無忝共慰嚴親雪滿簪

劉貞女詩

明 梁 寅

客行金川野路傍見松門亭亭立雙柱聳聳千層雲大  
書字徑尺云是貞女墳下馬問居人居人爲客言里有  
劉氏女旣笄字懿文父兄乃文儒異彼麓豪民女贇在  
房帷旣許趙氏婚秉心若冰玉計功惟織紉一朝風塵

起盜賊遍墟里兩兄從義兵兵敗乃俱死父母哭晨夜  
賴女能慰止時危日月昏民亂波濤靡鷲鳥欺鳳雛聚  
獸乖麟趾所競惟金多所悅惟色美不諒貞女心強取  
悖倫理刻期求必遂父母焉得已女言我此軀寧受強  
暴汙趙氏旣我聘他人非我夫瓦完何足貴璧碎終自  
殊我在世所謂我死親無虞竟投百尺井深泉若安居  
隣里哀莫救究悍聞之吁皇天恨高誼后土憐中孚女  
節士或愧士辱女不如客聞悲且惻歎息重歎息惟天  
生人物人物具天則王雖有定偶孤鴻不改特獨歸燕

新淦縣志

卷八人物志

列女

四

循義耿介雉之德人旣靈於物綱常待扶植况聞多篇  
章備述貞女蹟縣官合表閭太史當採擇名偕竇氏女

永永世千百

石門集

明

陳氏幼納黃體堅聘後體堅謫吏於金陵貽書請娶陳  
父母欲易他女以往陳曰吾命也失信滅德何以爲人  
遂往嫁後體堅以罽誤棄市陳徒步收屍斂瘞之爲位  
奠哭期年家人來迎曰吾志願畢矣乃自書其名氏經  
於柩側大學士曾榮贊曰生以義歸死以節殉

明書

袁氏張元璽妻年十八歸元璽越三歲而寡元璽世業  
儒資薄袁又無所出父母欲奪其志袁匍匐持芻嚙堂  
下曰芻食獸類也茲得無以獸畜兒乎自是衆不復言  
侍養舅姑以天年終日惟紡績自給璽多昆季曰元芳  
妻龍氏曰元鳳妻邊氏俱早失夫聞間言輒叱曰獨不  
媿袁氏乎妯娌三人始終相勵節不變

廖氏羅氏廖爲蕭嘉迪妻年二十三夫死羅爲蕭嘉聞  
妻年二十一夫死二氏以舅姑老遂立誓不改節竭力  
致養年皆八十餘卒成化間廖之孫令明赴朝上其事

新淦縣志

卷八人物志

列女

五

詔建雙節坊以旌其曾孫蕭浩蕭珩蕭克良科名代踵  
人以爲雙節之報翰林劉翔學憲彭綱爲之記士大夫  
多作詩以記其事

蕭氏雙節詩

明 劉 繪

蕭家兩新婦孀居各妙年此身矢不改願比金石堅姑  
云新婦來是妾夙昔緣大兒旣不幸小兒尋亦隕門單  
難留爾乘此顏色妍兩婦拜且泣心中大不然良人雖  
云沒終當見重泉豈不奉姑命人生無二天姑聞語哽  
咽撫慰良足憐我豈奪爾志我老疾病纏旦夕且不保

新婦恃何全姑死婦亦老鄉稱阿母賢縣官初視事風俗由爾先走吏告天子旌書下南阡至今淦江上白日

高名懸

嵩陽春詠

袁氏名柔貞蕭維學妻奉姑孝一日姑爲虎嚙哀奔而前左手執姑臂右手擊虎吻虎不能害全姑以歸虎隨後後婦不覺被虎嚙鄉里悲之天順間知縣李周以事聞詔旌之

曾氏聶氏新淦人姑婦皆二十而寡曾適中洲胡厚德厚德之子懋功俱早逝姑婦砥礪貞操時以雙節稱之

新淦縣志

卷八人物志

列女

六

聶氏之子進用教養成立人品學術爲時所推每念及二母潛然淚下副使周謨爲賦雙節詩

胡氏雙節

併引

明周謨

中洲胡進用余忘年友祖厚德考懋功俱蚤逝祖母曾母聶皆年二十而寡姑婦砥礪堅貞粹如時以雙節稱之且善理家政誨諸孤以成立進用每念及二母輒潛然淚下爲賦雙節詩一以備觀風使之采錄一以慰進用之哀衷云爾

淳風益已散古道多蓁蕪一門見雙節况是婦與姑姑

以死自誓堅貞恒自如婦節良亦苦皎潔秋月孤世情  
轉衰薄萬事堪長吁女中獨何幸得此雙瓊琚吾將白  
大史特筆爲爾書書以告天子終當表其閭 東臯集  
彭氏年十七歸李厚載年二十夫亡父母欲奪其志彭  
仰天誓曰我聞婦人當從一而終若復他適曾犬彘之  
不若遂以針刺一日惟紡績教子宏治間縣尹盧公淵  
表其事

孫氏周廉佐妻子六月廉佐卒孫年二十二父母欲  
嫁之輒大慟曰夫死改節禽獸之行不從孀居六十餘

新淦縣志

卷八人物志

列女

七

年卒

嚴氏盧秩妻秩巡按直隸時保定千戶朱剛無辜毆殺  
三人事露以白金百兩黃金二十兩僞爲秩書與弟送  
秩家求活嚴得書覺僞令子懷誠執送法司坐以律以  
是秩名位益顯侍郎王偉爲撰贊婦郤金傳

陳氏郭佩璋妻年十九璋亡子懷海生未一歲親族勸  
改嫁陳以翁姑年老無子號哭誓不貳紡績撫孤終養  
至老宏治間旌表其門

陳氏名德正邑庠生唐戍妻色美正德壬申邑被寇陳

扶姑出避姑病亟賊追及之抱姑泣訴曰賊必不相貸我義不受辱但不能終侍姑疾爲恨耳言未已賊至見陳欲犯之陳厲聲罵曰賊奴我儒家子豈汝從者抱二子女投水死小姑及女奴二人相繼溺死

盧氏袁達璋妻璋死盧年十九父母哀其少欲令改適盧斷髮指水爲誓紡績自給年八十卒

朱氏瓊貞許聘盧修己將歸而修己死朱臨哭之哀就服事姑三十始卒朱竟以貞終

曾氏朱德立妻年二十一德立死子廷侃在襁褓曾事

新淦縣志

卷八人物志

列女

八

舅姑撫子誓無他志年八十而卒

孫氏邑庠生饒思明妻思明病革謂孫氏曰年少無子盍他適孫痛哭卽飲藥自殺不果死竟縊於室時有聲烈烈屋瓦震撼越七日思明亦死事聞詔旌其閭曰貞烈

吳氏邑庠鄒輿妻峽江人吳敷仁女年十九輿卒遺孤瑛甫一月礪操守節惟孝養舅姑攻機杼爲撫孤計及姑歿營辦喪葬鞠夫幼弟尤加恩勤年七十事聞當道屢獎之

鄧氏曾景昭妻嘉靖間曾氏晝被盜鄧牽姑與子出走盜得之盡出首飾脫姑子盜仍繫鄧頸迫之行至牛尾洲欲污之鄧伏地求死且罵盜怒引刃斷其頸死後人見死所常有黑氣如車輪事聞旌表歐陽文莊公銘其墓

陳氏年十九將歸會流寇劫掠鄉村突入其家陳被執迫上馬不從投水死賊怒斷其首

魯氏吳皆蓋妻幼通詩書常勉皆蓋力學蓋發憤披誦不頃刻置病卒魯時年二十一遺一女蓋作詩囑魯有

新淦縣志

卷八人物志

列女

九

蛾眉不許他人畫鸞鏡休同舊日妝之句魯囊詩佩之哀痛不食朝夕紡績以佐奉養翁卒魯擇壻識朱瓚後魁賢書生孟震官都御史兩臺上其事詔優賞立坊旌表之年八十卒

易氏盧大化妻喻邑乾昭女十八歸盧夫卒京邸易年甫二十歸櫬卜葬告其姑曰願治雙槨以示無貳居常惟痛夫無後奉祀立姪輯瑞鞠育婚教不啻己出輯瑞亦卓卓自立克慰母志舉三子以永其傳歷壽七十一卒戒輯瑞從初雙槨之請勿更葬云

曾氏名緣潔盧采妻歸二年采病卒父母哀其少欲令改適曾惟以死誓自是瘁守茹貧日課女婢紡織以供  
饘粥年七十四終

黎氏名蘭蕙王有爵妻少授烈女傳見死事者輒斥曰  
婦值不幸有死無二何以書爲事繼姑甚謹治家嚴而  
有法流寇猖獗隨母遠避遇賊執欲污之投福塘水死  
當道聞之揭其閭曰貞烈清江令廖文光爲之傳有玉  
沉蘭菱曾悲瀦水之驚魂霜白月華允作頽風之義氣  
云云

新淦縣志

卷八人物志

列女

十

王氏舉人饒天惠妻通內則孝經列女傳及歸饒惠爲  
諸生貧而力學王自績給朝夕天惠登賢書未幾病瘵  
弗起忽隣寇縱火延寢舍王扶泣願與俱焚後得脫惠  
旋卒王氏堅欲殉之舅姑泣諭以撫孤存祀乃飲血自  
矢課孤成立年九十而卒萬厯間御史趙士登聞於朝  
特旌之詔曰幽閨女儀盛世人瑞云  
曾氏陳善妻善早卒曾奉其姑姑江氏家貧紡績致養  
勤苦孝敬如一撫弱孤而相成之亦卒又撫其孫守約  
以明經起家垂教於浙之嘉興虔之贛陽

鄭氏邑鄭仕女配喻易天暘幼通女孝經輒戒曰人道  
綱維備是矣比歸易事舅姑惟謹天暘精醫學挈家維  
揚子之興甫三歲暘卒鄭年十七禮殮畢卽自經隣嫗  
覺而救之曰若死其如遺孤何扶襯南歸勤紡績爲活  
其子長令師事吉水鄒南臯遂深理學以明經入貢年  
七十八卒崇禎間詔旌其門

郭氏邑庠黃仁壽妻年十二失怙黃迎之豫章僑寓庶  
姑王氏病卒殯殮痛哭如子職及壽病革生子甫四月  
壽謂之曰母老孤藐皆若責也郭因破一鏡生死各藏

新淦縣志

卷八人物志

列女

十一

其半會鄰火勢延旅櫬郭號呼卒反風滅火人咸異之  
居常以半鏡自隨事姑課子天佑後官江南斷事御史  
王萬象上其事崇正間詔旌憲副張茂頤爲之記

鄧氏陳廷爨妻事舅姑以孝聞生子志謙尙幼而爨卒  
鄧年二十六貧弗克葬殯於室側會隣火鄧痛哭就棺  
誓與俱焚火頓熄紡織貿錢卜葬屬志謙勵行淬學爲  
邑諸生口授孫國釗經書崇禎壬午登賢書躋壽九十  
督學王公顏其門曰節慈上壽

滕氏建德人年二十歸謝禹鼎鼎卒遺二幼孤或勸改

適滕曰婦事人有死無二今不幸柩與孤未亡人之責也扶柩挈二子階式歸翼之成階登進士事詳純節錄中丞徐問爲之傳

吳氏廖伯鐸妻崇禎十六年流寇震隣客兵淫劫鄉村執吳欲逼污之吳罵曰寧死無辱竟斃於刃

劉氏城北吳聞誨之妻納溪縣佐劉璽之女二十三歲夫亡七十六歲終

段氏東郭鄧希文之妻段哲之女二十三歲夫亡四十三歲終

新淦縣志

卷八人物志

列女

十二

國朝

鄒氏東郭生員鄧俊之妻生員鄒德麟之女二十八歲夫亡五十七歲終與姑黃氏子媳黃氏爲一門三節

黃氏東郭生員鄧樞之妻郡庠黃道清之女二十八歲夫亡六十八歲終與祖姑黃氏姑鄒氏爲一門三節

楊氏五都李元沆之妻楊 之女二十歲夫亡四十三歲終與媳楊氏一門雙節 旌

烈婦鄒氏午溪增生蕭鼎漢妻鄒振揚之女順治丁亥遇賊不辱死 旌

曾氏梅溪周綿祖之妻曾如松之女二十一歲夫亡五十二歲終 旌

以上順治年

張氏聶士璜之妻年二十四夫亡無孤可存弱媳是鞠零丁之苦莫此爲甚而竟矢志柏舟始終弗懈孀居四十載康熙三十六年 旌

孫氏生員聶士琮妻年二十八士琮捐館氏事舅姑撫訓二子長僅三歲次則周齡辛苦操持四十二載康熙四十一年 旌

新淦縣志

卷八人物志

列女

十三

黃氏田東劉子洵妻淦城廩生黃天寵之女子洵早逝順治戊子土賊焚掠家產蕩然丁亥大荒斗米千錢翁姑缺養稚子斃子黃忍死支撐誓無他志以論語孝經口授諸子指示字畫筆法丙夜不休長子振藻郡增生孫銓郡庠生銑邑廩生戊子中式舉人氏於康熙辛酉年七十七終孫曾四十八人時以爲節孝之報云 旌

郭氏城內劉宗琨之妻郭萬麟之女二十八歲夫亡六十四歲終 旌

楊氏城內敖士麒之妻楊

之女二十七歲夫亡三

十六歲終 旌

黃氏洋湖劉朝錫之妻黃御盛之女二十三歲夫亡五十一歲終 旌

饒氏赤岡堂習裔壽之妻饒應國之女二十一歲夫亡六十七歲終 旌

干氏三都監生王三竝之妻邑庠干之英之女二十九歲夫亡八十五歲終 旌

鄒氏灌坑張迪鉞之妻鄒天保之女二十五歲夫亡七十八歲終 旌

新淦縣志

卷八人物志

列女

十四

楊氏大塘陳兆亨之妻楊汝四之女二十歲夫亡七十歲終 旌

鄧氏凰山謝裔琪之妻鄧拱辰之女二十九歲夫亡八十歲終 旌

張氏凰山謝懷標之妻張惠臨之女二十六歲夫亡八十三歲終 旌

楊氏五都李作梓之妻楊 之女二十八歲夫亡七十五歲終與姑楊氏一門雙節 旌

鄧氏凰山謝懷菊之妻鄧錫福之女二十六歲夫亡六

十六歲終與媳廖氏一門雙節 旌

陳氏凰山謝懷蘭之妻陳立德之女二十五歲夫亡五十八歲終 旌

張氏五都李之蕃之妻郡庠張揚廷之女二十八歲夫亡七十歲終 旌

鄒氏城上監生曾成義之妻鄒郁珍之女二十五歲夫亡六十七歲終 旌

洪氏金堆鄧膺福之妻洪啟泰之女二十三歲夫亡七十三歲終 旌

新淦縣志

卷八人物志

列女

十五

郭氏金堆鄧永壽之妻郭秉儀之女二十九歲夫亡六十六歲終 旌

劉氏楓湖聶羽翹之妻劉士基之女二十五歲夫亡八十七歲終 旌

曾氏六都周冠旃之妻曾家爵之女二十四歲夫亡七十九歲終 旌

李氏龍窩劉漢臣之妻李慶生之女二十八歲夫亡八十歲終 旌

傅氏六都吳德彩之妻傅作人之女二十六歲夫亡七

十二歲終 旌

朱氏六都周詞臣之妻朱之仁之女十八歲夫亡七十  
六歲終 旌

劉氏中塘池習典之妻劉應泰之女二十三歲夫亡八  
十六歲終 旌

黃氏梅溪周家棗之妻貢生黃嗣京之女二十一歲夫  
亡五十三歲終 旌

周氏湖里黃濬池之妻周 之女二十六歲夫亡六  
十六歲終 旌

新淦縣志

卷八人物志

列女

十六

楊氏□下陳元璋之妻楊德選之女二十八歲夫亡七  
十五歲終 旌

陳氏長簿監生袁琇之妻陳軍仁之女二十二歲夫亡  
八十歲終 旌

宋氏城內謝昌平之妻宋宗聖之女二十九歲夫亡六  
十三歲終與媳李氏一門雙節 旌

鄧氏廩生孫昌前之妻鄧繡之女三十歲夫亡六十二  
歲終與姪媳劉氏陳氏一門三節 旌

李氏東郭鄧靜甫之妻邑庠李廷驥之女二十九歲夫

亡六十一歲終 旌

以上康熙年

黃氏孫允升妻歲貢黃爬生女夫病草諄諄以孝舅姑  
訓子孫爲囑氏泣承夫命不負遺言操作躬勤俯仰資  
其事育且督課有方長子昭前四子昌前五子超前俱  
入泮壽八十一無疾而終雍正十二年 旌

曾氏城內謝廷英之妻邑庠曾志春之女二十九歲夫  
亡六十二歲終 旌

高氏鄧廷璉之妻高文成之女二十八歲夫亡八十歲

新淦縣志

卷八人物志

列女

十七

終 旌

鄒氏陳躍池之妻鄒仲生之女二十六歲夫亡七十歲  
終 旌

劉氏陳履遠之妻劉泮興之女二十九歲夫亡八十三  
歲終與媳蕭氏一門雙節 旌

董氏東湖陳珍之妻邑庠董續舒之女二十二歲夫亡  
七十歲終 旌

鄒氏南溪姚超琚之妻峽邑鄒永福之女二十五歲夫  
亡八十二歲終 旌

聶氏南山鄧秉惕之妻聶誦三之女二十八歲夫亡七十一歲終 旌

姚氏孔城楊士元之妻姚瑁一之女十九歲夫亡七十一歲終與娣沈氏一門雙節 旌

祝氏溧湖監生鄧軒南之妻祝國器之女二十九歲夫亡八十一歲終 旌

曾氏院前朱延壽之妻曾文龍之女二十四歲夫亡七十八歲終 旌

劉氏樟溪陳源之妻劉璟之女二十八歲夫亡八十一

新淦縣志

卷八人物志

列女

十八

歲終 旌

王氏橋頭楊必登之妻王景仁之女二十四歲夫亡八十三歲終 旌

林氏樓前鄧韶典之妻林君祥之女二十八歲夫亡七十六歲終 旌

謝氏三都習克念之妻謝進達之女二十九歲夫亡六十八歲終 旌

鄧氏錦潭聶守謀之妻職員鄧際飛之女二十八歲夫亡七十二歲終 旌

彭氏厚村監生董思義之妻彭夫十之女二十二歲夫  
亡七十一歲終 旌

楊氏五都周濟川之妻楊遜剛之女二十二歲夫亡九  
十一歲終 旌

干氏凰山謝特用之妻增生干其德之女二十六歲夫  
亡七十五歲終 旌

陳氏凰山謝順美之妻陳報五之女二十八歲夫亡六  
十七歲終 旌

湯氏城頭龔之湛之妻湯上義之女二十五歲夫亡六

新淦縣志

卷八人物志

列女

十九

十一歲終 旌

劉氏凰山謝勳烈之妻邑庠劉應德之女二十歲夫亡  
五十五歲終 旌

劉氏五都謝志齋之妻劉除石之女二十歲夫亡五十  
五歲終 旌

楊氏楓湖聶景源之妻楊順欽之女二十九歲夫亡六  
十七歲終 旌

蕭氏厚溪楊天明之妻蕭漢高之女二十三歲夫亡八  
十三歲終 旌

胡氏武湖周廷櫓之妻胡漢申之女二十二歲夫亡七十四歲終 旌

王氏六都劉朝進之妻王士簡之女二十九歲夫亡五十八歲終 旌

曾氏住城廖洪元之妻飲賓曾士元之女二十九歲夫亡五十三歲終 旌

陳氏七都江朝佐之妻陳光耀之女二十二歲夫亡七十三歲終 旌

以上雍正年

新淦縣志

卷八人物志

列女

二十

龔氏長簿廩生廖文汴妻永泰孝廉貴州節推龔善選女通文善書夫沒絕粒不欲生以腹有遺娠奉姑命以延宗祀越四月舉子彬孀幃畫荻課讀成名孫曾書香不絕年七十六終乾隆二年 旌

鄧氏孫廷瑜妻年二十四夫沒守志始同令女之慘繼羅伯道之殤歷守五十八載乾隆九年 旌

黃氏儒童羅偉妻年二十三歲夫亡嚙指爲誓守志不渝慈惠居心義方爲教家無擔石紡績營生守歷五十年乾隆十三年 旌

陳氏儒童傅如巍妻二十三歲夫亡撫孤守制閱歷辛  
勤事上以禮恤下以恩孀居四十九年始終如一乾隆  
十六年 旌

董氏王師妻二十八歲夫亡堅持苦節永矢清操愛而  
能勞婦而兼子歷守五十二年壽躋八十乾隆十七年  
題 旌

王氏監生歐陽晟之妻王 之女晟卒守節撫孤教  
子成立富而好義乾隆二十九年邑修凝秀書院氏助  
銀八百兩事載凝秀書院志 旌

新淦縣志

卷八人物志

列女

廿一

蕭氏陳臨川之妻蕭廣玉之女三十歲夫亡與姑劉氏  
一門雙節 旌

劉氏孫嗣華之妻邑庠劉宗邠之女二十四歲夫亡六  
十八歲終與伯姑鄧氏孀陳氏一門三節 旌

陳氏孫爲駿之妻邑庠陳學山之女二十七歲夫亡六  
十七歲終與伯姑陳氏姆劉氏一門三節 旌

鄭氏敖玠之妻鄭國隆之女二十九歲夫亡氏苦志守  
節 旌

鄧氏南一唐斯錫之妻鄧名顯之女二十七歲夫亡氏

矢志完節 旌

孫氏南一唐繼盛之妻孫俊茂之女二十三歲夫亡氏  
矢志完節 旌

周氏小東門鄧勳皇之妻監生周家榮之女二十四歲  
夫亡氏矢志完節 旌

龔氏小東門鄧贊皇之妻監生龔元人之女二十五歲  
夫亡七十六歲終 旌

彭氏邑庠謝名烜之妻職員彭音遠之女二十七歲夫  
亡氏矢志完節 旌

新淦縣志

卷八人物志

列女

廿二

羅氏李昌祖之妻羅三益之女二十六歲夫亡氏矢志  
完節 旌

蕭氏東一胡世庠之妻蕭騰蛟之女十九歲夫亡氏矢  
志完節 旌

黃氏東門王性理之妻邑庠黃華之女二十一歲夫亡  
氏矢志完節 旌

鄒氏東門玉性照之妻監生鄧士珩之女二十五歲夫  
亡氏矢志完節 旌

王氏龔德饒之妻王懷相之女二十九歲夫亡八十五

歲終 旌

彭氏邑舉人文大謨之妻彭松雲之女二十六歲夫亡六十二歲終 旌

龍氏廖其莘之妻監生龍紹祖之女二十一歲夫亡五十三歲終 旌

胡氏廖振翔之妻胡躍龍之女二十六歲夫亡八十一歲終 旌

黃氏廖崑之妻貢生黃侗之女二十歲夫亡六十六歲終 旌

新淦縣志

卷八人物志

列女

廿三

孫氏廖振綱之妻貢生孫宏道之孫女二十五歲夫亡氏矢志完節 旌

廖氏陳在中妻年甫廿四鸞鏡遂分堅志守節孝事翁姑教子成名臨陽公呈 旌表學憲沈賜匾操比柏舟郡侯胡賜匾陶母遺徽壽屆六旬邑翰林王泰牲祝以錦帳八十一歲終 旌

劉氏陳鳴岐妻劉世烈之女歸鳴岐六十餘日夫亡劉痛不欲生以腹有遺孕苟延一線彌月誕子宵織晨爨奉姑育子備歷艱辛數十年冰霜高潔邑人皆以苦節

稱之六十九歲終 旌

羅氏李學仁之妻羅邦言之女二十九歲夫亡六十五歲終 旌

曾氏謝廷英之妻邑庠曾志春之女二十九歲夫亡六十三歲終 旌

劉氏饒詠松之妻劉雲昌之女二十七歲夫亡氏矢志完節 旌

劉氏敖樹勳之妻劉繡裳之女二十七歲夫亡氏矢志完節 旌

新淦縣志

卷八人物志

列女

廿四

胡氏曾美珪之妻邑庠胡峯之女二十二歲夫亡七十歲終 旌

歐陽氏鄧紹輝之妻歐陽宏茂之女二十四歲夫亡八十一歲終 旌

歐陽氏鄧殿華之妻歐陽遇簡之女二十九歲夫亡氏矢志完節 旌

羅氏城東謝名焯之妻羅維烈之女二十八歲夫亡五十一歲終 旌

陳氏城北監生段夢岐之妻監生陳相治之女二十二

歲夫亡六十三歲終 旌

李氏謝源之妻李福元之女二十六歲夫亡與姑宋氏  
一門雙節督學王公鼎獎額苦節完貞 旌

劉氏一都文昌齡之妻劉昌嗣之女二十二歲夫亡八  
十四歲終 旌

聶氏東湖陳茂修之妻聶宗舜之女二十五歲夫亡七  
十八歲終 旌

孫氏東湖陳賓器之妻孫貞慊之女二十七歲夫亡六  
十六歲終 旌

新淦縣志

卷八人物志

列女

廿五

鄭氏店上李名登之妻鄭茂祥之女二十四歲夫亡氏  
矢志完節 旌

李氏社里劉宗瑛之妻李忠顯之女二十五歲夫亡六  
十七歲終 旌

艾氏孫坊孫岐之妻艾迪之女二十一歲夫亡氏矢志  
完節 旌

黃氏痕頭何有章之妻黃端佩之女十九歲夫亡七十  
四歲終 旌

陳氏東湖蕭盛松之妻陳齊二之女二十三歲夫亡六

十七歲終 旌

李氏東湖陳占元之妻邑庠李觀海之女二十六歲夫  
亡六十一歲終 旌

饒氏三壘唐觀淮之妾饒顯生之女十八歲夫亡現年  
七十八歲終 旌

孫氏一都鄧煦耀之妻貢生孫萬鐘之女十八歲夫亡  
氏矢志完節 旌

曾氏南溪姚超珍之妻峽邑曾起吉之女二十四歲夫  
亡七十一歲終 旌

新淦縣志

卷八人物志

列女

廿六

習氏一都鄒鴻飛之妻習文湖之女二十八歲夫亡七  
十四歲終 旌

周氏一都劉榮輔之妻清邑周子盛之女二十四歲夫  
亡氏矢志完節 旌

曾氏南溪姚慕明之妻曾守祥之女二十一歲夫亡氏  
矢志完節 旌

陳氏三壘唐儀令之妻飲賓陳守業之女二十四歲夫  
亡五十歲終 旌

朱氏南溪姚超瓊之妻朱本瑞之女二十一歲夫亡七

十六歲終 旌

姚氏一都鄒儀廷之妻邑庠姚慕元之女二十六歲夫  
亡五十一歲終 旌

劉氏東湖陳燦宗之妻劉煜茂之女二十六歲夫亡七  
十一歲終 旌

唐氏一都魏仕詵之妻唐同章之女二十七歲夫亡七  
十三歲終 旌

鄒氏陂頭劉大昭之妻庠生鄒賓璜之女二十三歲夫  
亡矢志完節 旌

新淦縣志

卷八人物志

列女

廿七

孫氏廟前楊文典之妻孫 之女十八歲夫亡六十

五歲終 旌

習氏南溪姚如駒之妻峽邑習東七之女二十三歲夫  
亡七十四歲終 旌

鄒氏南溪姚慕逵之妻鄒人傑之女二十二歲夫亡七  
十一歲終 旌

習氏鄒孔安之妻習嘗四之女二十四歲夫亡七十三  
歲終 旌

姚氏東湖衛千總陳咏文之妻監生姚昭伯之女二十

八歲夫亡六十三歲終 旌

張氏江背孫盛坑之妻張堯文之女二十九歲夫亡氏  
矢志完節 旌

黃氏三墾唐儀烈之妻監生黃建才之女二十歲夫亡  
氏矢志完節 旌

鄧氏邑庠鄒邦璜之妾鄧光斗之女二十二歲夫亡氏  
矢志完節 旌

劉氏雷世慶之妻劉柏美之女二十八歲夫亡七十三  
歲終 旌

新淦縣志

卷八人物志

列女

廿八

蕭氏車灣帥鬢之妻蕭聲振之女二十歲夫亡氏矢志  
完節 旌

蕭氏南溪姚慕詳之妻峽邑蕭起鯤之女二十六歲夫  
亡氏矢志完節 旌

陳氏孫坊孫繼暄之妻郡庠陳拱星之女兄二十五歲  
夫亡氏矢志完節 旌

姚氏一都劉振衢之妻姚慕盛之女二十一歲夫亡氏  
矢志完節 旌

劉氏三墾唐儀焯之妻劉宜周之女二十七歲夫亡氏

矢志完節 旌

傅氏三墾唐享祺之妾傅茂興之女二十九歲夫亡六十六歲終 旌

陳氏三墾唐雲嵩之妻原任山東濮州千總陳咏武之女二十六歲夫亡五十八歲終 旌

段氏孫坊孫大志之妻段績之女二十七歲夫亡氏矢志完節 旌

楊氏路口蔡睿賓之妻楊輝文之女二十四歲夫亡氏矢志完節 旌

新淦縣志

卷八人物志

列女

廿九

廖氏車灣帥長春之妻峽邑飲賓廖興祥之女二十六歲夫亡氏矢志完節 旌

孫氏一都姚振猷之妻孫作楫之女二十六歲夫亡氏矢志完節 旌

蕭氏一都鄒光和之妻蕭厚誠之女二十七歲夫亡氏矢志完節 旌

敖氏一都傅時豐之妻敖維周之女二十九歲夫亡守節十八年終 旌

黃氏鄧遜達之妻監生黃奠鐘之女十八歲夫亡越十

二年以子亡觸石死 旌

唐氏蔡雲霆之妻唐守素之女二十四歲夫亡五十七  
歲終 旌

鄒氏陂頭劉光祖之妻鄒歌六之女二十九歲夫亡氏  
矢志完節 旌

沈氏孔城楊繼宗之妻沈漸一之女十八歲夫亡八十  
歲終與姒姚氏一門雙節 旌

鄧氏石巷儒童鄒金鐸之妻監生鄧裔元之女二十九  
歲夫亡七十五歲終 旌

新淦縣志

卷八人物志

列女

三十

姚氏石溪鄒尙忠之妻監生姚樹玉之女二十六歲夫  
亡七十三歲終 旌

姚氏曉坑宋士剛之妻監生姚樹幟之女二十八歲夫  
亡五十歲終 旌

李氏寒水沈岱之妻李 之女二十七歲夫亡八十  
三歲終 旌

鄧氏下團邑庠鄒揚典之妻鄧熊之女二十歲夫亡五  
十九歲終 旌

廖氏禮門李象鴻之妻郡庠廖振翰之女二十四歲夫

亡六十五歲終 旌

姚氏禮門李熙之妻姚集音之女二十八歲夫亡六十  
六歲終 旌

蕭氏潤陂曾朝賓之妻蕭安三之女二十五歲夫亡五  
十四歲終 旌

蔡氏洋團姚尙齡之妻蔡功烈之女二十五歲夫亡六  
十歲終 旌

朱氏湖邊邑庠鄒燿之妻朱學謙之女二十七歲夫亡  
氏矢志完節 旌

新淦縣志

卷八人物志

列女

三一

鄒氏洋團姚質莊之妻鄒名聲之女二十三歲夫亡氏  
矢志完節 旌

祝氏寨下聶近弼之妻祝春臨之女二十一歲夫亡氏  
矢志完節 旌

李氏石溪鄒牲之妻邑庠李鴻圖之女二十二歲夫亡  
氏矢志完節 旌

聶氏璜陂宋家達妻飲賓聶邦挺之女二十八歲夫亡  
氏矢志完節 旌

鄒氏大塘邑廩陳日莘之妻鄒慶雲之女二十六歲夫

亡氏矢志完節 旌

唐氏午溪蕭懷玉之妻唐登九之女十九歲夫亡氏矢志完節 旌

傅氏洋團姚質優之妻傅伯檉之女十八歲夫亡現年六十一督學王公鼎獎額苦節完貞 旌

曾氏南館龔思顏之妻曾廣修之女二十六歲夫亡氏矢志完節 旌

曾氏中洲鄒德美之妻曾之迎之女二十七歲夫亡氏矢志完節 旌

新淦縣志

卷八人物志

列女

三二

唐氏中嶺何定榮之妻唐旭瑞之女二十六歲夫亡氏矢志完節 旌

唐氏洋團姚士蕙之妻唐爾貴之女二十六歲夫亡六十三歲終 旌

朱氏寒水沈經之妻朱步堂之女二十五歲夫亡四十五歲終 旌

聶氏湖邊鄒方岳之妻聶守古之女二十七歲夫亡氏矢志完節 旌

張氏三都黃昌仁之妻張孟五之女二十八歲夫亡七

十四歲終 旌

謝氏水口楊熙之妻生員謝學淵之女二十八歲夫亡四十七歲終 旌

孫氏大車裏王繩猷之妻孫英杰之女二十九歲夫亡七十四歲終 旌

劉氏大湖胡兆正之妻劉敬襄之女二十九歲夫亡六十三歲終 旌

蔣氏灌坑張啟韓之妻蔣煥五之女二十五歲夫亡七十三歲終 旌

新淦縣志

卷八人物志

列女

三三

王氏三都黃濟世之妻王士伋之女二十八歲夫亡七十二歲終 旌

陳氏澹湘聶文開之妻邑廩陳宗璧之女二十七歲夫亡五十七歲終 旌

李氏三都張安業之妻李同茂之女二十七歲夫亡五十七歲終 旌

張氏三都陳侃之妻張時恆之女二十四歲夫亡七十九歲終 旌

敖氏三都陳克祖之妻敖啟三之女二十八歲夫亡八

十三歲終 旌

張氏三都黃永環之妻張希瑞之女二十五歲夫亡四十五歲終 旌

劉氏三都聶昌瑜之妻監生劉鍾岐之女二十九歲夫亡三十六歲終 旌

彭氏三都楊作堂之妻彭邦彥之女二十四歲夫亡五十二歲終 旌

鄒氏水口楊芳地之妻鄒蘭之女十九歲夫亡三十五歲終 旌

新淦縣志

卷八人物志

列女

三四

黃氏大路裴德浪之妻黃蘭若之女二十四歲夫亡氏矢志完節 旌

龔氏大路裴德郁之妻龔敬宗之女二十一歲夫亡氏矢志完節 旌

聶氏歷頭李鴻度之妻聶守淵之女二十九歲夫亡氏矢志完節 旌

錢氏竹城州同黃永麟之妾錢進三之女二十四歲夫亡氏矢志完節 旌

彭氏樟溪陳漸潮之妻彭 之女二十二歲夫亡氏

矢志完節 旌

楊氏樟溪陳慎修之妻楊邦烈之女二十五歲夫亡氏

矢志完節 旌

謝氏大車裏王溶之妻謝國保之女二十二歲夫亡氏

矢志完節 旌

李氏桃灣裏易志寶之妻李子達之女二十四歲夫亡

氏矢志完節 旌

龔氏歷頭李克家之妻 恩賜九品龔仁之女二十

二歲夫亡氏矢志完節 旌

新淦縣志

卷八人物志

列女

三五

孫氏水南鄒鵬搏之妻孫匡明之女二十三歲夫亡氏

矢志完節 旌

李氏三都劉自輔之妻李時義之女二十九歲夫亡氏

矢志完節 旌

何氏三都魏萼桃之妻何顯焯之女二十七歲夫亡氏

矢志完節 旌

張氏大車裏王思禮之妻貢生張煦之女二十七歲夫

亡氏矢志完節 旌

周氏大車裏王思時之妻監生周廷樞之女二十八歲

夫亡氏矢志完節 旌

楊氏高嶺曾士泳之妻楊羽伯之女二十四歲夫亡氏  
矢志完節 旌

劉氏三都魏履義之妻劉羹梅之女二十七歲夫亡氏  
矢志完節 旌

曾氏三都郭啟鸞之妻曾獻典之女二十八歲夫亡氏  
矢志完節 旌

陳氏樓前鄧寬之妻陳 之女二十六歲夫亡氏矢  
志完節 旌

新淦縣志

卷八人物志

列女

三六

廖氏田南楊志德之妻廖思瑞之女二十二歲夫亡氏  
矢志完節 旌

蕭氏三都張鍾之妻蕭 之女二十三歲夫亡七十  
一歲終 旌

徐氏沙坑鄧溯源之妻職員徐秉鑑之女二十七歲夫  
亡五十七歲終 旌

鄒氏城上鄧爲霖之妻生員鄒鐘之女二十六歲夫亡  
氏矢志完節 旌

王氏盧嶺劉汝欽之妻貢生王雲錦之女二十九歲夫

亡氏矢志完節 旌

陳氏蘆嶺楊敬昭之妻陳國平之女二十歲夫亡七十  
七歲終 旌

祝氏蘆嶺彭元善之妻祝作聖之女二十一歲夫亡氏  
矢志完節 旌

邱氏大坑李沸之妻邱諧九之女二十六歲夫亡氏矢  
志完節 旌

楊氏窻前黃在茲之妻楊業橫之女二十三歲夫亡氏  
矢志完節 旌

新淦縣志

卷八人物志

列女

三七

陳氏大坑李如康之妻陳上怡之女二十五歲夫亡五  
十二歲終 旌

徐氏李飛蟠之妻增生徐學彰之女十八歲夫亡八十  
歲終 旌

鄒氏窩裏鄧大原之妻監生鄒炳耀之女二十八歲夫  
亡七十三歲終 旌

鄒氏東郭鄧衍上之妻鄒郁珍之女二十八歲夫亡五  
十一歲終 旌

胡氏東郭陳日富之妻胡上桂之女二十九歲夫亡六

十四歲終 旌

羅氏坪上劉琨之妻羅永壽之女二十八歲夫亡六十  
九歲終 旌

洪氏鄧榮纘之妻洪巨川之女三十歲夫亡六十七歲  
終 旌

劉氏劔前徐軫九之妻劉 之女二十七歲夫亡氏  
矢志完節 旌

孫氏竹溪鄒霆之妻生員孫式覺之女二十三歲夫亡  
七十歲終與孫媳朱氏一門雙節 旌

新淦縣志

卷八人物志

列女

三八

朱氏竹溪鄒清渭之妻朱軒十之女三十歲夫亡現年  
六十一與祖姑孫一門雙節 旌

鄒氏棠木徐承絢之妻鄒珂言之女二十一歲夫亡六  
十二歲終與嬸洪氏媳鄧氏一門三節 旌

洪氏棠木徐承纁之妻洪湖亮之女二十歲夫亡現年  
五十與姆鄒氏姪媳鄧氏一門三節 旌

鄧氏棠木徐之棟之妻鄧元亮之女二十七歲夫亡現  
年五十歲與伯姑鄒氏叔姑洪氏一門三節 旌

鄧氏大坑李旺成之妻飲賓鄧倬雲之女二十歲夫亡

五十歲終 旌

鄧氏竹溪生員鄒若藻之妻職員鄧榮綬之女二十九歲夫亡四十四歲終 旌

彭氏七琴洪緒之妻監生彭述訓之女二十七歲夫亡八十歲終 旌

鄒氏東郭鄧家齊之妻生員鄒燦瑚之女二十六歲夫亡七十一歲終 旌

楊氏蘆嶺李財顯之妻楊光遠之女二十九歲夫亡六十四歲終 旌

新淦縣志

卷八人物志

列女

三九

曾氏澄江彭採芹之妻曾文弼之女十八歲夫亡六十八歲終 旌

鄒氏蘆嶺郡庠劉廷紱之妻鄒思黠之女三十歲夫亡七十九歲終 旌

龔氏錦潭聶植序之妻監生龔如餽之女二十三歲夫亡氏矢志完節 旌

鄒氏七琴監生洪啟秀之妻監生鄒日迪之女二十二歲夫亡四十五歲終 旌

楊氏琴溪監生洪被之妻武生楊一桂之女二十歲夫

亡氏矢志完節 旌

謝氏五都張履師之妻謝啟賢之女二十五歲夫亡七十七歲終 旌

李氏溧江張裕賢之妻李高七之女二十歲夫亡七十七歲終 旌

李氏板埠楊紹泗之妻李國柱之女二十歲夫亡七十四歲終 旌

鄧氏潤溪郝際順之妻鄧健翹之女十八歲夫亡七十七歲終 旌

新淦縣志

卷八人物志

列女

四十

張氏桃花溪鄭綸裕之妻邑庠張振羽之女二十二歲夫亡六十七歲終 旌

陳氏五都彭斯信之妻陳兆周之女二十九歲夫亡六十六歲終 旌

呂氏庄里李蘭芳之妻呂閒九之女二十三歲夫亡六十六歲終 旌

楊氏五都劉正邦之妻楊會黃之女二十六歲夫亡七十歲終 旌

楊氏大洋洲程開坪之妻楊約男之女二十九歲夫亡

六十七歲終 旌

黃氏五都龔得章之妻監生黃曰連之女二十四歲夫  
亡六十歲終 旌

皮氏五都黃守城之妻皮永百之女二十四歲夫亡六  
十四歲終 旌

廖氏鳳山監生謝特賜之妻貢生廖名振之女二十九  
歲夫亡六十三歲終 旌

張氏鳳山謝紹安之妻張有言之女二十五歲夫亡六  
十一歲終 旌

新淦縣志

卷八人物志

列女

四一

鄧氏五都黃德慶之妻鄧大良之女二十一歲夫亡六  
十一歲終 旌

何氏五都譚繼虞之妻何應高之女二十二歲夫亡四  
十二歲終 旌

張氏庄里李瑞錫之妻張景秀之女二十三歲夫亡三  
十八歲終 旌

黃氏庄里李登亨之妻黃漢傑之女二十五歲夫亡氏  
矢志完節 旌

皮氏庄里李億黨之妻皮燦一之女二十六歲夫亡氏

矢志完節 旌

李氏五都彭元林之妻清邑李蕃錫之女二十歲夫亡氏矢志完節 旌

楊氏滄洲劉廣茂之妻楊秀達之女二十四歲夫亡氏矢志完節 旌

楊氏鳳山謝鏗之妻楊立德之女二十八歲夫亡氏矢志完節 旌

李氏南源聶守信之妻李貴元之女二十歲夫亡氏矢志完節 旌

新淦縣志

卷八人物志

列女

四二

劉氏五都郝際泰之妻劉佳謨之女二十六歲夫亡氏矢志完節 旌

聶氏五都王爲騃之妻清邑職員聶琴之女二十一歲夫亡氏矢志完節 旌

陳氏鳳山謝兆鴻之妻陳雲從之女二十九歲夫亡氏矢志完節 旌

彭氏石口李有鶴之妻貢生彭履文之女二十六歲夫亡氏矢志完節 旌

張氏桃溪鄧衡宇之妻張成宇之女二十九歲夫亡氏

矢志完節 旌

聶氏溧江楊陽松之妻聶東亮之女二十一歲夫亡氏  
矢志完節 旌

鄒氏五都羅緯之妻邑庠鄒燦珩之女二十九歲夫亡  
氏矢志完節 旌

楊氏溧溪謝宗魁之妻楊起雲之女二十一歲夫亡家  
徒壁立撫二子藉紡績爲朝夕計六十歲終 旌

黃氏五都楊上福之妻黃秉盛之女二十六歲夫亡氏  
矢志完節 旌

新淦縣志

卷八人物志

列女

四三

楊氏五都張任選之妻清邑楊良亨之女二十歲夫亡  
氏矢志完節 旌

袁氏五都監生李燮之妻袁 之女三十歲夫亡氏  
矢志完節 旌

謝氏五都劉華昌之妻謝嘉猷之女二十七歲夫亡七  
十八歲終 旌

鄧氏坑口楊爲棠之妻鄧遵陸之女二十九歲夫亡七  
十五歲終 旌

王氏六都吳仰州之妻王仕佐之女二十六歲夫亡八

十四歲終 旌

王氏六都修職郎劉佳珩之妻貢生王宸翰之女二十九歲夫亡六十七歲終 旌

楊氏六都監生周廷樞之妻楊廷詡之女二十三歲夫亡七十八歲終 旌

劉氏坑口楊爲模之妻劉焯麟之女二十四歲夫亡七十一歲終 旌

黃氏武湖周公輔之妻黃拔羣之女二十四歲夫亡七十五歲終 旌

新淦縣志

卷八人物志

列女

四四

楊氏六都周贊聖之妻楊廷諶之女二十三歲夫亡七十二歲終 旌

劉氏楓湖聶謙懷之妻劉國美之女二十八歲夫亡七十歲終 旌

劉氏六都吏員陳必勝之妾二十六歲夫亡氏矢志完節 旌

杜氏六都徐彥宗之妻杜順四之女二十八歲夫亡氏矢志完節 旌

郭氏坑口侯選京府照磨楊相之妻郭從御之女二十

一歲夫亡六十三歲終 旌

劉氏六都龍秉清之妻劉文烈之女二十三歲夫亡五

十一歲終 旌

聶氏龍窩劉佳珏之妻聶友成之女二十三歲夫亡四

十六歲終 旌

曾氏沂上劉雲綱之妻曾能樹之女二十一歲夫亡四

十二歲終 旌

周氏六都鄒國茂之妻周仕美之女二十九歲夫亡氏

矢志完節 旌

新淦縣志

卷八人物志

列女

四五

曾氏六都劉廣宇之妻曾祖華之女二十五歲夫亡氏

矢志完節 旌

陳氏白馬蕭茂彰之妻陳仕儒之女二十九歲夫亡氏

矢志完節 旌

謝氏珠溪劉世慶之妻謝景弼之女二十九歲夫亡氏

矢志完節 旌

曾氏六都周其海之妻曾 之女二十三歲夫亡氏

矢志完節 旌

劉氏灘頭盧董正之妻劉振家之女二十七歲夫亡氏

矢志完節 旌

鄧氏六都傅如璿之妻鄧兆宗之女二十七歲夫亡氏

矢志完節 旌

黃氏古巷吳坤年之妻黃作仁之女二十六歲夫亡氏

矢志完節 旌

皮氏六都朱毓禮之妻皮 之女二十二歲夫亡氏

矢志完節 旌

曾氏中塘池添南之妻曾士遙之女二十歲夫亡氏矢志完節 旌

矢志完節 旌

新淦縣志

卷八人物志

列女

四六

張氏六都朱大猷之妻張 之女二十九歲夫亡氏

矢志完節 旌

池氏六都廖闢蒙之妻楊時達之女二十歲夫亡氏矢志完節 旌

矢志完節 旌

鄭氏界埠鄒濟川之妻鄭能四之女二十九歲夫亡氏

矢志完節 旌

曾氏六都皮隆祖之妻曾開泰之女二十五歲夫亡氏

矢志完節 旌

謝氏河埠職員周毓瑄之妾謝 之女二十六歲夫

亡氏矢志完節 旌

傅氏街仔上六都張如選之妻傅必道之女二十五歲夫亡氏矢志完節 旌

程氏六都朱作體之妻邑庠程開謨之女二十八歲夫亡氏矢志完節 旌

周氏六都吳茂珍之妻周芳甸之女二十一歲夫亡氏矢志完節 旌

劉氏六都周體德之妻劉永茂之女二十八歲夫亡氏矢志完節 旌

新淦縣志

卷八人物志

列女

四七

劉氏六都曾斯燦之妻劉朝智之女二十六歲夫亡氏矢志完節 旌

朱氏六都黃盛福之妻朱 之女二十歲夫亡氏矢志完節 旌

謝氏六都周世僚之妻謝作占之女二十四歲夫亡氏矢志完節 旌

吳氏六都劉朝梧之妻吳學陳之女二十五歲夫亡氏矢志完節 旌

傅氏侯府黃建德之妻喻邑傅作梁之女二十七歲夫

亡氏矢志完節 旌

鄧氏六都曾廷獻之妻鄧琿之女二十二歲夫亡氏矢志完節 旌

毛氏沂上邑庠周樹芹之妻毛仕職之女二十九歲夫亡氏矢志完節 旌

龔氏六都周世佗之妻邑庠龔志鵬之女二十一歲夫亡氏矢志完節 旌

鄧氏六都李家修之妻峽邑鄧衛泰之女二十三歲夫亡氏矢志完節 旌

新淦縣志

卷八人物志

列女

四八

蕭氏六都監生朱光友之妻蕭啟然之女二十八歲夫亡七十七歲終 旌

熊氏石下陳學忠之妻熊海八之女二十九歲夫亡七十歲終 旌

黃氏七都鄭秉剛之妻貢生黃士潔之孫女二十三歲夫亡氏矢志完節 旌

鄧氏上府七都廖國盛之妻鄧明遜之女三十歲夫亡氏矢志完節 旌

劉氏七都鄭豹南之妻劉友珍之女二十八歲夫亡氏

矢志完節 旌

龔氏七都胡又灝之妻龔厚也之女二十四歲夫亡氏矢志完節 旌

何氏七都陳楠之妻峽邑監生何隣之女二十一歲夫亡氏矢志完節 旌

胡氏七都陳殿諮之妻貢生胡廷弼之女二十五歲夫亡氏矢志完節 旌

李氏七都邑庠鄭旋元之妻

敕封儒林郎李忠恕之女二十九歲夫亡氏矢志完節 旌

新淦縣志

卷八人物志

列女

四九

熊氏北坑胡長齡之妻武生熊經邦之女二十八歲夫亡氏矢志完節 旌

劉氏七都杜庭禎之妻劉啟詔之女二十九歲夫亡八十五歲終 旌

敖氏七都職員杜璠之妻喻邑敖長慶之女二十六歲夫亡氏矢志完節 旌

阮氏坑里袁雲從之妻阮學榮之女十九歲夫亡氏矢志完節 旌

熊氏七都陳清源之妻職員熊廷陞之女二十六歲夫

亡五十二歲終 旌

胡氏七都簡志任之妻胡柳十之女二十六歲夫亡五十一歲終 旌

涂氏七都胡宗淵之妻峽邑涂上詔之女二十七歲夫亡氏矢志完節 旌

王氏陽家腦陽繼彩之妻王魯占之女二十四歲夫亡五十八歲終 旌

杜氏七都吳興也之妻杜恩五之女二十五歲夫亡氏矢志完節 旌

新淦縣志

卷八人物志

列女

五十

劉氏七都敖鳴高之妻劉燦宇之女二十三歲夫亡氏矢志完節 旌

劉氏長簿袁如弼之妻劉梓椿之女二十四歲夫亡氏矢志完節 旌

廖氏七都陳騰露之妻廖若唐之女二十六歲夫亡氏矢志完節 旌

蕭氏七都陳守博之妻蕭盛輝之女二十八歲夫亡氏矢志完節 旌

阮氏田里廖登密之妻阮習之之女二十六歲夫亡七

十四歲終 旌

聶氏玉韞錦潭邑增生聶守思之女許牛陂鄒躍海爲妻十八歲未嫁夫亡玉韞居家守貞數十年以終 旌  
鄧淑貞錢塘原任廣東廣寧縣鄧廷相之女許字洪長命爲妻夫八歲殤淑貞卽通大義守貞三十三歲終旌  
黃蘭祥黃時達之女許字城頭劉執仁爲妻未嫁夫亡守貞數十年以終 旌  
羅氏女羅端士之女許字太洋洲張福位爲妻未嫁夫亡日夜涕零粥糜不食數月而終 旌

新淦縣志

卷八人物志

列女

五一

楊氏年十六適新淦國學生蔣良紱良紱嘗闢佛病夢至佛殿繞之三巡氏曰繞殿三巡其凶讖乎果卒維時翁姑在堂遺孤甫五歲乃忍死肩其重或勸之改適則曰吾夫力學持正可無守貞之婦自是竭誠事舅姑課子倍嚴糲食粗服甘之如飴而厚於奉賓客有陶母風

楊宮保節孝錄

旌

廖氏四節劉氏龍泉明經劉維垣女適新淦孝廉廖國璜之子允萃爲繼室生二子一女而允萃棄世氏辛勤課子早列膠庠孫枝衆盛長孫名揚舉明經除縣尹皆

氏培蔭焉同上

干氏者允萃之弟允豫妻也諧媼未幾而允豫疾卒僅一女尙無姪可繼氏與妯劉同矢貞操遲之又久始以夫兄允謙之次子毓鳳承繼妯娌並臻壽考 旌

黃氏庠生黃升之女適毓鳳之堂兄毓麟甫舉一子松年而稱未亡人者數十年 旌

王氏漢陽司馬王雲翔之妹幼卽許字毓鳳甫擬結褵而毓鳳已病垂骨立父母欲姑緩其期氏潛然泣曰命所可安不宜更傷病者心惟是嫁裳奩具當盡屏華麗

新淦縣志

卷八人物志

列女

五二

是兒願也父母從之于歸匝月而毓鳳易簀乃立堂姪名世爲嗣以勵厥後 旌

張門雙節彭氏名存質新淦鄉飲大賓彭如琚女年二十一適同邑張國榮子庠生揚名七載而寡無子僅二女窘甚有屋一間田八分人謂氏將丐矣不丐則去況無可撫者氏唾之曰若安得擲掄我我寡人妻亦書生婦寧僵餓張氏宅不受人濟勺粒也乃擇於族屬之猶子崑爲夫後日夕織紵養姑姑體羸夜績及旦得線盈筐易肉食姑而已侍立食畢乃退嗣子及女餓且仆持

而慰之不令分姑食也姑年至八十三乃卒氏力營葬  
奠竭蹶婚嫁畢而嗣子又中道妖酸風辛雨今年且七  
十餘矣 旌

劉氏名雲蒸同里劉瓊女孀姑彭氏聞其贖手絰絲泉  
爲納徵采以匹嗣子崑諧婚未三載崑一疾不起氏年  
僅二十四生一子思賢家益罄如姑曰苦矣氏曰姑苦  
此數十年若甘也媳不肖苦方及亦甘之日以長帶約  
兒於背機聲軋軋與姑同操作若併力佃漸有年矣遂  
爲子娶婦里族贖之如其姑 旌

新淦縣志

卷八人物志

列女

五三

鄧氏新淦人邑庠生鄧宗祿女也氏幼讀書通大義年  
十六歸同邑聶嗣珩閱四載而夫卒孤幼氏矢志撫孤  
孤七歲殤益丁零無倚有諷之者氏悄然不應親族遂  
妄疑志或可奪於是勸改適者踵至氏怒且泣謂其族  
衆曰吾不幸夫死子殤於義應死所以覿然人世者徒  
以舅姑在耳奈何度我以不肖耶因嚼舌自誓血數升  
下餘噴漬衣袖間觀者錯愕改容乃止自是屏居一室  
勤紡績養舅姑以姪寬爲夫後年四十三卒 以上俱楊

以上乾隆年

石口雙節郡庠張燦妻龍氏龍樟女媳劉氏張式模妻  
監生劉杰女龍氏誓殉夫死姑老勸止織紵盡養歿而  
禮葬會大雨叩頭格天竟霽朗劉氏年僅十七無嗣守  
志嚙指不渝姑病醫不效禱取祖龕淨水飲而痊爲夫  
擇嗣承祧訓迪讀書嘉慶元年同 旌

陳氏儒童黃敦素妻幼通內則諸書代夫終養嫡庶二  
姑毫無難色年五十歲守節二十四年嘉慶七年 旌  
謝氏社坑李又茂妻謝學淵之女年二十夫亡氏念其

新淦縣志

卷八人物志

列女

五四

孑身無後不忍殉欲畱未亡之身圖立繼以延先祀卒  
完貞節撫姪承祧嘉慶九年 旌

劉氏竹源坑鄒夢日妻田東劉轟轟女夫亡時孤子行  
竣甫四歲家極貧氏念翁姑弱子無所恃因忍死勤機  
杼以供饘粥撫孤成家年七十八終嘉慶十五年 旌  
王氏塔下李學廉之妻王徇女繼姑在堂遺胎在腹婦  
而代子母以兼師養育交盡二十七歲夫亡嘉慶十八  
年 旌

雲莊三節陳氏監生艾先春妻陳觀瀾女媳鄒氏監生

艾壽世妻鄒欽舜女孫媳姚氏監生艾鳴岐妻監生姚樹綸女陳氏年二十五夫亡翁姑垂暮兩世一身仔肩維艱清操勁節綽有敬共之風鄒氏二十七歲而寡秉承家範迭遭阨難而交勵堅貞保先業而不墜姚氏年二十四亦遭鳴岐之變機杼夜績教子懋有聲鬢序孝順力學年六十四歲猶辛苦操持未嘗少懈陳年六十六歲沒鄒年七十五歲沒督學王公鼎獎額一門三節嘉慶二十五年三世同旌

周氏坑口監生

新淦縣志

卷八人物志

列女

五五

貽贈登仕郎楊淑妻河埠議叙廸功郎周尙禮女年十七歸於楊乾隆丁亥淑卒周年二十一欲以身殉念遺孤在腹抑哀治含殮閱兩月生子國楣事舅姑盡孝夫柩在堂值鄰居失火勢將逼周撫棺痛哭願與俱焚須臾風止火熄人皆異之以爲誠感所致云國楣主簿需次貽封氏孺人卒於嘉慶癸亥年五十七守節三十七年道光三年旌表建坊翰林院趙大史敬襄爲之誌

鄒氏業儒楊日燦妻鄒女色養兼隆儉勤素著肩生事死葬之重任仿移花接木於本支有嚴有翼慎始

慎終守貧勵節以終道光三年 旌

楊氏儒童干象棣妻楊象豫女賦質清高提躬淑慎甘旨循陔勤勞著績有兒在抱勤斯閔斯洵爲巾幗之完人道光三年 旌

蕭氏儒童習國珍妻蕭延桂女幼卽端靜長更柔嘉供堂上之甘旨保膝下之苦寒針繭爲殯機杼給饗歿年七十五歲守節四十五年道光三年 旌

饒氏民人彭彥之妻饒玉德女奉高堂盡禮撫猶子成人且子媳繼亡又撫孤孫於襁褓實遭多難而不變歿

新淦縣志

卷八人物志

列女

五六

年六十四歲守節三十五年道光三年 旌

姚氏儒童曾儉妻姚慕諫女幼嫺姆訓夙著賢聲供甘旨於堂上繼嗣子於膝前仰天矢志嚙指全操歿年五十九歲守志四十一年道光三年 旌

朱氏樓前儒童鄧貴友妻朱克盛女門無次丁家無擔石資紡營生遺腹生子至於成立以承先祀道光三年 旌

鄧氏二都曉坑監生宋可紹之妻已故訓導職鄒暉之女二十九夫亡守節二十一年以婦道而供子職養兩

孀姑以嫂氏而兼母儀鞠小弱弟擇嗣承祧繼志成名  
飲冰食蘖勵節完貞道光五年請 旌

楊氏六都郡庠周世綵之妻監生楊爲權之女年二十  
八歲夫亡守志以終 旌

朱氏六都邑庠周肖濂之妻同里邑庠朱士佳之女年  
二十八歲夫亡八十六歲終 旌

王氏二都陽團生員姚質彥之妻青州守王雲煥之女  
年二十八歲夫亡三十八歲終 旌

鄒氏二都陽團姚瓊芳之妻鄒諄一之女二十三歲夫

新淦縣志

卷八人物志

列女

五七

亡年四十六歲終 旌

贊曰綱常大義巾幗何殊紅顏殉節白首撫孤艾兮三  
世蕭兮雙雛慷慨從容異代同符

節孝新篇

聶如璋妻劉氏

鄒 姓妻李氏

聶和平妻鄒氏

蔡學古妻李氏

謝忠華妻劉氏

廖毓瑞妻鄒氏

黃仕祿妻李氏

劉依仁妻□氏

鄧見周妻楊氏

彭陞元妻黃氏

童儒

楊日謀妻劉氏

周能寶妻曾氏

裴象乾妻劉氏

楊星熠妻李氏

鄒向餘妻鄧氏

聶梧四妻黃氏

新淦縣志

卷八人物志

列女

五八

周廷樾妻黃氏

彭星彩妻鄧氏

聶若鷗妻黃氏

楊星環妻劉氏

鄧興茂妻張氏

習開炯妻黃氏

劉順錫妻黃氏

鄧觀闌妻陳氏

聶韶緒妻劉氏

鄧承詔妻鄒氏

周賜襲妻朱氏

蔣紹學妻李氏

黃信登妻楊氏

鄒繼夏妻周氏

鄧承通妻鄒氏

鄒揚鴛妻曾氏

劉文煥妻周氏

傅必改妻黃氏

李如璉妻鄧氏

鄒行義妻鄧氏

廖陞勤妻黃氏

王家樹妻鄧氏

皮能邦妻曾氏

羅建芝妻鄒氏

曾逢昌妻張氏

鄧學耕妻黃氏

徐雲龍妻鄒氏

鄒得寶妻曾氏

艾聚雲妻鄒氏

鄧斯錦妻楊氏

孫悅信妻曾氏

李全振妻楊氏

劉維綸妻曾氏

鄒紹貴妻曾氏

黃永清妻張氏

徐兆鳳妻鄧氏

新淦縣志

卷八人物志

列女

五九

廖開備妻黃氏

廖闢懦妻陳氏

習 恕妻張氏

聶似驥妻鄒氏

皮濟川妻黃氏

郭與貞妻陳氏

蕭其貴妻楊氏

朱坤鳳妻鄧氏

劉萬和妻陳氏

廖秀清妻張氏

鄧容大妻陳氏

廖開盟妻鄧氏

李興蘭妻陳氏

廖欲肫妻朱氏

員生

鄧廣生妻黃氏

鄧亮周妻鄒氏

范金榜妻鄒氏

楊燦友妻周氏

劉振藻妻王氏

饒作楷妻聶氏

鄧輝霞妻王氏

劉朝諱妻周氏

鄧芳昇妻聶氏

楊朝作妻彭氏

廖開蒲妻蕭氏

聶廷選妻蕭氏

王雲翔妾周氏

張賢謨妻聶氏

周廷宰妻徐氏

王雲翔妾周氏

廖則春妻蕭氏

鄧成規妻胡氏

李聯寶妻聶氏

饒嘉海妻周氏

王世蕪妻彭氏

廖任孝妻彭氏

新淦縣志

卷八人物志

列女

六十

吳超常妻王氏

李學成妻蕭氏

蕭學虞妻徐氏

劉以淵妻胡氏

鄧郁瀾妻胡氏

聶寅典妻胡氏

王懷郊妻程氏

楊壽考妻蔣氏

饒學淇妻蔣氏

聶植蓉妻蔡氏

鄧體拔妻蔡氏

廖詠歌妻蕭氏

鄒宏茂妻周氏

李鵬漢妻沈氏

廖詠權妻蕭氏

廖信章妻彭氏

鄒誠裕妻沈氏

一與門嫡陳節氏

吳茂修妻周氏

劉有德妻徐氏

聶垂遠妻蕭氏

謝佳琨妻聶氏

范兆棟妻胡氏

聶飛韓妻蕭氏

陳毓恭妻謝氏

楊日詠妻胡氏

鄧嘉謀妻周氏

楊□壩妻周氏

周世績妻鄭氏

楊倚宇妻聶氏

黃秀光妻謝氏

李兆元妻唐氏

蕭為賢妻吳氏

陳活隆妻吳氏

楊道修妻聶氏

鄧亮音妻徐氏

廖詡富妻蕭氏

新淦縣志

卷八人物志

列女

六一

楊泰宇妻周氏

習建瑯妻胡氏

廖印雲妻徐氏

鄒啟佼妻吳氏

楊在通妻周氏

鄧立芳妻唐氏

廖悅松妻鄭氏

張煥毓妻謝氏

童儒

楊日熙妻周氏

廖慕仁妻唐氏

生增

聶植彝妻唐氏

廖玉韶妻蔣氏

童儒

廖世美妻蔣氏

廖裕攀妻蔡氏

周佳卉妻敖氏

聶悠遠妻敖氏

周 騎妻廖氏

劉傳烜妻廖氏

姚采芳妻習氏

曾正衡妻帥氏

從九張朝用妻甘氏

鄧文儀妻皮氏

吳錫祉妻孫氏

謝兆福妻習氏

聶正美妻皮氏

鄧中民妻孫氏

朱昌鳳妻廖氏

張名贇妻袁氏

王師妻董氏

楊鎮猷妻龍氏

吳凝春妻董氏

蕭宗霆妻聶氏

廖居嵐妻袁氏

聶張書妻廖氏

廖學拔妻聶氏

楊再顯妻周氏

新淦縣志

卷八人物志

列女

六二

聶能靜妻周氏

武生饒觀成妻周氏

周聯元妻朱氏

廖開衍妻陳氏

聶步階妻廖氏

廖斯霓妻陳氏

曾世彩妻朱氏

何金偉妻帥氏

廖任乾妻張氏

王賜英妻陳氏

廖廣優妻周氏

王泰樟妻鄧氏

朱振海妻張氏

鄧華岳妻陳氏

王斯赫妻鄧氏

皮勳國妻曾氏

習宗思妻張氏

生員聶體純妻婁氏

王家駿妻龔氏

劉有順妻陳氏

劉玉輝妻羅氏

楊作善妻張氏

鄧發裕妻張氏

王 柱妻張氏

劉廷亮妻鄧氏

楊仁榮妻鄧氏

聶則佺妻廖氏

鄧正謀妻羅氏

李鴻信妻陳氏

姚翀宇妻袁氏

與姆謝節氏一門

聶原泰妻廖氏

楊云哲妻曾氏

夏迪解妻曾氏

鄒兆臺妻楊氏

王為騶妾楊氏

劉之棻妻楊氏

新淦縣志

卷八人物志

列女

六三

廖盛歡妻楊氏

鄧尊倫妻鄒氏

饒其儒妻楊氏

聶韶音妻廖氏

廖陞書妻陳氏

鄧啟吉妻鄒氏

王士喆妻陳氏

員生

劉 喆妻張氏

曾成業妻鄒氏

廖開緘妻楊氏

陳躍池妻鄒氏

王 岷妻鄒氏

唐明珍妻黃氏

劉晉掄妻黃氏

楊星耀妻李氏

鄧集倫妻李氏

王世丞妻李氏

王景英妻李氏

謝維街妻姚氏

鄧嘉相妻干氏

聶謙懷妻劉氏

鄧斯弼妻宋氏

王家駒妻干氏

員生姚咨岳妻宋氏

鄧茂賢妻高氏

黃廣順妻饒氏

鄧集芝妻高氏

譚泰德妻李氏

董廣順妻饒氏

魏光曜妻傅氏

張莊度妻李氏

鄧起動妻郭氏

蕭星輔妻范氏

聶遇清妻劉氏

吳超遠妻熊氏

蔣允洋妻呂氏

新淦縣志

卷八人物志

列女

六四

鄧永興妻傅氏

李功業妻熊氏

蔣允泮妻呂氏

聶方旭妻郭氏

大鹽

使楊濟妾任氏

廖育連妻饒氏

聶虎文妻劉氏

廖春芳妻曹氏

干成立妻段氏

劉鶴乾妻熊氏

王言妻任氏

謝烜妻陽氏

吳昌言妻簡氏

曾月龍妻閔氏

魏慶章妻文氏

張明宗妻嚴氏

王繩通妻章氏

聶鼎盛妻劉氏

宋源澄妻姚氏

蔣濟正妻劉氏

徐 崑妻羅氏

王 容妻騰氏

董翔雲妻劉氏

鄧為霖妻邱氏

鄧家政妻元氏

鄒方烜妻李氏

聶會遠妻劉氏

廖悅閏妻劉氏

周聯賚妻劉氏

鄒方蔚妻羅氏

孫華魁妻姚氏

謝佳鎬妻李氏

帥恒賓妻姚氏

朱作芹妻劉氏

員生 楊樹元妾李氏

曾月禮妻馬氏

新淦縣志

卷八人物志

列女

六五

鄧捷元妻劉氏

鄧步登妻鄒氏

陳 麟妻劉氏

蔣昭學妻李氏

鄧國茂妻鄒氏

聶咸亨妻鄒氏

曾世福妻鄒氏

周 楫妻楊氏

姚世靄妻鄒氏

一與媳鄒節氏

王 褒妻楊氏

員生 劉廷紱妻楊氏

姚名利妻鄒氏

一與姑鄒節氏

鄧應承妻鄒氏

朱光元妻楊氏

程全章妻楊氏

廖闢蒙妻楊氏

王 宰妻楊氏

鄧逸庵妻楊氏

楊在密妻蕭氏

曾海川妻陳氏

胡正庠妻蕭氏

楊其善妻蕭氏

生員

陳方升妻蕭氏

廖光祈妻陳氏

聶久芳妻饒氏

謝建業妻楊氏

鄧漢音妻楊氏

廖必贇妻饒氏

黃志道妻陳氏

聶洪也妻饒氏

鄧文臣妻崔氏

鄭志安妻蕭氏

周日璠妻任氏

廖居寬妻譚氏

生監

黃敦素妻陳氏

謝曦聲妻楊氏

新淦縣志

卷八人物志

列女

六六

王雲翔妾萬氏

李承璧妻楊氏

聶飛翰妻蕭氏

廖就翰妻丁氏

曾茂勝妻任氏

聶芳盛妻饒氏

聶光財妻劉氏

陳功升妻劉氏

聶國修妻楊氏

聶立巖妻蕭氏

鄧大成妻劉氏

蔣元檜妻陳氏

鄧周瀾妻劉氏

楊樹業妻黃氏

聶襲人妻黃氏

生監

李發俸妻黃氏

廖盛惟妻楊氏

王達世妻陳氏

彭 崑妻劉氏

聶存素妻廖氏

廖玉鼎妻劉氏

吳尙珍妻陳氏

廖毓梁妻劉氏

蕭光德妻楊氏

聶奉生妻劉氏

謝欲貴妻劉氏

聶益華妻鄧氏

□□ 陳得祿妻楊氏

鄒日隆妻陳氏

鄒日昌妻陳氏

鄒日榮妻陳氏

張莊度妻劉氏

饒紹定妻楊氏

聶文爲妻劉氏

朱春元妻楊氏

敖 璠妻鄧氏

新淦縣志

卷八人物志

列女

六七

楊日祚妻劉氏

李金振妻楊氏

楊菁華妻陳氏

童儒 張 璜妻李氏

李學增妻鄧氏

黃得照妻楊氏

周順雨妻黃氏

鄧誠裕妻陳氏 與一門□沈節氏

魏仕愷妻劉氏

姚傳芳妻鄒氏

王家瑾妻劉氏

董 正妻劉氏

姚芹芳妻鄒氏

陳星璋妻鄒氏

袁立貴妻鄒氏

經府 鄧思雲妻鄒氏

生監 李如松妻鄒氏

鄧學禮妻鄒氏

鄒方薰妻張氏

鄧才元妻楊氏

聶原巖妻鄧氏

童儒 楊鴻儒妻張氏

童儒 聶伊龍妻楊氏

廖向文妻鄧氏

饒嘉誕妻聶氏

劉慕備妻楊氏

張殿輔妻鄒氏

饒紹富妻聶氏

童儒 洪利見妻鄒氏

李如松妻鄧氏

姚狝衢妻謝氏

與一門雙袁節氏

監生 林之材妻鄧氏

楊望修妻謝氏

聶盛弼妻蕭氏

童儒 沈濱妻鄧氏

劉學韶妻謝氏

新淦縣志

卷八人物志

列女

六八

李步蟾妻謝氏

楊維商妻鄒氏

劉夢芝妻楊氏

聶廣聚妻楊氏

廖震琳妻蕭氏

聶孔懷妻張氏

廖鼎元妻張氏

王溥妻劉氏

聶運昌妻楊氏

聶定選妻楊氏

朱坤鳳妻廖氏

蔣鍾漢妻廖氏

聶讓暉妻蕭氏

楊維教妻朱氏

武生 聶卓之妻朱氏

饒作俊妻周氏

聶錫椿妻朱氏

監生 李發仲妻周氏

員生 鄧九翔妻劉氏

童儒 張敦仁妻周氏

廖恍若妻楊氏

蕭忻貴妻楊氏

楊德耀妻劉氏

廖向明妻楊氏

以上共四百零壹名俱已請 旌

陳家誠妻劉氏

游接紹妻李氏

鄒方葵妻李氏

鄒吐芳妻李氏

姚有赤妻劉氏

彭聞耀妻李氏

員生 唐立元妻黃氏

王守祿妻黃氏

何耀琪妻鄒氏

李尊重妻鄒氏

新淦縣志

卷八人物志

列女

六九

楊佐立妻劉氏

方映馥妻鄒氏

鄧維訓妻劉氏

楊紹俊妻李氏

鄒心曠妻劉氏

劉林輝妻鄒氏

宋萃馥妻劉氏

張宗揚妻黃氏

陳繼業妻李氏

宋佳盛妻鄒氏

陳茂臣妻鄒氏

王誠心妻楊氏

唐運杏妻曾氏

李富美妻楊氏

唐家紉妻曾氏

姚世逢妻曾氏

與媳裴節氏

彭昌齡妻鄧氏

童儒 闕向日妻曾氏

曾振國妻楊氏

鄒喬芳妻鄧氏

主員 鄒集和妻鄧氏

胡柔妻楊氏

姚振譚妻張氏

鄒志洪妻張氏

溫良富妻鄧氏

鄭祥道妻楊氏

陳朝輦妻曾氏

鄒賢才妻楊氏

皮兆智妻張氏

裴祥發妻楊氏

劉文炳妻鄧氏

謝和有妻張氏

鄭倫裕妻張氏

楊塗妻張氏

朱雲齡妻楊氏

黃瑞祺妻鄧氏

新淦縣志

卷八人物志

列女

七十

彭幹邦妻張氏

吳任芳妻鄧氏

黃朝欽妻楊氏

蕭求拔妻曾氏

鄒喜雯妻陳氏

姑楊氏媳姚氏一門三節

李秩倫妻陳氏

鄭書珍妻楊氏

鄭秀玉妻楊氏

孫學海妻陳氏

劉興勝妻陳氏

文童 胡蔚起妻陳氏

彭生榮妻楊氏

吳瑞藹妻鄧氏

洪秩文妻鄧氏

拔貢 鄧鳳鳴妻楊氏

劉定誠妻鄧氏

監生 伍如溟妻鄧氏

鄒嶺四妻曾氏

蔣存玳妻張氏

謝明典妻楊氏

鄒佳諗妻鄧氏

何和寶妻陳氏

員生 聶履祥妻鄧氏

彭居業妻張氏

徐鍾浩妻楊氏

陳泰典妻曾氏

彭樹名妻鄧氏

鄒秉純妻鄧氏

聶夫祥妻張氏

李盛雲妻曾氏

聶明裕妻張氏

員生 周樹義妻張氏

黃科連妻楊氏

張新東妻楊氏

生廩 張朝選妻陳氏

童儒 聶守淡妻鄧氏

新淦縣志

卷八人物志

列女

七一

戈學海妻鄧氏

曹雲凌妻楊氏

鄒兆堅妻楊氏

丁體順妻曾氏

郝占元妻楊氏

九從 聶爐珍妻鄧氏

劉才興妻楊氏

九從 鄒成福妻鄧氏

楊芳坻妻陳氏

李盛來妻陳氏

曾興才妻陳氏

孫際吉妻陳氏

員生 李學超妻周氏

楊近周妻周氏

姚日從妻朱氏

姚培芝妻周氏

張景敬妻周氏

徐正筆妻陳氏

生員 鄒朝美妻朱氏

職員 唐儀燦妻王氏

傅秀美妻周氏

劉守昶妻周氏

唐運乾妻王氏

職員 聶廷棟妻周氏

周秀元妻陳氏

丁照山妻聶氏

周世筌妻王氏

鄒懷清妻朱氏

劉學古妻陳氏

孫信存妻王氏

蕭務勝妻周氏

監生 朱世茂妻周氏

童文 鄒賀昌妻聶氏

聶殿魁妻陳氏

張宗桐妻王氏

黃光裕妻聶氏

新淦縣志

卷八人物志

列女

七二

黃神招妻陳氏

聶元三妻朱氏

劉彩春妻陳氏

監生 鄭如鐸妻朱氏

程卓立妻陳氏

李文錫妻周氏

易蓄持妻聶氏

從九 沈新二妻聶氏

鄧良裕妻謝氏

鄒壽美妻謝氏

劉進飛妻謝氏

朱以恭妻周氏

李聯榜妻聶氏

童文 習建珪妻周氏

周其葑妻陳氏

洪養性妻聶氏

童文 黃遜志妻周氏

皮志禮妻朱氏

童文 徐洪福妻聶氏

鄒星拔妻聶氏

饒接登妻陳氏

童文 鄒世俊妻周氏

張景和妻聶氏

童文 黃維學妻周氏

吳庭誨妻陳氏

鄧培仁妻謝氏

張傑祖妻聶氏

楊星麗妻朱氏

鍾興相妻謝氏

楊 竊妻聶氏

孫人鏡妻陳氏

李發興妻謝氏

童文 曾佳賢妻周氏

劉周恒妻周氏

習建鐸妻陳氏

程瑤珍妻朱氏

新淦縣志

卷八人物志

列女

七三

龔景和妻朱氏

劉育民妻朱氏

張殿美妻聶氏

張原龍妻聶氏

饒 崛妻聶氏

童文 饒書升妻聶氏

饒殿安妻聶氏

童文 黃金春妻謝氏

劉迪業妻吳氏

朱學龍妻吳氏

周簡雅妻吳氏

王慶華妻吳氏

教諭 劉淦源妻吳氏

曾蕃宗妻彭氏

童文 聶守創妻蕭氏

童文 陳 蘭妻彭氏

童文 黃慶桃妻吳氏

氏與一致門義雙妻節劉

陳敦誠妻蕭氏

劉尙魁妻蕭氏

鄧培英妻彭氏

杜佳驛妻彭氏

陳明邦妻徐氏

王尙柏妻吳氏

員職 陳種琳妻徐氏

鄧嘉恩妻胡氏

鄧光斗妻徐氏

生監 徐鏢妻胡氏

童文 楊懷剛妻胡氏

周懷芳妻胡氏

鄧嘉惠妻胡氏

謝志本妻鄭氏

蔣仕渭妻何氏

阮學禮妻鄭氏

廖麟馨妻鄭氏

傅宏性妻彭氏

鄧體安妻徐氏

新淦縣志

卷八人物志

列女

七四

李德盛妻鄭氏

蕭年有妻吳氏

楊利生妻徐氏

李潛雅妻何氏

楊日斗妻唐氏

曹鼎才妻程氏

鄭植杞妻唐氏

艾天錫妻沈氏

皮世鍊妻沈氏

鄒殿兆妻敖氏

黃能業妻敖氏

姚名遜妻裴氏

與姑曾節一門雙氏

生監 劉光鎰妻胡氏

何春宗妻蔣氏

周有儀妻胡氏

生監 鄭景亨妾徐氏

鄭恩修妻蔣氏

楊幹酬妻程氏

高必廣妻胡氏

李嘉栲妻徐氏

黃連元妻徐氏

習羣濟妻蔡氏

胡國華妻鄭氏

生監 劉長椿妻徐氏

唐 嶰妻蔡氏

劉邦鑑妻徐氏

周嘉棟妻胡氏

杜新芬妻鄭氏

張聯桂妻廖氏

張立柱妻廖氏

裴杰承妻藍氏

李馥寬妻程氏

生監 傅剛繼妻藍氏

楊樹齡妻廖氏

陳聚財妻習氏

童文 王之苙妻廖氏

新淦縣志

卷八人物志

列女

七五

姚日孜妻習氏

楊在明妻廖氏

童文 聶文藻妻習氏

李作方妻譚氏

唐運服妻歐陽氏

九從 謝福有妾戴氏

曹廷彩妻皮氏

陳清謨妻皮氏

李志鳳妻龍氏

李志崙妻龍氏

黃熙春妻湯氏

李佑明妻龍氏

陳逢植妻袁氏

鄭鳳占妻龔氏

鄒正衡妻帥氏

謝年有妻袁氏

李富才妻龔氏

陳高才妻孫氏

鄒方霞妻羅氏

胡吉修妻帥氏

鄧家輝妻祝氏

員生 鄧洪修妻龔氏

習昌占妻羅氏

曾臨照妻羅氏

鄧體璪妻祝氏

員生 王仕豹妻江氏

魏望明妻帥氏

方映長妻江氏

習象璠妻姚氏

周世綈妻龔氏

王治才妻龔氏

蕭務泰妻宋氏

鄒國登妻姚氏

魏高勝妻傅氏

謝國幹妻干氏

童文 周其峻妻傅氏

新淦縣志

卷八人物志

列女

七六

員生 彭守毅妻范氏

生武 劉承剛妻范氏

陳修禮妻江氏

曾振紀妻侯氏

皮時柏妻傅氏

李高興妻呂氏

謝啟旺妻藉氏

蕭志修妻黎氏

胡普照妻呂氏

梅誠修妻游氏

唐家珍妻饒氏

楊繼宗妻饒氏

童文 周佳嵐妻傅氏

陳照祖妻郭氏

鄒似萱妻洪氏

鄭本再妻傅氏

鄧拱尙妻洪氏

童文 周有榜妻余氏

員職 廖祿應妻饒氏

鄧形厚妻洪氏

朱祥仁妻余氏

鄧榮裕妻郭氏

袁之泮妻傅氏

黃國求妻饒氏

周方藩妻郭氏

劉必才妻魏氏

楊從雲妻鍾氏

鄒馥蘭妻伍氏

吳齡基妻饒氏

張展富妻曹氏

童文 聶旦曙妻郭氏

王占才妻許氏

張殿富妻曹氏

鄧紹業妻魏氏

鄧鳴韶妻鍾氏

童文 鄒煥國妻戈氏

新淦縣志

卷八人物志

列女

七七

楊樹仁妻毛氏

廖嵩儀妻熊氏

鄧家疇妻宣城氏

諭教 聶濟川妻俞氏

鄧培桂妻宣城氏

鄧魁秀妻劉氏

吳德亨妻劉氏

余步典妻劉氏

陳彩慶妻劉氏

洪受祜妻劉氏

彭上進妻李氏

生增 鄧廷球妻李氏

鄧和大妻李氏

鄧日昭妻劉氏

廖慶齡妻楊氏

徐正植妻劉氏

鄧爲惠妻李氏

皮開坤妻劉氏

楊 譜妻劉氏

童文 楊 紵妻劉氏

童文 周兆福妻劉氏

封誥 陳爾錦妾李氏

生監 楊果昌妻劉氏

周覲藩妻劉氏

鄒煥章妻李氏

彭節鎮妻劉氏

鄒芹芳妻李氏

童文 聶春煦妻黃氏

童文 聶觀樂妻鄒氏

李發書妻黃氏

童文 聶際泰妻黃氏

鄒有愉妻李氏

童文 聶若鷗妻鄒氏

鄧家重妻黃氏

鄒任昭妻李氏

鄒春文妻黃氏

新淦縣志

卷八人物志

列女

七八

謝月槎妻李氏

鄭香瑞妻鄒氏

彭富邦妻劉氏

員生 周懷玉妻楊氏

曹長才妻李氏

唐聞義妻李氏

皮禹道妻李氏

陳鶴齡妻劉氏

曾瑞林妻楊氏

張廷英妻楊氏

鄒懷芳妻黃氏

生監 劉 敕妻楊氏

聶夫裕妻劉氏

劉茂和妻楊氏

謝富彩妻楊氏

員生 吳毓英妻黃氏

李廣明妻劉氏

吳廣川妻黃氏

童文 周佳鉅妻黃氏

楊日恕妻鄒氏

皮飛鳳妻楊氏

職員 鄧鍾離妻鄒氏

鄧祥大妻鄒氏

監生 曹慶光妻楊氏

鄧俊垣妻楊氏

謝遐齡妻楊氏

謝秀考妻楊氏

生員 聶黻廷妻曾氏

蔡君贊妻楊氏

童文 皮興有妻曾氏

鄧培根妻曾氏

周晏文妻曾氏

謝翰欽妻鄧氏

陳育星妻曾氏

童文 周秉傑妻楊氏

劉紹作妻鄧氏

新淦縣志

卷八人物志

列女

七九

生員 李維綱妻楊氏

鄭雲龍妻楊氏

監生 李學光妻鄧氏

聶林瑞妻曾氏

童文 周秉光妻曾氏

黃嘉贊妻張氏

吳宏祧妻鄧氏

陳廣茂妻鄧氏

楊在藻妻鄧氏

朱建勳妻張氏

童文 袁學富妻張氏

傅育青妻陳氏

張永繳妻陳氏

皮帝光妻聶氏

童文 饒書升妻聶氏

傅文元妻聶氏

陳明倫妻聶氏

黃兆鰲妻謝氏

周官儀妻謝氏

吳庭諭妻謝氏

胡文貴妻聶氏

程有桂妻黃氏

龔拱秀妻聶氏

童文 劉運遜妻黃氏

李敬明妻謝氏

陳秉寬妻謝氏

童文 李道佐妻黃氏

吳夢熊妻黃氏

童文 楊基美妻李氏

史典 劉載春妻李氏

周佳璵妻李氏

羅福緣妻李氏

童文 鍾毓蘭妻李氏

員生 王培元妻李氏

張兆映妻李氏

鄭從勤妻李氏

新淦縣志

卷八人物志

列女

八十

童文 鄧為大妻李氏

杜秀渠妻李氏

黃致義妻劉氏 與桃慶妻一門雙節

黃善文妻劉氏

謝德貴妻劉氏

童文 簡附傳妻劉氏

周超民妻劉氏

李佑明妻劉氏

張興芳妻廖氏

聶慶昌妻張氏

傅宏恭妻廖氏

童文 謝樹蘭妻習氏

劉 鍾妻習氏

簡亮兆妻皮氏

聶立業妻皮氏

監生 鄧穎舒妻陳氏

徐東暄妻鄒氏

徐錫瓊妻鄒氏

鄧爲盈妻鄒氏

楊發顯妻曾氏

童文 楊振聲妻聶氏

監生 徐承綵妾趙氏

鄧玉瑞妻劉氏

蕭學由妻朱氏

周文儀妻王氏

郭春華妻張氏

王國幹妻吳氏

曾華占妻周氏

劉進元妻周氏

傅 妻張氏傅占儀之母

阮 妻傅氏阮先茂之母

張百顯妻陳氏

毛美拔妻皮氏

以上共四百二十七名俱舉報候 旌

新淦縣志

卷八人物志

列女

八一

貞女補遺

陳氏陳日榮之女幼許李日仔爲妻未婚夫故聞訃奔

喪明建文四年流寇劫掠鄉村突入其家欲逼婚遂投

水死賊怒斷其首 旌

陳盛祥陳鳳崗之女幼許段誥爲妻未婚夫故聞訃奔

喪哀痛迫切矢志事翁姑以媳代兒 旌

朱閨秀邑西章巷朱必莪次女幼許字喻邑黃神選長

子未于歸黃氏子病故女甘心守志謂父母曰我與黃

氏子雖未結縭名義已定縱不能相從於地下豈容失

節於人間今黃門寒甚願母家予我片屋自紡自食以終餘年自是足不出戶庭數十年清操確守凜若冰霜同鄉楊治欽其貞節爲之立傳

黃妹妹坑東黃貴蘭女幼許字鄒侯遠子甫十齡鄒兒遠出就商久無音女及笄父欲改適女曰鄒兒雖不歸義當從一後鄒竟不歸女欲望門守節鄒實窶無可依遂與寡嫂織紝營生冰霜共勵女壽至六十三歲終旌

新淦縣志

卷八人物志

列女

八二

列女補遺

職員 姚秉良妻習氏

監生 姚日禧妻郭氏

唐家湖妻劉氏

唐家寬妻鄧氏

蕭俊高妻劉氏

廖承勲妻張氏

劉 珍妻李氏

唐 晏妻李氏

殉難婦女附

蔡法度妻簡氏城內任再之女年十九夫亡矢志靡他  
咸豐戊午之亂簡年二十四被賊脅逼強娶簡不可賊  
怒宣言於衆曰若不我從屠汝族蔡姓聞之合族震恐  
簡籌思良久給賊曰願從明日賊以板輿來迎簡豔妝  
出談笑登輿賊不之疑遂與俱去路過溪橋簡忽從輿  
中自撲水死時溪水暴漲尸不可得聞者傷之邑副舉  
陳晉嵩弔之以詩

職員張劭妻楊氏次媳似珺妻傅氏三媳從九文炳妻皮氏

新淦縣志

卷八人物志

殉難附

一

孫媳從九

渭妻饒氏

以上四名俱已請  
旌準入總坊

姪媳似瑞妻曾氏

女聶多藝妻張氏俱於咸豐十一年七月在薛家渡遇  
賊同時赴水殉節一門六烈

李德美妻范氏與夫攜子細牙女六祥正祥全家遇賊  
同時殉難

杜富興妻楊氏柏興妻陳氏揚興妻廖氏長女楊功載  
妻次女老祥一家五口因賊焚房屋船至白馬復遇賊  
俱投河死

周鞏固妻歐陽氏咸豐辛酉七月避賊舟至峽邑漳口

賊執其媳黃氏遂與孫冬保孫女壽祥拚救不可得一家四口俱投河死

生員傅庭槐妻周氏姪有昀妻范氏姪孫冬生岳母周任氏同舟避賊至薛家渡被圍俱投河死

文童周元香妻鄧氏樓前人監生鄧思聖之女年十九歸元香二十夫亡撫姪振昇爲嗣守節三十年咸豐十一年粵匪竄淦氏買舟避賊於樟鎮薛家渡時賊舟蟻集氏恐不免先投水死氏媳鄧氏卽氏姪也與氏姆元佩妻饒氏見氏先死亦相繼投水人稱一門三節烈

新淦縣志

卷八人物志

殉難附

二

劉以祥妻張氏與媳炳元妻聶氏姑媳遇賊殉難

帥氏女年十五未于歸賊執不從被殺

徐氏女徐俊彩之女許字曾修品爲妻年十六未于歸被賊強污不從受戮身死

鄧妹女鄧聚生之女拒賊被殺

陳善慶妻段氏夫婦同被賊擄不從自縊

楊彥八妻劉氏夫婦同被賊殺

劉永益妻謝氏歲貢生謝汝舟之女咸豐丁巳七月賊逼恐污遂投井死

議敘八品 張登鈺妻周氏夫婦同被賊殺

杜時清妻傅氏與女九祥同被賊逼投水死

杜德貴妻周氏與孫長孫遇賊俱投水死

杜德華妻邱氏子雷興避賊大洋洲雷興被賊刺死邱

氏投水死

周晉卿妻 氏夫婦俱被賊殺

生員黃元勳妻曾氏與孫媳慶藹妻孫氏遇賊俱投水死

周美琨妻龔氏夫婦携二子遇賊合家投河自盡

儒童周勤勉妻黃氏携二子與夫同舟賊擒其夫氏同二

新淦縣志

卷八人物志

殉難附

三

子俱投河死

周鵠飛祖母廖氏及母劉氏妻曾氏俱被賊害身死一

門三烈

劉愛美妻夏氏與子細牙正保俱被賊殺

廖陟進妻龔氏女連女同殉

文童劉祖堯妻饒氏子女同殉

生員劉祖禹妻歐陽氏女同殉

劉懷美妻曾氏女連女同殉

李恒拔妻皮氏孀梅氏同殉

劉發有妻謝氏女水連同殉

皮華云妻艾氏年十九夫亡六十四歲被賊殺

董貞烈鄧氏節畧

董文瑛

自古忠義根於天性亦資於激發而婦人之貞烈尤本於性真得諸家教也室人鄧氏乾隆辛卯舉人鄧名詠裳之姪曾孫女按照廳銜名松筠之長女邑文庠名永修之胞姐其家詩書世篤號爲素封而氏自癸卯于歸所以助瑛料理家政者至周且密總以勤儉爲本咸豐乙卯冬賊竄淦城迄戊午春始四境肅清氏之衣奩罄

新淦縣志

卷八人物志

殉難附

四

盡瑛之生計日微而氏畧不介意謂窮困士人之常惟節義所關則死生當置之度外瑛每見其流離之際常以利剪自隨問其故則云值此兵劫設倉猝遇賊非挾利器卽欲圖自盡其可及乎幸而不遇賊數年中固無恙也詎料辛酉歲瑛於章門挾兒滋蕃教讀猝然賊至淦氏卽攜女端祥幼子謙生逃於黃富庄離城三十里維時抱病挾持弱息婦女圍坐於材之晒穀場者近百人天雨甚賊欲污婦女而氏恐女與己受辱賊逼近身厲色叱曰我名門女豈制於賊者卽以所持利剪自刺

開額角血流被面時賊二人相顧失色氏卽以手引血  
徧擦端祥面頰賊見而揮去同時婦女莫不嘆其心如  
鐵石氣等冰霜豈賊果有仁心抑亦氏之智足全節耳  
嗣聞變璜卽歸家而氏以傷痕待治爰挈氏與女一同  
到省醫治卒以驚悸日劇復歸淦終不起璜今鰥居十  
載前數歲爲氏呈報節烈得祀於省垣之昭烈祠云鄧  
福初有傳王崑山有詩

訓導 廖寅賓繼室聶氏已 旌準入總坊

州同 廖怡曾妻傅氏已 旌準入總坊

新淦縣志 卷八人物志 殉難附 五

劉惠週妻節孝 陳氏 周直英妻劉氏

周聚文妻劉氏 周月美妻敖氏

周喜庸妻李氏 周祥榮妻廖氏

黃仁羣妻任氏 劉傅氏星榮妻與子添孫女壽祥俱投河死

九品 李飛鵬妻周氏 耆民 楊維命繼室陳氏

楊維照妻李氏 李盛德妻周氏

任元純妻陳氏 周鳳仁妻王氏

監生 鄒紹昉繼母聶氏 劉鐙妻陳氏

劉銃妻敖氏 鄭步堦妻胡氏

生員 易日傳嬪李氏

習佳濟妻何氏

張秦玉母周氏

黃得照妻楊氏

伍楊明妻傅氏

九品 戈鷺起妻鄧氏

張植生妻熊氏

譚運筆妻謝氏

楊開元妻張氏

曾瑞林妻楊氏

龍雄拔妻謝氏

監生 彭飛鵬母陳氏

龔泮祖妻劉氏

生員 周懷玉妻楊氏

劉毓之妻周氏

譚鏡會妻謝氏

劉能之妻楊氏

劉啟珍妻楊氏

新淦縣志

卷八人物志

殉難附

六

劉吉華妻謝氏

劉日昭妻李氏

曾盛清妻陳氏

唐望義妻劉氏

周慕榮妻廖氏

杜章興妻劉氏

楊壽南妻吳氏

周開蘭妻廖氏

周志梧妻劉氏

周壽徵妻朱氏

周壽籌妻鄧氏

周表瑞妻楊氏

監生 周榮昌妻劉氏

周壽名妻王氏

周蝠飛妻藍氏

周養梧妻任氏

周慕齊妻陳氏

周品方妻朱氏

周宜勉妻陳氏

文童周蓉勉妻陳氏

周秀榮妻孫氏

周度發妻謝氏

廖陟達妻蕭氏

孫盛民妻陳氏

龍王氏

耆民姚如滿妻朱氏

胡鳳鳴妻劉氏

鄭珍財妻謝氏

鄭再恒妻龔氏

范隆興妻劉氏

廖立生妻聶氏

廖茂存姪女連娣

廖陟學妻李氏

廖興貴媳劉氏

劉才可妻袁氏

劉利成妻廖氏

新淦縣志

卷八人物志

殉難附 七

劉茂成妻徐氏

從九蔣朝選妻張氏

饒紹彩妻廖氏

饒逢貴妻毛氏

饒元新妻毛氏

饒琴治女冬連

饒敦禮妻蔣氏

饒桂材妻聶氏

饒志亨妻廖氏

劉松成妻李氏

劉秉溫妻敖氏

聶秋發妻藍氏

聶珊瑚妻李氏

聶開發妻皮氏

聶斯杰妻鄧氏

聶為拔妻廖氏

聶任階妻鄧氏

聶慶才妻鍾氏

聶良範妻鄧氏

楊禮莊妻聶氏

蕭啟恭女秀連

朱春恒妻敖氏

朱殿榮妻徐氏

職員李先榮妻廖氏

李應保妻曾氏

楊煊羣妻朱氏

劉三翔妻謝氏

劉三友妻周氏

吳和修妻劉氏

鄒瑞騰妻蕭氏

敖和發妻朱氏

盧廷思妻楊氏

盧貴珍妻聶氏

盧仲盛妻周氏

盧祥聚妻蕭氏

盧茂鳳妻朱氏

新淦縣志

卷八人物志

殉難附 八

監生朱世綸妻周氏

曾其馨妻皮氏

鍾輝連妻朱氏

鍾全修妻蕭氏

傅振彩妻龔氏

張發生妻劉氏

聶益華妻鄧氏

聶璉瑜妻李氏

聶桂芳妻藍氏

楊維祺妻蔣氏

楊其靈妻曠氏

朱仰矩妻楊氏

劉時來妻蕭氏

劉有朋母游氏妻周氏女甫祥合家□□

劉有幹妻黃氏兄嫂周氏三人同殉